



IVSTI LIPSI
EPISTOLARVM
SELECTARVM
CENTVRIA PRIMA
MISCELLANEA.



*Liberta
et Cong
Cong*

*Leu. Maris de V.
H. P. de V. de V.
H. de V. de V.
1699.*



ANTVERPIÆ,
EX OFFICINA PLANTINIANA,
Apud Ioannem Moretum.

cId. Idc. v.

Cum Privilegiis Casareo & Regio.



A. D P R Æ T O R E M,
C O N S V L E S,
E T
S E N A T V M R E I P.
V L T R A I E C T I N Æ.



Viri Nobiles, Viri Prudentes,



PISTOLAS meas aliquot, quas
his diebus collegi, & errantes
redegi sub vnum huius Cen-
turiae velut signum, visum mi-
hi in lucem dare: idque sub tu-
telâ nominis vestri. Causam
habui duplicem. Prior est, quia lucem aliquam
tenui huic, & per se obscuræ scriptioni, con-
ciliare conatus sum à luce vestrà: quorum an-
tiqua, potens, & amœna vrbs splendet inter
Belgicae primas: vósque in eâ, per prudentiam
& virtutem. Causa altera. quòd beniuolen-
tia vestra huc me impellit & comitas, quâ pu-
blicè ac priuatim insigni semper in me fateor
esse vfos. Omitto amicitias, quæ mihi cum
plerisque vestrorum ciuium artæ: sed pedem
numquam in urbem vestram posui, quin cla-
ra mihi signa semper exhibueritis eximij cu-
iusdam

iustam adfectus & cultus. Cum honore & amore venientem excepistis, hærentem habuistis, abeuntem dimisistis. Quo meo merito? nullo, fateor: sed solo impulsu beneficæ & humanæ naturæ. quæ velut fato aut Genio, inter adfuitas omnes gentes, propriè est vestra. Quod è maius beneficium interpretor; quia tam munes fuistis, in re & verbis hac tenus immunem. Id autem ne vltra sim, verborum ecce saltem & scripti munus hoc capite: Epistolas inquam meas, nouum & veterem ingenij partum. nouum dispositu, compositu veterem. sed partum profectò infirmum aut informem: & quem, per diuturni hoc morbi tedium, nec fingere nec polire mihi mens, quémque abiecisse verius videor, quàm peperisse. Vos ei tutores, imò patres aduoco: tangite, tollite expositam hanc prolem: & inprimis auctoritatis vestræ scuto defendite, contra maligni lioris dentem. Ita deus vos & vestram urbem ciuiliū hac bellorum flammâ aliquando eripiat, quâ vndique nunc estis cincti. Lugd. Bat. Id. Nouemb.

LECTO-

LECTOREM MEVM

SALVERE IVBEO.



En tibi Epistolas nostras, mi Lector, sed in parte: & eam ipsam partem, nō mentior, trepidè emissi, & quodammodo volens nolens. Volentem me sanè volentia tua facit. cuius fauoris aura suauiter adhuc mihi spirat: nolentem, ipsum argumentū. Primū, quia id tenue: nec famæ ab eo magna spes aut seges. Epistolas enim moras damus: id est, diales nostras nugas, iocos, lusum, & cū amicis garritus. Quid serium hīc magno opere, aut cultum? quin epistolę esse desinunt, si nimis tales. Ordinem aut dilectum in materiā, curam aut limam in stilo, quispiam expectat? à me frustra: quia in blandiente illā heresum, vt epistolas sub manu nasci debere censeam, & sub acumine ipso stili. Atque adeo (dicam verè) bis non scribo, bis vix eas lego. Profluunt mihi ex liquido quodam canali pectoris: & vt animus aut corpus meū est cū scribo, ita illæ. Victor meus solitus dicere, indices ei semper valetudinis nostrę meas litteras, etiam cū indices non essent. Benè. languent enim illæ, excitantur, dolent, gaudent; calent, frigent mecum. Vt verbo dicam, affectus animi corporisque mei in hāc tabellā. Quod si quēdā in his serię, tamen pauce: & præponderat, vereor, leuiorum multitudo. Nam nullas esse, falsò dixerim. quia interdum intercurrent totę, & ex professo tales, philologę aut philosophę, & salubriū aut docentium præceptorum. Consulimus, monemus, cauemus, apud iuuentutem præsertim: quam cura mihi semper ad vtilia, non solum ad amœna ducere, & animo ac robore ponere supra vulgum. Quas ipsas si paullo diligentius scripsi, & velut percolui digniori quadam sermonis veste: nihil, credo, peccaui. quia hoc quoque sine curā meā magnā, sine ambitu. cuius manus facilè mentem sequitur: & cū impleuit eam materies grandior, chartam mihi vltro verba. Famam igitur siue laudem sperē hīc haud magnam. atque adeo infamiam quā nō timeam, cū oculos siue ad æuum hoc flexi, siue ad rem ipsam? illud quidem, pronum ingerere calumnias vtraque manu; hanc, natā accipere toto sinu.

Detegimur enim in epistolis, & subijcimus oculis penè nudi. Nosse me, aut alium vis? epistolas lege, quæ depingunt. Ingenij mei, adfectus, iudicij, imò & vitæ, non vana imago istic. Alibi fucus & simulatio habitat: hîc candor, hîc veritas, & non nisi natiuus ille color. Quî simulet in subitâ illâ, & sæpè calidâ, scriptione animus? non potest. quî apud amicum, & se alterum? non vult, non debet. Reuera enimprehenditur aut emicat, priusquam se componat: nec velum ei ducere succurrit, quo tam citò, & apud tales, se tegat. Protrahit igitur hominem maximè hæc scriptio: & ideò iudicij calumnijsque exponit. De te tuisq; memoras? quod carpant reperient, vt vanum, aut iactabundum. De alijs? hîc quoque, quod carpant. Illi in laudes nimis pronus videbere, alij in reprehensiones: huic ad superbiam vergere, alteri in adulationem proclinare. Denique in publicâ & ciuili re, sub cineribus qui occulti ignes? Pictatis mihi rem alibi tange: apud hanc aut illam partem peristi. Reges aut status: cadauer es & funus. Atqui hæc in epistolas sæpè intercurrent necesse est, aut illæ ne currant. In quibus omnibus etsi nos (quantum prudentia quidem mea tulit) temperauimus: tamen vereor vt temperet sibi à me quoque intemperies quorundam. Voces iam audio, & præuideo. quid ad me? ego à verâ culpâ tantum abesse me scio, quantum carptores illos à verâ laude. Improvidè fortassè alibi aliquid dictum emisitij illi oculi repertiâr: at nihil impiè aut malignè. Hoc testor, hoc profiteor. mali iuris, mali moris ille, quisquis aliam mentem mihi affinget ex suâ mente. Nec hoc te lædat, quòd vnum aut alterum alibi læsi: apertè, fateor, nec tamen nominatim. Se ille quicumque est prius prodat & accuset necessum est, quàm me. Cur autem non liceat? Pestes & vitia hæc hominum detegi, ex vsu hominû est: etsi non apertè ipsos. Peti se illi sentiant, alij suspicentur. In hoc tamen quoque, sicut in ceteris, siquid peccatû: post emendabitur. quia nunc vnicui hunc librum, velut in gustum, damus, & periculi faciendi causâ. Emitto, inquam, hanc Centuriam, aut præmitto veriùs, ex Epistolari meâ legione, tanquam ad incerta itinerum exploranda: & si nulli aut pauci hostes, fidenter omnes copias producam in hunc Famæ campum. sin laquei & insidiæ, quiescam, & tenebo me iure in fidis silentij castris. Tu ô bone, faue, ama, fauentem, amantem.

INDEX

I N D E X

E P I S T O L A R V M

S E L E C T A R V M

C E N T V R I Æ I.

M I S C E L L A N E Æ.

A	BRAHAMO Ortelio epi- stola liij.	Francisco Raphelengio xxxv.
Adolpho Metkercho xciij.	Francisco Raphelengio Francisci Filio lxxvij, lxxxij.	
Alexandro Ratloni xij, xxxij.	G.	
Amico cuidam lxij.	Gabrieli Roelandio xlvij.	
Andrea Dudithio xcij.	Gaspari Schuermannno xliij.	
Andrea Schotto xlv.	Georgio Benedicci lxxij.	
Augerio Gislens Busbequio Cesa- ris Legato xix, lxij.	Georgio Ratallero Præsidi Vltra- ieci. xxv.	
B.	Gerarto Falkenburgio iij.	
Bonaventura Vulcanio lxv.	Godschalco Steenvrechio xlv.	
C.	Gulielmo Brengelio viij.	
Carolo Clusio xlvij, xcj.	Gulielmo Cambdeno xxiiij.	
Consulibus & Senatui Antuer- piensi. lvj.	H.	
Cornelio Prunio lix.	Hadriano vander-Burchio lvij.	
Cornelio Valerio j.	Henrico Ranzouio lxxxviij.	
D.	Henrico VViltio lv, xcviij.	
Dominico Lampfonio lx.	Hieron. Berchemio xxj.	
E.	J.	
Errico Memmio lxxxviij.	Iacobo Cuiacio lxviij, lxxxvj.	
Euerardo Pollioni xvj, xlvj, lxxix.	Iano Douſe iij, xv, xxiiij,	
F.	lxxj, xcviij.	
Florentio Thinnio xc.	Jano Grotio xviij.	
Francisco Bensio liij.	Iano Grutero xciiij.	
Francisco Modio xxviij.	Iano Gulielmio Lubecensi, xj,	
	xxxix; lxviij, lxxiiij.	
	Iano Hauteno l.	
	Jano	

Iano Lernutio	x, xiiij, xx,	P.	
xxxiiij, xl, li, lxxxviij.		Paulo Busio	lxxxix.
Joachimo Camerario	lxxv.	Paulo Melisso	lxxxiiij.
Ioanni Ionfano Scoto	xxxviij.	Petro Egmondo	c.
Ioanni Moerentorfio	lxxij.	Petro Pythæo	cviij.
Ioanni Rotario	xcix.	Philippo Lanoya Nobiliff. iuueni	
Ioanni Sambuco	xxxviij.	xxij.	
Ioanni Viuiano	xlix.	R.	
Josepho Scaligero Iulij F.	vj.	R. Pinæo	lxxxv.
Josie Mercero	xxxij.	Rolando Vincelio	lxxx.
L.		S.	
Lewino Torrentio	lxiiij, xcviij.	Stephano Pigbio	v.
Lernutio & Gifelino	xxviiij.	T.	
M.		Theobaldo Teelingio	xxix.
Marco Antonio	liij.	Theodoro Cantero	xliij. lxxxiiij.
M. Valerio Collino	xcv.	Theodoro Leervio	xix.
Martino Antonio Delrio	xiiij.	xxviij, xxxj, xxxviij, xliij, lxj,	
Martino Lydio	lviiij, lxix, lxxix.	lxviij.	
N.		v.	
Nicolao Biesio Casareo Medico		Victori Gifelino	ij, ix, lxx,
xxx.		lxxxj.	

1

IVSTI LIPSI
EPISTOLARVM
SELECTARVM
CENTVRIA PRIMA
MISCELLANEA.



EPISTOLA I. Louanium.

CORNELIO VALERIO S.D.



ITAE genus, quod à reditu elegeram & indicaui præfens tibi mi Valeri, & probaui: quietum istud, modestum, latens, remotum ab ambitu & à curis. Et iam ingressus seriò eram: cùm (ecce subitam vim fati) vereor vt subitò id mutem. Nam tempora quæ impendeant, vides; & quæ tela improvisò exorsa civilium bellorum. quæ si pertexitur, & nisi stamen eius ac subtemen pax aliqua abrumpat, stare mihi diutius non licitum in hoc loco. Quomodo enim? exposito cotidie non rapinis solùm militum, sed iniuriis: quorum quàm libera licentia sit, nosti. Heu vitæ legem! cui annexum, angere & dolere in omni sorte. Itaque agellos istos mente iam defero, & specto Grudios vestros. non planè inuitus, fateor, cùm te cogito & Canterum nostrum: quem tamen audio & doleo in lento esse morbo. Quid autem tabes ea est & marcor? an quis alius languor? De illâ, visus mihi dicere medicus Gemma. quod Musæ tamen prohibeant, & diurnare paullò magis in terris velint Parnassium hunc alumnum. Sed causâ morbi quæ? studia, an curæ?

* Τίκτητι γὰρ τοιγὰ τόσους δυδymiαι:

ait Tragicus. De studiis tamen magis credo: quæ calidè ille nimis habuit & intentè. Numquam vidi tam indefessum ingenium, & laboris huius Musici aut appetens magis, aut ferens. Semper ille in libris, chartis; noctu, diu; assiduus, accubus:

* Morbos enim producere & curare solent.

A nec

* Epist. v.
lib. i. r. a.

nec dies solum omnes appensi & numerati ad hanc curam, sed horę. quas singulas ad clepsydram diuidere, & attribuire ille solitus huic lecti oni, aut huic scriptioni. De Plinio suo scribit & iacet alter * Plinius? atqui torpor ille hominis & desidia mera, si cum hac assiduitate compareretur. Nos, mi Valeri, remissiores: & si per hanc viam mors, sum immortalis. Vis scire, quàm ignauiter cessẽm? Tot proreła adinonitionum tuarum nondum effecẽre, vt vel manu admonerem Commentario Corneliano. ita subiit me ignauit̃ huius dulcedo: &, quod ille ipse Cornelius ait; *inuisam primò desidiã, cœpi amare*. Mutabo fortasse, cum loco. Tuus certè non sermo solum excitabit me, sed vultus. quem iure vereor & veneror, ductorem doctoremque meum in meliore hoc animi cultu. Vale. In Iscano meo. a. d. xii. Kal. Decemb. ∞ . I O. LXXV.

EPISTOLA II.

Brugas.

VICTORI GISELINO S. D.

RARAS à te litteras, mi Victor, accipio: sed certè caras, stillantes mero melle & amore. Vellem vtrumque. vt & diligentiam tuam amare possem, & adfectum. At principium tuum vanum, de abitu meo Coloniam. Vnde hoc autem? ab amico aliquo, an à famà? non enim à me certè, aut meis litteris: nec vñquam mihi fuit in mentem. Apage illud scelus (ita loquor) vt pedem hac prouinciã efferam, non visis vobis. Et sanè paullum modò hic morbus perseuerasset, veniebam ad te non solum corporis, sed animi medicum mei. Nunc, cum deo fauente, reualui: & gallum debeo Æsculapio tuo. O diecula illa, quam vnà mecum exoptas, quando exorire? quando te & Lernutium, in Iscano isto, complectar & fruar? quando in pergulã illã ad Lunę lumen garriemus, viuemus, inò & bibemus? DI amicitie præsides, repræsentate mihi hoc votum. Festino enim. quia vt cogi nubes has video, breui dabunt tempestatem. Circa nos militares globi: qui vereor non vt interpellent, sed pellant. O locum hunc beatum, absque metu isto sit! A Samboco herè ad me litterę, sanequàm amicę. Humanissimum virum coram repperi, non pro opinione meã (tecum hoc sit) litteratum. Ita in his quoque rebus, ludit & illudit illud siue Fatum publicũ siue For-

Fortuna: & quidam merentur famam, quidam habent. Inter illos, in eâdem Germaniâ Andream Ellingerum noui, deus bone, virum magnum & penitus doctum: at ille pænè ignotus latebat & fallebat inter suos. Ita fatua sæpe huius æui iudicia, aut iniqua. Et nos quid speremus, aut laboremus? dormiamus potius, aut cucurbitas pingamus. quorum alterum ego quidè iam facio. Scripsi enim hæc ipsa ad lychnum, labente manu, prementem somno. In Ifcano meo. III. Non. Octob. ∞. IC. LXXVI.

EPISTOLA III.

Lugdunum Bat.

IANO DOVSAE amicissimam salutem mitto.

ECQUID tinnunt tibi aures, ini Doufa? ita multus non in sermonibus meis solùm es, sed in litteris ad amicos. Vel nunc cum Rogerio nostro, quàm multa, quàm suavis, de te fabulatio! Adest enim mihi, ne nescias, hoc ipso tempore, & quidè in mensâ. Ita dico, in mensâ & in eâ mihi hæc scripta. Abituriebat enim ille. nec fas certè sine meâ manu: pænè scripseram animo, què ille, à me exsulem, auferet ad te secû. Non sum ex iis qui

Composita dicta pectore euoluunt suo;

Quæ cum componas, dicta factis discrepant:

vt ait Attius. audi, Doufa, veram vocem: mens omnis & affectus apud te est, ex quo legi suauissimos & felicissimi Genij tuos versus. O te magnum, & mei stomachi vatem! Non Musæ ipsæ Lipsium magis ament, quàm ille te. Itaque non vltrò fero desiderium. &, nisi res nostræ turbidè porrò turbauerint, cis paucos dies excurram: & vsurpabo istis oculis, quem nunc animo, auribus, linguâ. De Giselino nostro & Lernutio, omnia recta. nisi hoc tamen, quòd vterque nuper in vincla coniectus (percutio te? pone mecum.) nuptiarum. Etiam ego in hoc carcere. si vir es, veni, & Iunones nostras vide. Salue mellitissime. Louanij, Nonis Aprilibus ∞. IC. LXXVII.

EPISTOLA IV.

Vbias.

GERARTO FALKENBURGIO S. D.

MVNVS vestrum accepi egregium, mi Falkenburgij, imò regium. Et cur non vestrum? ego scio Redigerum caput

A 2

huic

huic dono fuisse, te pedem: nec tam beniuolo conciliatori minus debere me, quàm datori. Animus enim est, quem in his talibus specto: nec pretium iis vñquam à se facio, sed ab adfectu. qui in te certè maior. Aurum autem ipsum, quid nisi splendens quædam terra, & nitidius paullo lutum? Iudicium tuum de libellis nostris mihi gratum: sed vñam iudicium! siue tamen amor, is quoque gratus, quia magnus: nec aliter vñquam tam rectam certamque mentem cogeret in errorem. De lapsu memoriæ quod submones, verum est: corrigam libens. Quod autem his & ad Pulmannum litteris iteras & pungis de seruitute: audi quæso liberè & diffusius paullo meum sensum. Ego qui status patriæ huius sit, nec ignoro mi Falkenburgi, nec nego: (aspera in eo multa, intenta, rigida, præter mores, aut præter leges:) sed hoc quoque scio, qui meus. Apud me ecce, & in rusculo meo viuo: cur angar, quid Cotta aliquis aut Carus moliantur in aulâ? Vim aliis inferunt? nondum mihi. opes delibant aut diripiunt? pereunt eadem absenti. ad impium aliquid adigunt? numquam. Mentem enim istam liberam quis tyrannus mihi artat? internam sententiam quis cogit? cultum metumque diuinum è pectore isto quis eripit? Et si velint: ecce sacram ancoram,

* Τίς ἐστὶ δῶλος τῷ Θεῷ ἀφροντίς αὐτῷ?

* Quis ser-
uus est, pe-
tens modum
qui non si-
met?

Hoc enim firmum aduersus externa omnia relum, non timere propter quod timentur. Sic Socrates adfectus, qui Athenas non deseruit, inascessas non vno, sed triginta tyrannis: sic Seneca, qui sub Nerone, imò cum Nerone vixit: sic Heluidius, sic Thraseas, & magna illa sapientum manus. Me cur in alia vocas? Animo diffidis, aut annis? noli. Ego enim mi Falkenburgi in iuuenili hoc pectore sic sum adfectus, vt deum, virtutem, & me constanter colam: non aduler imperantibus, sed nec irrite: & cum

* Decius
cautè pru-
denti apud
Tacitum,
Annal. iv.

Cornelianò illo * lepido, inter abruptam contumaciam & deforme obsequium, pergam iter ambitione ac periculis vacuum. Periculis inquam, quorum non ego (homini quantum licet) occasio sim aut causa. Quod si aliunde & ab externâ vi ingruant, quomodo aut vbi excludam? Non Vbij vestri ab iis me liberèt, non liberet omnes Imperij vrbes. Sed reuerâ (dicendum est) peccamus multi in hanc partem. prouocamus pericula, & laceessimus sæpe imperantes, vanâ quadam specie aut superbæ libertatis, aut incautæ pietatis.

tatis. Modestia autem est quæ Deo placita, & his qui dii in terris. Reges ut fulmina esse didici: dura frangere, mollibus plerumque illæsis. Itaque hæc tempora, ut nimbium, habeo: donec desævierint, latito & me tego. Nec nimium tamen de sæuitiâ illorum queror: quia scio exoriri posse deteriora. Rusticulus ille mihi in mente. qui de Antigono rege vivo questus, cum obisset successore peiore: terram laboriosè inuertens, & votorū iam prænitens, *Antigonum*, inquit, *resodio*. Faxit & ille deus, ut hîc turbæ nostræ stent, neu breui procellæ ingruant sæuiores. Sed hæc magis seria fortasse, quàm pro epistolâ. occasio tamen iis ex iteratâ tuâ accusatiunculâ: & gaudebo, si consilij mei ratio proba iam apud te probū. Talem enim non minùs repperi, quàm amicum mihi: qui ut esse perseueres, rogo. Ad Redigerum ipsum scripsi seorsum. In Ifcano meo, Kal. Sextilibus. Anno. ∞. 10. LXXV.

EPISTOLA V.

Viennam.

STEPHANO PIGHIO.

FIDEM meam culpas? audi. Prandium mihi hodie apud herocem nostrum (nō enim virum dixerim) Busbequium. post prandium longiusculæ etiam fabulæ: sed de litteris, ut apud illum solet. Hæc res diem mihi abstulit, & me tibi. Ignosce, & iam etiam cognosce. Nam de Prætorum lictoribus, lictulæ nescio quid adfero ad te nostrum Prætorem. Vulgus & auctoritas veterum sex eos facit. loca & testes tibi noti. At duos fuisse tantum, lex vetus mihi ingerit, apud Censorinum ista. *Prætor urbanus qui nunc est, qui que posthac fuerit, duos lictores apud se habeto. usque supremam ius inter ciues dicito.* Cauillari poteram & effugere, tamquam minimum duos lictores lex esse vellet; de pluribus non vetaret. sed ligauit iterum meus Plautus: apud quem in Epidico clarus ab hac re iocus,

At enim vnum à Prætura tuâ Epidice abest. EP. quidnam? TH. scies.

Lictores duo, duo viminei fasces virgarum.

Inter ornamenta ecce Prætoriam disertim duos lictores numerat, duosq; fasces. Hac reprehensione, huc ibam: ut censerem Plauti & veteri illo auro haud plus duos sanè fuisse, at numerum postea auxisse, splendoris maioris causâ. Sed hoc quoque diuerticulum

interclusit mihi importunè tuus Valerius : in quo lib. i. cap. i. lego de Furio Bibaculo : *Prætor sex liſtoribus præcedentibus arma ancilia tulit.* quod factum notæ tuæ Chronicę referunt in annum vrbis DXVI : id eſt, ante adultum Plautinum æuum. An Prætori vrbano & peregrino ſi fortè bini tantum : aliis extra urbem, & ad auctoritatem apud ſubditos, plures? Iuua, iuua : angor ego & reſiſto. Præmium tibi operę, cænula cras apud me in diuerſorio noto. ſed eâ lege, vt ambulatiuncula præcedat ad ſiluulam noſtram Querquerulanam. Salue à tuo Lipſio, & dormi. Viennæ, Idibus Iuniis. ∞. IO. LXXII.

EPISTOLA VI.

In Piſtones.

IOSEPHO SCALIGERO IVLI F.

S. & amorem nuntio :

QVI verè erga te magnus. Nam iam antea, mi Scaliger, cum veneratione quadam amabam te paternæ & tuę virtutis cauſâ : nunc magis, cum te quoque video conſpirare mecum in hoc adfectu. Nam, quâ de me erant, litteras tuas Plantinus mihi legit : & amicas valdè, & honeſtas. Atque in amore quidem tuo, gaudeo : in iudicio, triumpho. quia (verè, & ex animo) ſi quiſquam eſt proborum cui probare me meaquę velim : is tu es, inter probiſſimos primus. Nam hunc vulgum, morus ego ſi morer. Epiſtolicas his diebus emiſi : rude opus, nec iſtarum autium. Vide tamen : & agnoſce nos in litteris multa velle, te poſſe. De Plauto quod item ad Plantinum : *apage.* egone ante te? Iamdiu libraui hoc onus, cui impar iſta ceruix. Tu hic vnus Hercules ſiue Atlas nobis, & fulcire debes comicum iſtud cælum. De Nonio etiam cogitare te audimus. verone & ſcrio? item de Manilio. ſed litteræ tuæ nihil tale nunciabant. Credimus tamen : quia hæc omnia per iocum & ludum te poſſe ſcimus, in quib; alij ſudant. Aquila in nubibus, quod Græci dicunt, verè tu es : vides, imò peruides omnia ; & quidquid venaris, capis. Sed deſino huiuſmodi ſermonum : quia reuera

* *Leue do-*
num, ſapi-
ti pro mul-
tis labori-
b; dicere
laudes.

* *Κῆρα δὲ ὅτις ἀνδρὶ σοφῷ*

Αὐτὸ μὲν χερσὶν παντοδαπῶν ἔργων εἰπεῖν ἀγαθόν.

Tu ſalue, & me ama, qui te æternum. Louanij, a. d. vi. Kalendarum Decembrium, CIO. IO. LXXVI.

EPI-

EPISTOLA VII.

Lutetiam.

PETRO PYTHOEO IC. S. D.

PLANTINO nostro elapso ex Troiano casu, id est incendio suæ urbis, & ad vos abeunte: iure mihi amplectenda occasio fuit, mi Pythæe, compellendi tui. quem iamdiu (verè tibi, & in os dicam) inter paucos Gallos amo & admiror. Ignotum, fateor: sed à vultu, non ab animo. quem politissimum exosculatus sum sæpe in tuis scriptis. Nec blanditiæ apud te sunt. testantur id publicè Epistolice meæ, per hunc tumultum ausæ adspicere lucem: in quibus, si erit tanti, reperies cum beniuolentiâ memoriam tui. Te pariter quæso, vti hunc eundem adfectum erga me aut sumas, aut retineas: & vt planè pleneque me bees, mutuis cum litteris foueas atque alas. Litteris, non rerum grauium, aut de arcanis regum (quid ad me ista?) sed quæ alucinantur liberè & vagè per studia nostra: quid tu, quid Scaliger, quid alij vestri Galli meditentur, eiusdem nobiscum Musæ. Vale, & me ama. quod valdè facturum te scio, si scias quàm valdè ego te. Fratri tuo Francisco, lectissimi ingenij iuueni, à me salutem dicito. Louanij, XVI. Kal. Febr. ∞. IO. LXXVII.

EPISTOLA VIII.

Bruxellam.

GVILIELMO BREVGELIO REGIO CONSILIARIO
cognato meo S. D.

MAGNUM, sed amicum mihi dissidium tecum est, de agro deque vrbe. Tu istam præfers, ego illum: & rationes mihi, nisi fallor, magis firmæ. Quas quoniam herè inter differendum leuiter libauimus, vísine hac epistolâ (otium enim & libertia mihi) promam accuratiùs & diducam tibi per partes? Scio velle. aurium tantùm, vt sic dicam, vacuas ædes mihi aperi: & admitte, sodes, peregrinantē veritatem. Agrum & in eo cultum, meliorem Vrbe esse aio, ad Sapientiam, ad Mores, ad Voluptatem: addo & Fructum. De Sapientiâ: non negabis, quin illuc aptior ad eam animus, vbi is liberior & magis sui iuris. talis autem in agris est. Opida vife & adi: non effugies, quin vnâ tumultus,

multus, procellas, turbas. Circumstrepent enim te subito res hominesque: & negotium tibi non solum tua negotia facient, sed aliena. Ut difficile est in contiuio lauto & opiparo solum esse siccum & sobrium: sic vacuum, inter tot occupatos. Ille ad sponsonem te trahet, & ad forum: ad nuptias alius, & ad templum. In ipsâ viâ, clamores alibi & lites: pugna nonnullibi & arma, & mox iudex, lictor, carcer. Domum ipsam tuam cum veneris: ne in secretum venisse te cense, aut penetrale. Irrumpent ecce salutatores, inuisores, & nomine amicorum quidam fabulas, imò epulas, captantes. Hos nullum limen submouet, nullum velum: & per omnes rimas inuolant importunæ illæ muscæ. Inter ista & inter istos, quis libris liber locus? quis cogitationibus? sine quibus an vlla legitima ad Sapientiam exercitio aut via sit, haud equidem cerno. Et tamen fac te felicem, aut fortem: otium aliquod in ipsâ vrbe diu luctatus tibi vindices: nego id liberum, firmum, aut aptum animo vegetando. Spernit enim naturâ suâ includi cælestis ille ignis, & aërem amat ac campos. Ut generosas ferae cauea domat & frangit: sic altas mentes vrbicus ille carcer. Equum ad cursum apertus & liber circus prouocat: animum ad studia, vagans vacansque aura. Siluam illam viridem videt? hîc carmen auet, aut hymnum deo pangere. Horti illam purpuram? hîc cum libellis suis decumbere. Aquæ illud murmur? ad eam altiori cogitatione abiici. Et nocte ipsâ aut sub eam, pictum illud patensque cælum eum capiet: & inter tot stellas errantes, aut inerrantes, à curis terrisque erro, mente scandet super illas. Adde quòd hîc altum securumque otium: nemo qui appellet, aut interpellet: & amicissima semper studiis, solitudo & quies. Vides igitur quæ in hac parte ager ante urbem habeat: nec vanè à Columellâ scriptum, *Vitam rusticam proximam & quasi consanguineam sapientiæ esse*. Quòd si nunc ad Vitâ me vocas & ad Mores: bonâ fide, vtrubi, te quoque iudice, illa innocentior, & hi puriores? veritas tibi exprimet quòd in agris. Oculos paullisper conice in magna illa & commerciis crebra opida: mentior, nisi ambigas cœtus illîc hominum, an confluxes vitiorum. Adfert enim seorsum quisque suas culpas: quas mixti vulgant, & velut contagia, tradunt inuicem capiuntque morbos animorum. Quin ut flumina per se dulcia, cum in mare venerint, flescunt: sic homines

mines haud mali, ex agris in urbem redacti, tactu inquinantur & mixtione. Illis enim ambitio, auaritia, libido propriè habitant: & fons omnium vitiorum, depudere. cui origo, non negabis, ex crebro illo inter se adspectu occursumque. Itaque prudentes olim legislatores & qui semina iecere boni status, ciues suos plurimum ab urbe & conuentibus abductos, habere voluerunt in agris: quos ad probitatem, modestiam, robur, gymnasium censuere & palæstram. Romulus ille æterni auctor imperij, in duas classes cum ciuem diuisisset, Seruos ac Liberos: istis duo tantum studia Militiæ & Agri dedit; illis artes reliquas, quæ ad Mercurium & ad lucrum. Ita enim est. mercatura & quidquid artium ad opes ducit, ducit ad vitia: nec animum solum emolliit & effeminat (verè Sallustio dictum) sed corpus. Quis vires & viros unquam in opidis quæsiuit, aut inuenit? adeò vetus illud verum in omni gente & quo est, *Optimum militem legi ex agris*. Parthi olim belli potentes: sed sparsi in agris. Scythæ: sed in tuguriis oberrantes. Germani: sed priusquam urbes coluissent. Turcæ hodie: sed minimum dediti in amœnitatibus opidorum. Quin illud ipsum Genitiferorum agmen, iure terror orbis, non ex agris solum, sed præne dicam haris collectum, & mapalibus pastorum. Nam Romanos tibi quid ingeram? Curios & Fabricios nosti ferentes, occantes: Quinctios arantes, & Dictaturam inducentes: & vno verbo, non milites solum ab agris, sed duces. De Moribus ergo vides. qui si usquam etiam hodie prisca integriusque quærendi sint, vestigia reperies in agris. vbi apud se quisque: & ideò pudor, innocentia, simplicitas manet, & vita malarum fraudum artiumque expers. Sed quid possim in hac parte magis verè, magis ampliter dicere, quàm Hippolytus ille apud Senecam? quem, quæso te, audi.

*Non alia magis est libera & vitio carens
Ritùsque melius vita quæ prisca colat,
Quàm quæ relictis mœnibus campos amat.
Non illum auaræ mentis inflamat furor,
Non aura populi, & vulgus infidum bonis,
Non pestilens inuidia, non fragilis fauor,
Non ille regno seruit, aut regno imminet,
Spei metuusque liber.*

B

& adde

& adde plura pulcherrimi cothurni, quæ omitto. Ad Voluptatem enim transeo : quæ tamen hîc tam obuia, vt indigner super ea moueri mihi litem. Elementa omnia intueor ? vim suam vsumque palàm & toto, vt ita loquar, sinu in hoc rure nostro effundunt : obscurè & parciter in tuâ vrbe. Solem vide : meliùs hîc nitet. Aërem : lætius latiusque diffunditur & ridet. Aquas : purius bibuntur. Terram : hîc tantùm cernitur in vero suo vultu. Alibi in planitiem effusè porrigitur : alibi in collem placidè adsurgit, aut magis rigidè in montem. Illîc herbis & sponte natis arbuſtis vestitur : hîc, fruge fructibusque, & feliciore ligno. Quem non delectet tam varius adſpectus & cultus magnæ matris? cuius apud vos vna facies ædibus preſſæ aut pauimentis. Iam domum si venisti, hîc prorsus gaudiorum & amœnitatis vera sedes. Manè surrexisti? ad musicam quidem & circumſonant te ac velut saluant chori illi alitum, suauiter fritillantium, trutilantium, minurientium. ad quos non æquiparent se tibiæ, citharæ, aut ex arte vlli cætus. In hortum prospexisti? oculorum aciem tibi præstringet illaipsâ nocte exortum agmen florum & herbarum. In pratum? occurrent Vere nouo arbores odorâ quadam & canâ niue perspersæ: eedemque sub Autumnum, aliâ pomorum purpurâ siue cerâ distinctæ. Propius easdem adspice. infitiones mirabere & matrimonia : adulteria etiam, & suppositos fætus, insciâ matre nec inuitâ. Quam lasciuam cõprehensionem fæcunditatemque quisquis in ligno non miratur; ipse profectò lignum. Iam ad agros diuertisti & tua rura; illîc boues lentè pascuntur & oberrant; hîc pecudes magis vagè lasciuiunt & hœdi. Porcus alibi volutatur & grunnit : alibi cristata cohors cugurrit, & scalpit. Segetes illîc tuas vides, & siliginis, farris, hordei vberes fascies : siluam istîc, & ad hiemem lignorum strues. Vitem denique alibi florentem aut maturescentem : & spe iam præbibus facrum illum alibilemque liquorem. Quorum omnium quæ copia in vrbe sit? quin ne imago quidem satis certa & expressa. Sed vt ij qui parietem intuentur, ex leui linearum ductu, animalia in eo & facies sibi fingunt : sic vos harum rerum fuitiles quasdam vmbras. Ita viuitis in pulcherrimo hoc mundo, mundi exsules: nec bona aut dona eius plenè vmquam nostis. Postremùm Fructus mihi superest. de quo quid ambigimus? cùm non solùm

cultus

cultus & ornatus plerisque vitæ ab agris sit, sed vita ipsa. Agri-
cultio enim moriatur: & vnà humanum genus. Adde illa com-
moda. agnum aut hædum à stabulo, pullum è corte, porcū ab
harā, & tot dapes inemptas: quas vos ægrè & carè præstinas
à foro aut macello. Quod si opes omnino quæris & aurum: ri-
deo ego & sperno. & tamen si quis hæc quoque ambiat, non ali-
bi parandorum vberior materia & seges. Non palatia, non fora,
non scenora plures ad opes euexere: quàm beati isti agri. & addo
rei caput, quod turò euexere: quod citò, quod innocenter. Tha-
les ille olim anno vno diuitias amplas corrogare potuit, emptu
prospero omnium oliuarum: & viro prouido sapienti quæ non
hodie idem fas, in segete, pecude, siluà? Sed de his quia non li-
benter, nec ampliter quidem dissero: & mitto te, si voles, ad ve-
teres rei rusticæ scriptores, à quibus disciplinam eam petas. Nam
ego fastidio. sicut & illud, quod crebrò ac pertinaciter mihi ob-
iicit de dignitate. Dignitatem ea mansio non habet, inquis: imò
nec pietatem, quia patriam is desertum. Dignitatem? me iudice,
amplam: qui Reges & Principes fuisse scio in hac parte. An illud
dignius, in foro larrare, tribunal siue aulam lambere, fastum in
æquales, adulationem in superiores exercere: quàm Sapientiæ
sacrum colere, Naturæ opes lustrare & promere, denique placidè
vivere, placidè mori? Nam de patriâ, quid ais? In hac confusio-
ne rerum ad clauum ego sedeam: vbi nemo auditurus, non ne-
mo etiam irrisurus rectè gubernantem sit? Sæculum hoc paulli-
isper vide. quo noxæ integritas, contumeliæ pudor, ludibrio fi-
des est: & aude suadere vt iis præsim, quibus, hoc ipsum (parè
dicā) ægrè mihi est, quod intersim. Concludens voueo, vt pro-
cul ab vndoso illo vrbium mari, in hoc tràquillo & rustri por-
tu quiescam & consenescam: vbi Deum inprimis piè pure quæ
venerer, deinde Sapientiæ studia & Musarum tractem, & quid-
quid propriè ad vsum aut cultum animorum. Vbi classica nul-
la aut tubas audiam, vbi coruos aulæ aut fori non videam: sed
modestè tranquille quæ mihi & mecum victitem, expers ambi-
tionis & pallentium curarum. Cum quæ vltimus ille & decretor-
ius dies venerit, spiritum hunc, sine metu, sine motu, emittam:
& apud notos ignotos quæ memoriam mei relinquam bonam
otius, quàm magnam. Habes quæ pro agro, in agro scripsi. quæ

si approbas, tandem etiam hoc institutum meum: neu ultra commouendum me cense ex beatâ istâ sede. Ita Deus beatum aliquando te faciat, cum vxore liberisque: quos saluto. In Iscano meo III. Kal. Octob. ∞. ID. LXXV.

Carmen ecce etiam adiunxi, quod eidem argumento, calore isto effudi.

LAVS ET VOTVM VITAE BEATAE.

ILLE est par superis deis,
Et mortalibus altior,
Qui sati ambiguum diem,
Non optat leuis, aut timet.

Quem non ambitio impotens,
Non spes sollicitat lucri:

Quem non concutiunt metu
Regum præcipites minæ,
Non telum implacidi Iouis.

Uno sed stabilis loco,
Vulgi ridet inania:
Securoque oritur dies;
Securo cadit & dies.

Vitam si liceat mihi
Formare arbitriis meis:
Non fascēs cupiam aut opes,
Non clarus niueis equis
Captiua agmina traxerim:
In solis habitem locis,
Hortos possideam atque agros,
Illic ad strepitus aquæ
Musarum studiis fruor.

Sic cū fata mihi vltima
Pernērit Lachesis mea,
Non ulli grauis aut malus;
Qualis Langius hic meus,
Tranquillus moriar senex.

EPISTOLA IX.

VICTORI GISELINO.

LEGI tuas, ad os appressi & ad pectus. O quæ penita tibi insistat! Ego ille constans deiicior vnâ cogitationis hac plagâ. Scripta mea desideras & nugas: ego te, te. Sed quî agis? vt ex nuncio intelligo, perbellè. Gaudeo. nam timebam, ob substractum tibicinem Moufflinum celeri casu. Nos fluctuamus, vt qui maximè. sunt qui ad arma inclinant, sunt qui ad Irenen. Aiunt & apud vos puncta esse pro istâ. Quidquid est aut erit, ego te non amo sed perco. De scriptis, scripsi ad Ocellum nostrum. non inuidebit. Propriid. Kal. Septemb.

EPISTOLA X.

IANO LERNVTIO S. D.

HAFTIVS apud nos est, ille cuius tu sororem. Eum rogavi de te multa, & rettulit omnia quæ vellem, excepto silentio: quod causam habeat necesse est vel ab obliuione nostri, vel quod malo, ab inertia tuâ. Et quis insolitus hic torpor? Tu ille qui laceßere me soles, taces ad meas binas? *Omnia mutantur*, ait ille: non enim addam vel ominis causâ, mutari amores. melius de te sentio. & tamen si amorem non deseris, non etiam debebas officia amoris. An etiam nunc te angit nupera mea fuga? Peccas: & emenda hanc culpam, vt in amicitia sis sine mendâ. Amicum nostrum audio adscitû in aulam, & in medicum Ducis. Gratulor: & magis, siquid is titulus ad Plautinam aulam. Nam si nomen tantum, & nihil ab eo vncti: sperno. Nos hîc in alto otio (Nemesis non audiat:) & te istuc inuitare audemus vel habitandi causâ. Multi certè vestrates oculos flectunt ad hunc portum. Plantinus ædes hîc habet, Typographiam instituit. Quid multa? viuimus & vigemus. Tu vicissim, quid valeas, quid facias, cum Victore, cum vxore, cum amicis, nisi significas: scito seriò me. sed deleo. nec cadat in amorem nostrum vnquam hoc verbum. Vale. Lugduni Batavor. Pridie Idus Sept.

∞. IO. LXXXII.

B 3

EPI-

EPISTOLA XI.

IANO GVLIELMIO LVBECENSI S. D.

ADEIRMO tibi Iane Gulielmi : pauca munera iamdiu gratiora mihi fuisse, & animo tuo, & versibus, quorū vtrumque tam benignè offers. Ille enim amoris plenissimus, isti elegantia : & cogor (nisi ab ingenio meo abeam) valde redamare illum, istos æstimare. Hoc magis, quòd vltro prouocas, quòd ignotum, quòd immerentem. Nam quòd beneficia quædam mea in publicum profers & prætexis : desine. hoc ipso video quàm me ames, qui non admodum laudanda laudes, & per adfectum recedis à certissimâ iudicij tui nominâ. Itaque hoc ex fide tibi respondeo. vicissim amari te à me, vero honestoque adfectu : quem dies ipsa augebit & accendet. ea est eritque tua virtus. Lugduni Batau. III. Eidus Sextil. ∞. MD. LXXX.

EPISTOLA XII.

Gandam.

ALEXANDRO RATLONI S. D.

RARÒ scribis. sed nescio an ideò litteræ tuæ desiderio ipso cariores. His quidem postremis fateor me non voluptate solum perfusum, sed gaudio : si verbo eo vti nobis fas in tristitiâ hac rerum. Nam de Antuerpiâ, quæ monstra audimus ? Deus bone, huccine tandem erupisse tot mensium consilia malè sana, malè cocta ! O factum à regio iuvene minimè regium ! Et si nobis adhuc tenebræ, nec de re totâ satis certis nec de causâ. Eiusne fraus siue error ? an vulgi consternatio & furor ? Quiduis enim potius, quàm vt perfidiæ noua hæc macula inuratur laudatissimæ olim optimæque genti. Sed hæc publica videbit publicus ille Rector. Tu in re tuâ quid ? etiâ mne fluctuas ? sic appâret. atqui statuendum semel aliquid est, cui firmiter inhere scas. Mutatio quidem hæc crebra, & desultorium, vt sic dicam, genus vitæ, non ex vsu tuo, non ex famâ. Pessimæ, & Græcorum quoque prouerbio damnatæ sunt, nutantes & * δίχως illæ γαῖμαι. Litteraria hæc vita & otiosa tranquillitas, quid non habet commodi ? Non externa illa fortasse. sed nec terra quæ aurum aut argentum gignit, res alias producit : nec animus, qui se colit, & virtu-

* Vtrogue
claudicans
vix senten-
tia.

virtutem. Cetera, ille ferè sterilis. Quid tamen præferas huic vni? cui honos, cui salus comes, cui externa & interna quies. Militiam gustasti: & vides quàm non ea suavis. Itaque, mi Ratlo, huc redi: & si me audis, in Musæo hoc portu nauim tuam defige & liga semel sacro morsu. Ad circumfusa illa & vana bona si abis, quis finis? iactabere, & narabis semper inter cupidinum novos fluctus. Non enim ratio, sed opinio tibi illas ingeret: cui insitū, variare & pænitere. Vt chameleon, quoniam aurâ (vt aiunt) non cibo vescitur, hianti semper est ore: sic illi cupidine, quos ventus inflauit vulgarium opinionum. Hoc volunt, hoc nolunt: hoc hodie spernunt, cras appetunt. & vt resculæ, quæ fluminibus innatant, temerè impinguntur in hanc illamve partem. Hinc perpes illud tædium in nobis, & velut nausea omnium rerum. damnamus parentum & nostra vota; & tam cupidè quæsitæ quædam deserimus, quàm antè quærebamus.

Certa amittimus, incerta appetimus; atque hoc euenit

In labore atque in dolore vt mors obrepit interim.

exclamat verè meus vates. Ecce ille ad aulam adspirat, & intrauit: rursus fastidit, & beatos censet qui latent. Alius priuatim victitat: ægrescit, & inuidet purpuratis. parique leuitate togati ad sagum properant, & hi rursus ad togam. Et quis non de Lachesi suâ quæritur? reges ipsi de suo regno. At tu inter eos esto, quos Ratio, quos Sapientia firmauit: nec circumagere mihi vulgarium iudiciorum omni vento. Vt Vlysses ille donec Leucothea velum ei supposuit, natat nigrum pôtum: sic tu hoc vitæ salum, donec pectus tibi præcinxerit candida illa diua. Constantiam dico, quam, audi, admitte, serua.

Ἡ δὲ ἐμοὶ καὶ θυμὸν ἀρίστη φάιντο βελή.

** Hoc mihi
ex animo
visum op-
timum
consilium.*

Vale. Lugduni Batauor. x. Kal. Octob. ∞. ID. LXXXIII.

EPISTOLA XIII.

Brugas.

IANO LERNVTIO meo salutem mitto.

QVAM recepi iam ipse. Hinc enim iure ordior: & gaudere te iubeo, mi Lernuti, quia à molestissimo morbo reualui, inò reuixi. Ad fauces Orci destitutus mihi hos menses fuisse videor: ita me oppressiunculæ & obstructiunculæ illæ internæ pessimis

simis adfecerant modis. Et audésne credere? non leue momentum ad valetudinem meam habuerunt & litteræ tuæ, & carmen: illæ amicissimæ, hoc scitissimum. nec fuerit vñquam vt tam piæ, tam disertæ preces non audierit illa Dea, cuius sedem aptè in Fortunatis insulis ponis. Quæ autem illa tam auida Parca, quæ vincla inter nos abrumpere non parcat sanctissimi amoris? Quin audi me, & securus animi es:

Dî me tuentur, dîs pietas meâ

Cura est:

& porro, vt spero, erit. Turbæ apud nos ingrauescunt, abiectâ spe pacis. quæ vereor, vereor autem? imò spero, vt breui eiiciant me ad vos. procul enim futuri videmini ab hoc belli nimbo: qui imminet prorsum capitibus nostris. Sed quid ais? Dousâne nuper apud vos? nec ad me? ô factum ab amico non amicû! Quod dixerit, subita res fuit, necessarijs reditus: nihil audio. nuncia illi à me sodes, sexcentis versibus non luct hanc culpam. In Statium aliquid meditari te suadet mihi noster Modius. vix persuadet. cur enim celes? & quidem cum tuo damno. Nam & mihi norata quædam ad sublinem illum & celsum poëtam (ita censeo & appello, non herclè tumidum) & libri apud nos veteres, qui te iuuent. Innue, mittam. Epistolica nostræ nondum emissæ. sed vix eas teneo: ita ituriunt. De quibus quid iudicaturi sitis, timeo. Alia enim quædâ à prioribus meis hæc scriptio. cui nitor ille abest, & luxuria, & Tulliani cincinni: pressa vbiq; nec scio an quæsitâ nimis breuitas. Quæ me tamen nunc capit. Timanthem pictorem celebrant, quòd in eius operibus plus semper aliquid intelligeretur, quàm pingeretur: velim in meâ scriptione. Magni Scaligeri ad Amorum illos *Triumuiros vidi, legi, probaui. In Propertio tamen traiectiones illas versuum crebras, mirari malim quàm imitari. Tu quoque non ita sentis? scio. sed quis Polydamas ausit illum Hectorem? qui dîs hominibusq; fauentibus tenet profectò, & tenebit hoc regnum. Itali eum quî deiiciant? silent. nec iam à multo tempore quidquam ab eâ gente litteratum. excipio Quæsitâ Aldi per epistolam, & Fuluij de Nummis. Muretus noster Orationes pangit & edit, & dat se in floridum illû eloquentiæ campum. ad famam consultè, imò & ad quietem. Nam Criticæ istæ trice quàm non late

*Notae-
ius ad Ca-
tullum, Ti-
bullû, Pro-
pertium.

latè se spargunt / quàm laboriosè colliguntur, & scribuntur ! In quibus nos tamen etiam, nescio quo fato an morbo, insanimus. Pergebam in hoc garritu. sed alius mihi in auribus garritus, nuncij ad excubias trahentis. Arma capio, pono stilum. Quid ais ? fatin' tuti Belgæ, hoc milite ? Ite, dormite in vtramque aurem. Louanij Idibus Iuniis. ∞. ID. LXXVII.

EPISTOLA XIV.

Lomanum.

MARTINO ANTONIO DELRIO

Consiliario Regio S. D.

MIRA tua fides in me, mira pietas. amoris enim certè verbum leue est, in re quam rari pro fratre fratres audeant, pro liberis parentes. Me ineaquæ absentis defendisti : & obiecisti te non molestiis solum sed periculis, in hac flammâ rerum. Venisti vltro ad in eos, crexisti, securos esse iussisti : hoc tantum questus, quòd non indicassent. Itaque quòd res opesq; meæ saluæ, quòd scripta & libelli (id est, vita ipsa :) beneficium est vnius tui. Quid scribam ? gratias agere me ? ne concipio quidem : & affecisti me in summo beneficio vnâ hac iniuriâ, (quod olim ingeniosè ille ad Cæsarem) vt viuendum & moriendû mihi sit ingrato. Gaudere me tantum nuncio ; meâ causâ, tuâ, sæculi. Meâ, cui is amicus obgit ; tuâ, cui ea virtus ; sæculi, cui hoc exëplum. Mea salus salue. Antuerpię a. d. iv. Non. Mart. ID. ID. LXXVIII.

EPISTOLA XV.

*Vltraiectum..*IANO DOVSÆ. *meo. S. D.*

SILENTIUM tuum mihi, Doufa, molestum : absentia multo magis. Vbi autem fides ? intra dies octo expectari volebas te : menses ecce labuntur. Statueras hoc iam antea ? an quid interuenit ? an placent tibi nouitij isti & fallaces mores ? An potius vxoris partio te detinet ? quæ genuit tibi (ita audio) decumam iam prolem. Maeste hac fortitudine dicam, an fortunâ ? vtrâque certè opus. nec minùs hîc, quàm in agricultu, Labori & Euentui litandû. Sed tibi quidem propitius vterque deus : & gloria Masanißæ te manet, si sic pergis. Vide tamen ne dum assiduus nimis in illis vallibus, desertû eas nostros montes. Suspikor : & iure.

C

Vt quid

Vt quid enim procaces illæ antea Musæ tuæ tam diu silent? cur tribus his mensibus gutta nulla nos irrigauit poëtica tui humoris? Emenda: & hîc & ibi vir esto. Libelli etiam tui addicti Plantino, ubi sunt? Solue sodes, aut Prætores expecta & suspensum capiti tuo libellum. Non enim differo, non protollo. Indicem Francoforto en habes. sed sterilem bonarum rerû: & nihil nundinæ istæ ad Phœbum. Melleri tamen Spicilegia edita, acutissimi ingenij iuuenis: vtiâ rectissimi, verè addam! Sed profectò aut fallor in hac omni litteraturâ: aut ille valdè in censendo, & scribendo. Quales pleræque eæ coniecturæ? quàm non callidè solum, sed calidæ? imò quàm audaces? Mihi crede, corrumpendis ista, siue perdendis potius libris litterisque sunt: si dimanat hæc labes. Et dimanabit. ita iuuentutem hanc video: & tantum ingenij specie blanditur hîc calor. Iam stilus ille quis? doctus, antiquus, arcanus, inquires. Scio. sed quò tam doctus, antiquus, arcanus? Ego ille ipse qui aliquid hîc capere me puto & sapere, sæpe quæro aut non video eius mentem. Quæso mittamus tenuem nimis subtilemque hunc colorem, & Apellæas, vt sic dicam lineas: & Venus nostra inspiciatur etiam à vulgo. Vt nihil minus expedit, quàm agrum optimè colere, (aicbant veteres:) sic censuerim de stilo. Nimis ornas? fucus & adfectatio apparet. Nimis attenuas? tenebræ & squallor. Modus autem in omni re optimus: etiam in epistolâ. quam finio, & te saluere iubeo noue Hercules Musarum, noue matrum. Lugduni nostræ, a. d. 111. Nonarum Aprilium. ∞. IO. LXXX.

EPISTOLA XVI.

*Ultraiectum.*EVERHARDO POLLIONI *meo* S. D.

AMEA enim velut manu es, à domo, & à disciplinâ. Vt statuarium opus suum delectat, si laudabile: sic in te iure mihi placeam, si tu bonis. Quod futurum omnino est, mi Pollio: si non audies solum præcepta quæ crebrò dedimus, sed obaudies: eaque admissa in hoc pectus, re exprimes & factis. Ad virtutem ante omnia te hortamur: cui litteras istas seruire volumus, magnum vel in parandâ cā adiumentum, vel paratâ ornamentum. Non enim solum pulchrior compriorque per doctrinam virtus, sed fortior: nec colorem modò ab illâ ducit, sed sanguinem & robur.

robur. Egregiè noster Seneca : *Et si magis refert nostrâ fortiores fieri, quàm doctiores : tamen alterum sine altero non fit. Non enim aliunde animo venit robur, quàm à bonis artibus, quàm à contemplatione naturæ.* Quod ita verum scito, si doctrinam non hanc mollem & amœnam solùm intelliges, quam φιλολογίαν haud malè appellamus : sed virilem illam magis & robustam, quæ in naturâ aut animo occupatur, quamquæ φιλοσοφίαν propriè indigetamus. Illa enim sola, tantum abest vt tutum securumquæ te præster inter hos vitæ fluctus : vt moueat sæpe excitetquæ in ambizioso animo cupidinum nouas tempestates. Itaque vt nautis solitarium Helenæ sidus non placet : non item mihi ista. Gemini illi sunt, qui cum apparuere, tranquillitatem nautis nunciant : tibi hæc duo, si iunges. Quod voueo ex animo : & in firmâ hac spe saluere te iubeo carum mihi caput. Lugduni Batavor. 111. Nonas Octobr. 60. 15.LXXXII.

EPISTOLA XVII

Delfos.

IANO GROTIO.

AT tu quasi ad Collegium etiam scribis : cui vitam fuisse te nescis, & obiisse illud te abeunte. Certè à nuptialibus tuis facibus, funereæ accensæ sunt Musis & quidquid hîc fuit Musicorum. Rem dico. solutus dudum ille cœtus : non tamen etiam vinculum amoris, quo inter nos ligati. Tu mihi sæpè in mente, rarò in oculis : nec lepôrem & virtutem tuam deleuerit ex animo meo vlla dies. non magis quàm tuo litterarum studia exciderint, etsi callidè id præ te fers, & negas agnoscere te Deas, idquæ carmine, quod agnoscant ipsæ Dææ. Abi Socratice noster εἶπον, & apud tam fidum age ex fide. Tu Musas, te illæ amarunt, amant, amabunt : & cum illis ego. Carmen totum approbum : nec Critica illi à me nota. Rem ipsam & argumentum vt meliùs nôrîm curabo : & legam quæ scripsit Belgicus hic Euclides. Nos Pindaricus ἀλκυονίς ille νύκτων respicere cœpit in parte. vtinam diffusiore paullo vulcu, vt sanitas apud me sit læta, plena, firma. Quam tibi, vxori, liberis (nónne rectè ita loquor?) opto. Lugduni Batavor. postrid. Kal. Sextil.

EPISTOLA XVIII.

Lutetiam.

AVGERIO GISLENO BVSBEQVIO,

Cæsareo Legato S. D.

NOMEN ipsum tuum in litteris ante legendum me adfecit, & lectio multo magis. Iudiciū talis viri meritò magnum apud me est: & hæc tam proluxa beniuolentia, quam solo animo meruisse me scio. Nam rem quidem tu auges: & facis tam liberali beneficij interpretatione, vt vltro obliger, & nouam gratiam debeam tibi. Quam vt prorsus soluam, ne expecta. non est istarum virum; non item animi. qui magis magisque illigari tibi cupit, & numquam dependere, vt pendeat à te semper. Liuij variantes lectiones ex codice Puteani quas submittis, gratæ mihi: etiam vtilis spero, post perfectum cōmentarium Cornelianum, in quo vnus nunc sum. Absoluto enim eo opere, libens sanè manum & limam adiecerim vbetrimo historicorum. Permittit iam valetudo: quæ non paullò melior, post iter Antuerpiense & haustum atque ficcioris. Nam marina ista & palustris, nescio quomodo corpori huic non amica. Sed quis in Belgicâ alius angulus ad quietem? Itaque ferimus, & hîc hæremus: donec Deo visum pacem huic Belgio reddere, & nobis veterem sedem. Quod, vt res sunt, vouemus potius quàm speramus. Amplissime & Nobilissime Vir saluæ, & inter cultores virtutis nominisque tui Lipsium non falsò cense. Lugduni Batav. Non. Mart. ∞. IC. LXXX.

EPISTOLA XIX.

Hagæ.

THEOD. LEEVIO *Consiliario S. D.*

IN silentio tuo, mi Leewi, mirabar, & (hanc enim libertatem amicitia mihi dat) indignabar. Sed indignatione tibi non ingrata, cuius fons ab amore. Iniuriam mihi ferre videbar, quia priuabas me hoc alloquio: quod etiam in negotiis occupationibusque meis vsurpo cum libentia & voluptate. Velut hoc ipso tempore, quo Plantinus cum genere apud me est: & eripit mihi non inuito optimam dici partem. Ego tamen scribo de re priuata, valere me non optinè, vt hoc anni labentis tempus fluxionibus

nibus meis ferè est infestum. De repub. nec multa nec bona. Hostis Ninouiam obsidere dicitur, & imminere meæ Bruxellæ. certè copias colligit circum illam. Galli lentè & frigidè agunt; nec pro ingenio gentis. Ita vides, mi Leewi, in longum trahi rem, & produci calamitates patriæ iam exhaustæ. Nec abiiciendus tamen animus. quem si ratio non adfectus subegit, ille est eritq; in firmâ arce, quam nulli insultus, nulla vis perfringent. Sed opinio nobis hæc facit magna & metuenda, quæ ratione si examinatas, leuia sunt. Bellum metuimus. ita enim accepimus à parentibus, ita à nutrice, ita à publicâ vulgi voce. Sed imponunt. Cur enim bellum malum? nempe quia vastitatem inducit, quia pauperiem, quia mortem. Atqui hæc ipsa mala non sunt, nisi malis. Quot viri boni beatiq; paupertatem appetiere vltro? Litteræ ipsæ diuinæ eam nobis conciliant, vt rectâ ad cælos viam. Mors autem quid? metuenda viro? optanda potius: quia finis huius miseræ, & principium melioris vitæ. At enim hæc Philosophorum sunt, inquires, dicta pulchra, re & vsu asperrima. Imò, mi Leewi, communis hæc vox totius generis humani: quotiens abstersâ adfectu in illâ nube radius diuinæ mentis illucebit. Sic tu, sic ego loquemur inuiti, si rem pendemus ad veri iudicij lanceam. Signum vis? Ecce pone mihi ex illo ipso corrupto & corruptore vulgo aliquem in morbo. spernet diuitias, spernet opes: sanitatem dumtaxat vouebit corporis & mentis, Scilicet seriò cogitare iam de se cœpit ad motus ad extrema: & inanium obliuiscitur, cùm periclitatur de salute. Exsulant adfectus, cùm ratio rediit: & erigit attollitq; se animus, corpore iacente. Tamen sani redimus ad eadem omnia: quia litigium illud cum adfectibus fuit, non diuortium: nec proposito aliquantis per boni, sed metu sumus. Quare maneamus in hac viâ, quam institimus, segregandi nos à vulgo: nec id sermone tantum, & velut in pompam fiat, sed reipsâ, & quod dicitur, Bonâ fide. Vacillamus, imò cadimus interdû? Surgamus, & citâ celeritate corrigamus, quod temporis ereptum lapsu. Viden' vt miles quoque, si cecidit, surgat alacrior, & animos irasq;umat à casu? Idem nobis sit, & constanter pergamus ad illum Tranquillitatis internæ portum, qui verè efficit beatos. Vale. Lugduni Bataſor. 117. Idus Nouemb. ∞. 15. LXXXII.

EPISTOLA XX.

IANO LERNVTIO *meo* S. D.

DIMISI nuper à me Oudermannum vestrum sine litteris, valdè præter meum votum. Sed mihi crede, ita distinebar, vt eius rei facultas mihi nulla. Nec nunc magna: (Plantinus enim apud me cum amicis est, quibus dies dandi pænè toti:) tamen erigit & conari me iubet epistola tua, siqua alia, plena suauitatum. Vel illud de SVAVIIS tuis quàm mihi spirat! crede, quòd omnes Arabum diuitiæ, imò quòd illeipse halitus à suauiorum deâ. Tu tantum perge, & damna me huius voti, vt citò teneam amplectarq̃ue libellum, & te in illo. Sed de titulo cur murasti? Mihi simplicius suauiusq̃ue inscribi SVAVIA videbantur, quàm funereâ & atrâ voce SECVNDI MANES. An frontes seueras metuis, & consultum tibi is modestiâ inscriptionis? Frustrâ. quatenus ego gustum sumpsi, pura illa basia tua: quæ & Catones capere possint, & dare ipsæ Vestales. Denique quousque scribimus istis: paucis nobis potius. & da quod in sinu tenere Scaligeri possint & Turnebi. De Plantino, verum est. ædes hîc conduxit sanè amplas, & partē vacantem Typographiæ transferet istuc. Aliquid ea res fortasse me excitabit ad lucubrandum: cùm interesse editioni libellorum nostrorum licebit, imò præesse. Nam aliàs, & valetudo sæpè illud igneum, quod in nobis, retundit: & iudicia hæc multorum aut maleuola, aut malefana. De Germaniâ quidena audistin? Proscribere misellam Satyræ nostram nuper voluere, & eiicere edicto extra imperij fines. O pisces, pisces! non hæc aqua, in quâ vos natetis: & magis vobis faciat ille ab Cithærone liquor, quàm hic ab Helicone. Sed feramus: & quoniam cœpimus, arcinus etiam hoc litus. De Venatione in manus iam sumpseram, & eram in secundo libro: reieci, & iterum daturus me videor in torporem. Catarrhi mei id faciunt, statim mihi sub hoc tempus & sollennes. A Scaligero nuper litteræ. edit De Emendatione temporum, & promittit breui exemplar. Vale mi anime, cum animâ tuâ, & cum iis qui ex felici vestro cœtu. Lugduni Batavor. 111. Id. Nouemb. ∞. IC. LXXXI.

EPI-

EPISTOLA XXI. *Antuerpiam.*

HIERON. BERCHEMIO IC.

NIMIVM vrges, mi Berchemi, de Imitatione. nuper omnibus sermonibus, nunc epistolis hoc agis. Quid censes? aliquos thesauros mihi esse doctrinę reconditę? erras. siquid in hoc genere posse tibi videmur, magis à casu siue naturâ est, quàm ab arte. Et tamen quidquid illud est quod sequor, quod teneo; non vltra celabitur. & proximâ epistolâ præcepta aperiam, ad quę stilum meum fingo & conformo. Tu Minervæ, sis, para doctori novuo. Scaligeri ad Aufonium en tibi. O virum, ô filiû à patre magno magnum!

——— *meritò cui doctior orbis*

Submissis desert fascibus imperium.

Enimverò ille vnus est, quem miramur, quem æmulamur, imò ne mentiar, cui invidemus. Felicem Galliam hoc sble! cuius claritas non ad eos solum qui nunc sunt, sed ad posteros diffundetur, quamdiu quidem erit in terris nomen litterarum. De rep. quid scribam? manus mihi labat, & ingemisco. Carcer ille novus tot Lentulorum quò erumpet? de quibus ambigua hęc fama. alij emissos dicere, alij artius teneri: hi culpam affingere, illi demere. Omnia incerta mihi, præter illud: quod omnino futurum video, vt plebecula illa aliquid plus faciat. Habet hoc semper nova libertas, vt ad licentiam facilè deflectat: quid censes de vrbe, cui insitum & fatale, turbare? Vt fistulæ diu interclusæ aut interceptæ turbidiores aquas emittunt: sic isti actiones, aliquamdiu pressi. Sed nos quoque hęc in metu. Quidam inter optimates partium non optimatum: qui, vt cum Pindaro dicam, *ὅς τις* *Non insitum, sed obliqua fraudis scandunt.* *τῆς* *ἑλπίδος, ἀλλὰ σχολῆς διαβαίνουσιν ἀπ' αὐτῆς.* Plebs ista mollicula. quid augurer? hostis tantum adueniat: ego tibi spondeo, non fore hęc Numantiam aut Saguntum. Cometam & nos per hos dies vidimus: immanem, dirum, & facie haud sæpè visitatâ. Quid portendat, quæris? Chaldaus non sum, nec cali signa cognoui: tamen hoc vetus novi,

Οὐδὲ τις κοίτης ὅστις ἐ κακὸν φέρει.

cui versui magis quàm Aristoreli credo, qui hæc talia ad causas fortuitas refert & infernas. Quid tamen aut quibus minetur, distinctè

distinctè nouit ille *Prudens futuri temporis arbiter* : ego communiter, non referre eum aureum sæculum. Vale. & illustri Comiti tuo à me salutem. Louanij IIII. Id. Octob. ∞. ID. LXXVI.

EPISTOLA XXII.

Diacum.

PHILIPPO LANOYÒ, *Nobilissimo iuueni* S. D.

IN Italiam cogitare te audio, nobilissime iuuenum : & audio volens. Placet ea mens, quam agnatam scio non nisi optimæ cuique menti. Humiles istæ & plebeix animæ, domi resident & adfixæ sunt suæ terræ : illa diuinior est, quæ cælum imitatur, & gaudet motu. Itaque siue prisco siue nostro æuo, peregrinati ferè sunt viri magni. Sed ista hîc cautio : vt id fiat non cum voluptate solum, sed cum fructu. Vagari, lustrare, discurrere quiuisset : pauci indagare, discere, id est, verè peregrinari. Vt tu id possis, finem verû fructumq; ante omnia mihi propone, quem is petiturum. Vt enim ij qui iaculum mittunt, non in vanum dirigunt, sed scopum præspeculantur ad quem collineant : sic tu præfini, quid peregrinatione istac quæras. Duo, nisi fallor : vtilitatem, & voluptatem. Non enim hâc solum. nec vt coronarij bellissimas saltem herbas floresque struppis aut coronis innectunt, salubrium nullâ curâ : ita hîc tu. Quin contrâ potiùs, plura ad mentem ac salutem referes quàm ad sensus aut ad spectu. Ac de voluptate aliquid dicere vacuum sit : cum ea sponte obuia : nec qui (quam tam lapis aut frutex, quem non titillet ac fleat amœna illa variaque spectio gentium, urbium, locorum. Natura scilicet illuc aurigatur, nec duce opus vllâ ratione. At in vtilitate laborandum est. quam nec secuti omnes, nec qui secuti, adsecuti. Eam tibi ingero, & triplici hoc limite designo, Prudentiæ, Scientiæ, Morum. Hæc enim omnia peregrinatio adferre debet ; si consilio, si ritè instituta. Ac Prudentiam ab eâ peti, Homerus nobis satis auctor ; ille non poetarû solum eximius, sed, me iudice, sapientum. qui cautæ illi Vlyssæ prudentiæ quam aliam causam vbique tribuit, quàm quòd πολύφρωνος : quòdque, vt ipse ait,

Πολλῶν ἀνθρώπων ἰδὲν ἄετα κήρυκον ἔχου?

* Multorû
mores ho-
minum &
simul opi-
da videt.

Et verè. Instituta enim illa varia gentium, ritus moresque hominum, formæ ciuitatium, incredibile est ad iudicium & prudentiam

tiam quàm potenter possint. si tamen non visa aut libata ea leuiter; sed admissa, retenta, & collata inter se examinis quadam lance. Quod ante omnia tibi censeo faciundum. Vide inquam, audi, iudica: nec conquire solùm hæc talia, sed in ea inquire. Et inquisitio quidem à te & tuâ mente erit: conquisitio ab hominibus esse debebit, aut à libris. Nam & libri ferè siue historiarum peculiare suis quibusque locis & linguis sunt quas indagabis: & homines æuo & vsu prouecti non deerunt à quibus percontando discas. Etsi enim modestiam & silentium iure tibi suadèam: tamè nihil abnuo quin per iter fræna sepè laxes effræni illi membro. Ius tibi sermonis non in viâ solùm (siqui eiusmodi comites) sed in hospitio sit: nec ante mensam modò, sed in eâ, & post eam. Sed sermonis ius intra hos fines, quærendi de moribus, legibus, facie cuiusque vrbs. addo & de Principibus, bellis, casibus, aut siquid euentuum magis insigne. Hæc notabis, hæc sepones. certus ex iis ciuilem illam prudentiam inferi, tacitâ quadam vi & viâ. Vt enim herbas, ut arbores, crescere non cernimus, sed creuisse: sic factam hanc prudentiam potiùs, quàm fieri. Atqui incrementum & irrigatio illi, ab his inquisitorij, ut sic dicam, humoris guttis: quas altè perbibit melior animus, & paullatim madescit sapientis iudicij succo. Atque hæc de Prudentiâ dixerim: verbis parcè, rebus ampliter, si rebus experiris. Ad Scientiam te nunc eadem manu duco. Quam mirèrè fortasse, quòd peregrè quæram. cum domi illi sedes potiùs, & hæc litterarum studia quiete secretoque magis gaudeant, quàm motu aut discursu. Sed defines huius admirationis, si animum flectes ad duplicem, qui ad Scientiam, modum. Aut enim ab Auribus ea, aut ab Oculis est: à Doctore dico, aut à Libris. Et de libris quidem, nemo it negatum quin domi habeantur, tractenturque melius: in doctores, aliter esse ratio suadet mecum. Quæ enim, obsecro, tam felix regio, quæ felicissima omnia ingenia includat? Quin sparsa illa: &, deo dispensante, sua cuique terræ velut gemmula quæ illustret. Hanc adi, hanc audi: & è sacris illis pectoribus, hianti ore bibe abditæ doctrinæ fontes. Quis non à Turnebo aliquo doctior redeat? prudentior à Sigionio? disertior à Mureto? quorum ego non auditum solùm magno emerim, sed visum. Quòd si notitia etiam aliqua tibi cum

D

iis

iis accedet (& id pronum apud tam humanos:) deus bone, quæ
 occasio hîc tibi discendi & ditescendi! quot gazas legere & re-
 condere cotidie poteris latentium litterarum! Mecum vides. tu
 arripe tantum: & me auctore, in usum eiusmodi virorum omni
 arte irrepe, vi irrumpe. Nusquam meliore damno frons poni-
 tur. Hæc Platonis, hæc Pythagoræ, Democriti, & aliorum sa-
 pientium mens fuit: qui relictâ penu artium Græcia, non ad
 cultos solum, sed ad barbaros peregrinati, acri quodam cupidi-
 ne discendi. Iam & alia ab Oculis utilitas: qui hîc tibi soli & nu-
 di ad Scientiam sæpe duces. Italiam ecce nunc adis. illam frugi-
 bus, viris, opidis cultam, illam famâ inclutam scriptisque. In eâ
 non vestigium vsquam pones, non oculum flectes; quin monu-
 mentum aliquod premas, aut memoriam vsurpes, ritus siue hi-
 storix priscæ. Illic Thrasymenum miserantibus oculis subiicies,
 aut æternum imperij vulnus Cannas: hîc magis lætis, Albanum,
 aut Tybur, aut nobiles Baias. Plinij alibi mansio, & Virgilij aut
 Propertij patria tibi ostendetur; alibi rudera Varronianæ aut
 Tullianæ villæ. Quanti & quàm arcani gaudij ista visio? cùm
 non animo solum, sed pænè oculis sese inferunt manes illi ma-
 gni, & sola premimus pressa toties ipsis. Iam coloniæ illæ vete-
 res, iam templa, theatra, arcus, sepulchra, lapides, quem non &
 doceant mirificè & delectent? Doceant dico. quia reuerà no-
 tata aut exscripta hæc talia, mirum quantâ luce mentem per-
 fundant, trepidantem per veterum scripta. idque experti diei-
 mus ipsi. Vt omittam etiam illud commodum, quod nescio
 quomodo attollatur & grandior sese fiat animus, adspectu tot
 sublimiû & grandium rerum. Cupidinem veræ virtutis & glo-
 riæ ingenerat, visa toties aliena gloria & virtus. Ad Mores iam ve-
 nio, qui postremus mihi locus; tibi, siquid sapiis ô adolescens, pri-
 mus. Ab hoc enim scopo si aberrasti, aberrasti ab aliis: & inuti-
 lis, imò noxia, scientia omnis prudentiaq; est, secreta à p[ro]f[un]ditate
 morum. Cetera speciosa puta, hanc necessariam: illa ad ornatum
 adhibe, hanc ad salutem. In moribus autem duplex mihi præce-
 ptio: & vt bonos rectosque vbique adnotes, & fugias malos &
 detortos. Sed in bonis, ne mentiar, haud magna fortasse peregrè
 copia est. Latent enim plerumque verè probi: & in pectore inti-
 mo domiciliû Virtus habet, non in vultu aut fronte. atque inde

vt extrahatur, vsu opus & notitiâ quadam propiore: ad quam peregrinantibus rarò accessus. Tamen elegantia quadam morum & comitas, & externa quædam, vt sic dixerim, virtus, quin apud exteros iure quærat, non negabis. Quid in cultu, vestitu, actionibus deceat; quæ Veneres & lepores in sermone aut gestu, docere te ritè politiores illæ gentes possint, Itali, Hispani, Galli. atque ita rus illud nostrum aprè sæpè diluas quæsitâ istâ vrbinitate & peregrinâ. Sed quæsitâ, non adfectatâ; vsurpatâ modicè, non ostentatâ: alioqui nihil comptu eo incomptius, elegantia ineptius. Risimus non semel eiusmodi histriones, qui ab Italiâ aut Galliâ noui, gestus nescio quos mimicos molestè vsurpabant, & delicias parùm non dicam ciuiles, sed viriles. Tu hæc fuge. & inprimis vera & interna animorum vitia, quorum ubique larga & obuia seges. è quâ ne quas spicas improvidè colligas, magna mihi pro te cura, imò metus. Admittimus enim nescio quomodo & combibimus faciliè peregrinas illas culpas; siue quia nouitate aliquâ blandiuntur, siue quia specie virtutû. Atque vt venena vinis admixta, medicorum scito, perniciousè penetrant: sic peccata hæc adsita virtuti. Ferè enim ita fit: vt in quâ gente vitia certa increbuère, mores iam vocentur, nec in veniam modò veniant, sed laudem. Adde, quòd naturâ ipsâ prouiores nos ad mala imitanda. Vt pictor, leui manu, & volante penicillo, rugas, verrucas, næuos in facie exprimit, haud tam faciliè ipsam: sic probitatem laboriosè imitamur, nullo negotio maculas illas animorum. Aduigila hîc igitur: & iam ante serio prouide, quæ vitia cognata vel amica cuique genti. Quis enim neget? vt hominibus singulis, sic populis suæ laudes, suæ labe. Galliam ecce cogitas? leuitatem & vanitatem etiam, quæ in plerâque eâ (omni, falsò dicam) gente. Italiâ? proteruiam in eâ & libidinem. Hispanias? typhum quemdam & Africanum fastum. Germaniam? comestationes & ebrietatem. Quæ velant illi, scio; & comitatem, fiduciam, grauitatem, hilaritatem interpretantur falsò. at tu vitabis, nec in venas rapies peruersi iudicij aurâ blandientem pestem. De moribus tantum est. & pertexui hanc telam: nisi quòd leue parergum illi addam de Italiâ ipsâ. Laxat enim nescio quomodo vela huic stilo, prouehitque longiùs amor & cura tui. In terram is igitur terrâ istâ

meliozem,fateor: gentem gente nobiliozem : haud ſcio an probam magis,an fidam. Ingenium,& ſubtilitas, & magni erecti-
 que animi in illis locis habitant : non ſemper puri,ſimplices , &
 ad Gallicâ iſtam niuem. Ideoque incautis & apertis nobis non-
 nullum ibi periculum, & quidem à duplici telo. Nam & inter
 viros multi recti,callidi,periti ſimulare:& inter fœminas,formæ
 conſpicuæ,ſed laſciuæ & procaces. Hic Scylla,ibi Charybdis:&
 duo hæc diſcrimina vt enauiges, opus non prudentiâ quadam
 ſolum, ſed dicam fortunâ. Prius tamen illud me angit minùs.
 quod amoliri magnam partem poſſe,videor cauentibus quibus-
 dam præceptis. Nam contra inſidiantes illos aut ſimulantes,
 quidni firmum ſcutum à ſimulatione item aliquâ ſit? Cres mihi
 eſto inter Cretas. Nec viam tibi tamen ad fraudes præeo. abſit.
 ſed vt medici,venena quædam venenis pello,in ſalutem tuâ non
 in noxam. Ad minutas & innocentes quaſdam ſimulatiuncu-
 las te voco : nec ad alienas inſidias, ſed ad animi tui opportuna
 regumenta. In Italiâ totâ tria hæc mihi ſerua. Frons tibi aperta,
 lingua parca,mens clauſa.Comis & communis vultus aduerſus
 omnes ſit, animus externo nulli pateat: & velut in thecâ clau-
 ſum cum habeas,dum redeas ad notos animos & verè amicos.
 Epicharmæ ſapientiæ ille neruus hîc valeat, nulli fidere. Niſi
 facis:non vnus Vlyſſes Aiacei te circumueniet; & dolorem no-
 bis debes, illis riſum. Atque hæc tamen cautio mea propriè in
 vulgus Italarum dirigitur.Nam de nobilibus cur diffitear?reue-
 rà optimates illi plerumque optimi: celfi, alti, ſinceri; virtutis,
 gloriæ, litterarum amantes. In vulgo aliter eſſe obſeruauimus,
 qui fex & limus, & verè vulgus. Itaque in illis; vetus Italicus aut
 Romanus ſanguis ferè apparet: in iſtis, peream, niſi claræ re-
 liquiæ (fidenter dicam) Gothorum, Vandalorum. Iam contra
 telum alterum quâ muniam te, aut moneam? Ita ſim ſaluus,
 vt opto potiùs quàm ſpero te hîc planè ſaluum. Tantùm mi-
 hi merus & ætas tua facit, quæ in ipſo æſtu : & illæ non dicam
 fœminæ,ſed Veneres, Venetæ aut Romanæ. In naturâ tantùm
 tuâ ſpes omnis præſidij hîc, & voluntate. Quarum ſi alteru-
 tra ad calidas & callidas iſtas Solis filias inclinât:quis hominum
 te ſeruet?certè rues: nec vllo præceptorum ſufflamine te ſiſtam.
 Tamen ne nihil dicam aut addam:ecce armaturam à me dupli-
 cem,

cem, Oculis, Auribusque. Oculos inquam, primum mihi claude, & auerte longè ab illecebroso hoc aspectu. Aditus enim mali morbi hinc est: nec amor aut cupido facilè irruperit, nisi per geminas has fenestras. Sed & aures etiam muni, contra omnes non Venereos solum, sed paullò magis venustos sermones. Ij sunt enim qui titillant, qui excitant: & vt cupere ab aspectu est, sic velle ab auditu. Igitur vt athleticis olim, munimenta quædam aurium adponi mos (*αμφοῖνδας* vocabant) ad vitandos ictus: fictu hoc firmum contra amatoria vulnera habe velamentum, Amatorium nil audire. De hominibus dixi (quæso ne cum invidiâ cuiusquam aut irâ: quia liberè aliquid protulerim fortasse, nihil acerbè aut malignè:) adiungam & aliquid de locis. Qui varij in Italiâ omni & pulchri: vt non iniuriâ deliberes, quem præferas ad videndum, siue habitandum. Et meo quidem sensu (vidimus enim plerosq; omnes, & triuimus) prima tibi vel antiquitatis causâ, adeunda Roma est: adeunda tamen, non habitanda. Confusio enim ibi & σύγχυσις, aëris & morum haud pura puritas: & quod verissimè à Varrone dictum, turba turbulenta. Loca igitur illa prisca & vetera, monumenta ac rudera,

— & campos ubi Troia fuit,

cùm lustratus satis & veneratus fueris: Neapolim mihi abi, & paullisper inside illam nobilem, illam cultam, illam amœnam. Per quam viam deliciæ locorum multæ, quas omitto. sed si inhabitanda diutiùs Italia est, in Thuscum mihi redi, & illos incole, linguæ, aëris, morum causâ. Omnia hæc ibi pura. Quod si de opido etiam quæris: Florentia mihi aut Senæ placeat: & magis istæ. At iam in ambitu & reuersione, Bononiam amicam studiis libens videbis, & eâdem laude insigne Patavium. quibus cùm dies aliquot dederis, non pigebit in vrbe maris domina (Venetias dico) lustrandâ ponere septimanas. Heu ad inuidiam pulchra, opulens, felix vrbs! minùs tamen ad nostrum Genium, quia Mercurio amicior quàm Mineræ. At in exitu grande illud & diffusum Mediolanum te capiet. in quâ sine Italiæ finis mihi epistolæ. Deum supplex precabor, vt te seruet, & tu ista. Vale nobilissime iuuenis, vale, vale. nec Deus mihi * auguria perficiat, quæ in tristi mente. Antuerpiæ III. Nonas Aprileis, ∞. ID. LXXVII.

* Curæ vera obit enim caprâ peregrinatione, principis nostrâ inuenturâ.

EPISTOLA XXIII. *Vltraiectum.*

IANO DOVSÆ S. D.

HEVs tu, sacrificæ. Lipsius etiam vivit. Discrimen igitur tibi? inquires. Grande, capitale, mi Doufa: & quidem sine crimine discrimen, à scriptis iterum meis, non à factis. Satyrâm ego nuper scripsi, & illa me pænè proscripsit. locari me putas? verò, seriò, à grauib, imò à grandibus viris res agitata: à proceribus imperij: tamquam in læso aut turbato publico statu. Suspendo adhuc te: rem habe. In iocis illis Menippææ nostræ, aliquid est de lauru poëtarum, quam largitur Cæsar: & ab eâ iste ignis. Aiunt, ignominiâ à me affici vniuersum id genus: aiunt, Cæsarem ipsum aspergi iniuriâ, quasi non id ei ius per me aut potestas. Itaque à Legatis ipsis Cæsaris litteræ subito Francofurtum, quæ grauitè me accusarent, minarentur: & Satyrâm ipsam priuatum irent publicâ luce. Hæc audis? hæc credis? non ego ipse: nisi litteras eas vidissem his oculis, tenuissem hac manu. O sæculum, ô viri! Ite vos docti, vigilate, scribite: & pro famâ, subite hanc flamam. Et tamen vtcumque calumniarum ferax æuum: quis materiam iis censuisset in re tam leui? Nisi si hoc proprium mihi fatum, vt ex candore istarum niuium oriatur semper aliquis ignis. In Epistolicis meis nōne simile? Benè certè sperare de iudiciis posterorum debeo: cui tam iniqui sunt viui. Tu vide, ride, & si vir es, pro Satyrâ nostrâ Satyrâm in saturos illos scribe. Nōne enim nostrâ? tu certè eius magna pars es. Vale mi oculissime. Lugduni Batauor. III. Kalend. Iulias. ∞. IO. LXXXI.

EPISTOLA XXIV.

Londinium.

GVLIELMO CAMBDENO.

MVNVS à te accepi, Vir ornatissime, per mihi gratum, Britanniam tuam: quam illustrasti ingenij & industriæ clarâ face. Multum patria tibi debet: multum exteri nos, qui per te pulcherrimam insulam videmus, etiam cùm non videmus. Perge in hoc & simili studiorum genere, quod abesse non potest quin tibi famam, posteris æternum ferat fructum. Lugduni Batauorum. IV. Kal. Sextil.

EPI-

EPISTOLA XXV. *Vltraiectum.*

GEORGIO RATALLERO *Præfidi ibidem*
Consilij Regij S. D.

VALDE alienus à gratiis omnibus sit, Vir Amplissime; cui non & litteræ tuæ gratae, & hæc ad amicitiam inuitatio, tam amica, tam honesta. Quam quòd prior, quòd vltro suscipis: iure magni facio, qui scio quàm tu sis magnus. Et amaui quidem te, imò colui iam pridem, tacito quodam sensu: qui diu inclusus, libens nunc se promit & expirat, ad hanc suauem beniuolentiæ tuæ auram. Cui tamen non dicam paria, sed maiora facio: quo plures mihi ad amorem & æstimum tui causæ. Doctrina, dignitas, virtus, & ante omnia hæc humanitas: quâ trahis & necis me tibi, adamantino quodam vinclo. Quod nulla vis, nulla fraus, laxabit aut soluet; donec

Lumine adempto animam moribundo corpore fundam.

Idque tibi non per epistolam scriptum, sed velut per syngrapham volo sponsum. Tu mihi quæso responde: & hunc, ut sic dicam, amoris noui fruticem, quem tam amanter eduxisti, euocasti, alere & fouere perge beniuolentiæ tuæ radiis, ô Belgij & meus splendide sol. Lugduni Bat. postrid. Kal. August. ∞. IC. LXXX.

EPISTOLA XXVI. *Hagam.*

THEODORO LEEWIO *Consiliario S. D.*

MAGNUM illud Antuerpiense facinus, magnum: dicerem & malum, si de causâ mihi liquidò constaret, aut fine. Sed tamen hoc ipso malum, quòd malum imò exitium patriæ trahet secum. Heu, quæ videmus! quæ audimus! quàm inopinata! quàm obliqua! quàm non pro veteri fide & more regum! Nec tamen, mi Leewi, deiicere. erige te potius: & ut palma, attollat se animus contra nouum hoc pondus. Inspice ludibria rerum humanarum, & alcam ambiguae Fortunæ: quæ gaudet iactum aliquem ex occulto iacere. nec expectandum. Hinc ille vulgi stupor & querela, Quis putasset? quæ non cadit in mediocriter sapientem: qui iam antè ita meditatus, ut sciat hæc & deteriora posse euenire. Ut in bello, etiamsi hostis absit,

absit, semper excubiæ: ita vigilat ille contra impronitum omnem ictum. Quis fuit ille dies, cum hîc & alibi insulæ totæ aquis absorptæ, aut vrbes terræ motu? Quis eorum, qui tam magnâ ruinâ perierunt, id putasset? Nec exempla nobis desunt istarum, quas patimur, cladium: sed ipsi nobis. qui, insito à naturâ vitio, proni semper ad spes meliores. Quas coercere tamen potius sit, & laxiores habenas permittere timori. Non decrit consilium aut solatium illi animo, qui timuit quidquid potuit timeri. Iure à Romano sopho laudatur is versus,

Cuius potest accidere, quod cuiquam potest.

Quem velim impressum tuæ menti, vnâ cum amore mei. Vale. Lugduni, Prid. Kal. Febr. ∞. ID. LXXXIII.

EPISTOLA XXVII.

Brugas.

LERNVTIO, ET GISELINO.

SALVETE meæ animæ. ita enim meritò vos appellem, quia quamdiu istic fui, vixisse videor: nunc vitâ frui quasi per umbram. Circumagunt me hæ turbæ in Numidæ morem: & adhuc discurre sine lare, sine certis sedibus. quas tamen positurus in Batavis videor, Ordinum vocatu, & stipendio sanequàm honesto. Sed temporaneas, non perpetuas: saltem,

Dum hæ consilescunt turbæ, atque iræ leniunt.

Aliter videtur quibusdam è meis, qui in mutatione hac rerum ad dignitates & splendores vocant. videatur: mihi stat verus illud decretum meum, reipub. tam confusæ non misceri. Orpheus ille vester Lugduni est, & (inuideo vobis hunc risum) partes has simulat, & ambit professionem. Exambietne? non, si Batavos noui: in quibus certè plusculum, quàm pro veteri verbo, auris est & cordis. Eurydice etiam eius hîc: & illa professionem. O Dousa, viuis & Satyram non scribis? Sed ridebimus coràm. Ita enim de vobis recepit mihi Winterus vester, adolescens adprobus & perhumanus. Facite, & properate ad hæc Neptunia loca: in quibus ego cum Dousâ tam arctè, tam auidè, vos amplectemur, quàm Amymonem suam illeipse Neptunus. Sed hospitium quidem vobis (ita iubeo) apud me erit: familiare scilicet & sobrium, nec propter vos maiorem suum vicinia

vicinia videbit. Properate tantum. quod ut magis faciatis, nuncio accepisse me nunc nuper Lutetiâ à Pythæo Trochaicum vetus, cui titulus Peruigilium Veneris, elegans & scitum carmen, & dignissimum illâ ipsâ deâ. Plura non addo. venite, videte, valete. Lugduni Batauorum, Kalendis Veneris ∞.
 IO. LXXIX.

Sed heus tu, Lernuti! est quod à te serio petant mei horti. non magnum aliquid, sed illud idem quod hortus tuæ, Seminari. Itaque siquid semini tibi superest, non illius Plautini (apage nuptiales nunc nugas) sed istius hortensis: quaeso, hoc nuntio mitte. Habeo enim & colo hîc in ipsâ vrbe hortum, amœnum potius quàm grandem, cōcessu nostri Hauteni. Pro eo, ad Venerem natum mihi herè hoc Carmen. quidni enim friuola mea mittam, ut eliciam gemmulas tuas? Ita callidè captator sum: nec nego.

AD STELLAM VENEREM PRO HORTO.

A LMA Venus, quæ calorū colis arduatēpla,
 Quæ maria ac terras vitali semine complex:
 Quæ sine nec flores hortos, nec gramina campos
 Vestierint, neque frugiferas animalia terras,
 Quæ ve solum pedibus sulcant, quæ ve aëra pennis:
 Tu dea, tu faulrix hortorum in cultibus esto,
 Adspiresque meo numen genitale labori.
 Nam sine te nil Flora potest, nil flaua Segestis,
 Nodutisque, herbae pubenti optabile numen.
 Pelle malum virus à floribus, imbricatorque
 Ne noceat Aquilo, neu grando, neu robigo,
 Effice. diua potes. Solis Lunaque potestas
 Te superà: sed consensu tua tertia regna.
 Nec tibi Mercurius certauerit, aut tibi Mauors:
 Ipse tuo fasces submittit Iupiter igni.
 Interea, dum nos fera mœnera militiai
 Exercent, lituique vocant ad ciuica bella:
 (Patria da veniam) Hauteni securus in hortis
 Ipse habitem, fallatque meos cultura dolores.
 Non ego Bellona sim victima, non ego Marti
 Miles: nascentique alius mihi risit Apollo.

E

Sat

*Sat patria Belgisq̃ue datum, si fama Camœna
Nostra erit, atque aliquis venienti Lipsius auro.*

EPISTOLA XXVIII.

Herbipolim.

FRANCISCO MODIO S. D.

ERGONE viuis Modi, & nos amas? De utroque enim ambiguos reddebant & locorum interualla in quibus agis, & silentium quo tamdiu non iustè vsus. At nunc emendasti, & longâ epistolâ cessionis culpam eluisti in parte. nam totam tum demum, si perseverabis. Et quamquam remedium te doleo sciendumque à nobis: tamen quod in ijs locis, & apud eum virum es, lenit desiderium, & gaudio parè mutatur. Amo enim, amo, Germaniæ illum tractû, in quo beatè viximus olim ipsi: & gratulor de hospite, qui, ut scribis, tam benignus est in meliores Musas. Sæpè apud notos prædicatur, sed parum credulos, Homines etiam illa tellus alit ingenio doctrinaque pares nobis, fide & virtute meliores. Experiris ipse: & magis experieris cottidie, si omisâ inanimum specie, de re iudicabis ex re ipsâ. Intercâ vides portum aliquem & receptum in his studijs esse, per res afflictas: nec vanum illum quicumque scripsit,

* *Artē mi-
nima terra
quicquid
auca.*

* *Τὸ τέλειον καὶ πάντα γὰρ ἐντέλει.*

Ego quidem auctor tibi sim nō commouendi ex ijs locis, donec Belgio huic fiducia status melioris. Nam nuncquàm fluctuemur, vides. Fœdera, & domini noui: & omnino aut mutatio, aut interitio rerum. Sed malo aliquid de studijs. Taciturnum ad me, siue Eclogas potius tuas in Taciturnum, si mittes, gratum: & utar, non sine memoriâ eius, per quem utar. Paramus enim iterum vulgare Commentarium nostrum, sed auctiorem. Habemus & libros duos de Venatione iam adfectos, Saturnalium priorum (quæ dilaudas) titulo & exemplo. Sed & de Epistolis meis edendis aliquid cogitabam, si quas colligere aut seruare potui in hoc naufragio nostrarum rerum. Quæ mens iniecta mihi nuper, non nego, per Italos: quorum epistolas ambitiosè editas vidi, & (liberè dicam) non inuidi. Quid enim? à verbis cultas eas censeas? sæpè nec Latinæ sunt. à sententijs acutas? torpor & tepor merus est. O Italia, vbi Politiani tui, aut Barbari? defecisti: & hoc sæculum ambi-

ambitionis & fuci aliquid fortasse plus habeat, re deseritur & ferri illâ doctrinâ. Etiam Agellius nobis nuper in manibus: deposuimus, postquâ alijs audiuius eam esse curam. De Matulis illis & Petreijs, iam aliquid inaudiuerâ. sed quid? etiam illæ nitedulæ extrahi voluntè suis senicetis? à me frustra. Tu tantum purga me calumniarum eiusmodi apud Potthium: & animum hunc illi aperiri candidiorem vestrâ niue. De poetis Germanis aliquid dixi aut scripsi: at non de germanis, inter quos mihi ipse. Fucos & dishonestamenta poetarum saltem tetigi: quorû fertilis sanè illa ora. Vidimus nos, & vides ipse. Quis non ibi somniasse vult in bicipiti Parnasso? Itaque vates omnes audiunt, & prodeunt: & compri sublimesque multi, cum Cæsareâ suâ lauru. Quos non equidem sperno aut rideo: hoc tantum ijs instillo, *Laurigeri multi, pauci Phæbi*. Quin re plerumque didici, minimè re poetas, qui titulo illo sunt & nuncupatione. Extrema tua epistola pupugit me de M. Antonio. Itane est? abijt? certè doleo. Nam æmulatiunculas illas eius (ita appellare malo, quàm calumnias) nihil moror. Habere hoc scio ista studia, ut nescio quomodo faciliè pariant rivalitatem. quam ego seriò contemno: sed & hoc mihi seriò dolet, contemni per hanc illa. In contentionibus enim istis quis risus sapè vulgi? & iure, cum tam pueriliter desipientes eos videant, qui ad sapientiam alijs magistri. Rattalerum Præsidentem quod saluere tu patronusque iuberis: ille verò saluus. iam pridem enim à nobis abijt ad beata illa loca: idque præcipiti quodam fato. Nam bene valens ad curiam cum venisset, subito deliquio animi concidit, nec surrexit. Ita ereptus patriæ optimus ciuis, nobis amicus. Hoc ante septem menses accidisse scitote, & mecum dolete. Vale mi Modi, & magno illi patrono tuo à me salutem. Lugduni Batauor. Nonis Augusti. ∞. IO. LXXXII.

EPISTOLA XXIX.

Hagam.

THEOBALDO TEELINGIO.

APPELLA me verò, & litteris, & sermone: nec excusa. vaco semper ingenijs, quibus discere vacat: quale est, & spero erit, tuum. Hoc excusa, quòd ad epistolam proſam, carmen non addideris: nam id te decebat. An alienum ab Musis me censebas?

E 2

non

non sum. amavi adolescens & nunc amo, & scio eas esse, quæ lato & læto limite ad sapientiam & virtutem ducunt. Lasciua modo caueatur, & obscenæ illius dæ laquei, quos in Musicis illis arbutis sæpè textit. Tu redux me appellabis reducem, (nam & ipse iam in vltiorem Batauiam exurrebam:) & hoc mihi semper grator, quò maior in te ardor ad discendum. Ætatis tuæ florem cogita, & xui huius fluxum: quodque Æneas ille Homericus aurigæ suo dixit, tibi ego:

* Verum,
age, nunc
manibus
flagrum &
splendens
frana Ac-
cipe.

* Ἀλλ' ἄγε νῦν μάστιγα καὶ ἡνία σφαλόντα

δέξαι.

Atque vnà salue. Lugd. Bat. postrid. Id. Sextil.

EPISTOLA XXX.

Vienne.

NICOLAO BIESIO *Cæsareo Medico.*

Nos quoque, mi Biesi, Legatum Budensem vidimus. Magna pompa, multi comites: vestis & mores nobis exteris mira. Pellis illa iniecta puerorum anteuntium humeris, numquid abest à prisco Scytharum ritu & habitu, qui pelliti? non videtur. Vestis illa laxa à Braccis? nihil. Sed & honoris habendi ritum, quem Cæsari retrogradiens exhibuit (sollenne id genti) odoramur esse à Persis. Ammianus suggerit lib. xviii. de Antonio quodam, qui transfuga ad eos eorumque mores: *Simul hoc dicens è medio prospektu abscessit, non aduersus, sed dum euanesceret, verecundè retrogradiens, & pectus ostendens.* Garritum hunc præmisi. plura, si voles, in cænâ: ad quam bonâ fide me sistam. Salue.

EPISTOLA XXXI.

Hagam.

THEODORO LEEWIO S. D.

ITA certè oportuit. in viam, inquam, officij redire, à quâ exorbitauimus vterque; nimium diu. non negligentia aliquâ, vt scio, aut contemptu: sed fortasse dulcedine cessationis, & fiducia amoris. Id enim de me fateor, de te opinor. Quin sæpè sic afficior, vt quemadmodum mulieres, quæ vterum ferunt, ad omnia nau-
seant: sic mihi nec scribendi libido vlla sit, nec legendi. Mare quoddam mortuum esse aiunt, sine vento sine motu: sic sæpè ego.

Sed

Sed tu me excitasti: præsertim illâ parte epistolæ, quâ consiliū à me petis de suminâ vitæ. Deliberas de coniugio, aut cœlibatu. Difficile mihi sententiam interponere, præiudicio iam pænè deuinctam. Vides enim quid ipse fecerim. Ita nisi à coniugio dixerō, damnem me ipse necesse est aut inconstantia, aut erroris. Sed seponam tamen paullisper eam cogitationem, & de totâ re videbo quasi liber & exsolutus. Ac principio coniugium si quis damnet; impius sit in vtramque legem, & ciuium, & naturæ. Stare genus humanum non posse omnes scimus, sine viri mulierisq; cœtu. Non ergo vniuersè id quæris, credo, an coniugiū probandum: sed strictius, an sapienti, an hoc tempore, an tibi. Sapientiæ studia & vitæ quietem si sequeris; nescio an ducenda vxor. Exempla veterum sapientū in vtriuvis sunt: ratio magis est vt neget. Si enim liber animus, Deo & sibi vacans, ad sapientiam & tranquillitatem requiritur: non video quomodo adsumenda illa cura, quæ noctes diesque adhæreat, angat, coquat. Si satis molestiæ in te tuisque cupiditatibus regendis, frænandis: quid aliunde accersis, cui imperes & moderâre? Cymbam nostram difficulter gubernamus: ecce nauim adiunctam volumus, cum tot armamentis? Et fero adhuc, si reges. sed quid si regere illa vult? si fulmenta lectum scandunt, vt vetus verbum est? quid? nōne bellum tibi non ciuile, sed familiare sumendum est de principatu? At enim moderatam audientemq; tibi speras. Ita censeo, & opto. sed quâ in re vniquam magis spes & vota fefellerūt? An ex composito illo vultu, oculis, verbis, toto corpore ad modestiam ficto, vxorem eliges? crede mihi, nulla fides. Proprium hoc & velut innatum illi sexui, vt crudæ adhuc & vix pueritiam egressæ simulent, fingant, fallant. At enim fide & commendatione aliorum, inquires. Nolim equum sic emere aut agrum. Et quâ in re libentiùs, aut minùs cum periculo, fallunt amici? Si in equo aut agro imposuerunt, exoptulandi mihi saltem ius est: at id non in isto. Canetur tibi illud comicum, *Habeas vt nactus*: & querelæ tuæ in ventum ibunt, imò in irrisum. In genere hoc prædixerim de sapiente: iam tempora ista videamus. Si res lætæ & prolixæ: magis ferrem te ligari hoc nexu. Nempe publica solarentur: nempe in spem honorum & felicitis æui liberos susciperes, educares. At nunc quid nisi communes calamitates & bella? ne domi tu quæras. Quid

nisi exsilium, exitium, imminet, & mutatio vniuersi status? ne ad aureum sæculum liberos procudi à te censeas. Denique teipsum (quod tertio posui) intuere. Animus tibi ingenuus, & corpus: id est vires valetudoq; parùm firmæ. Ætatis quidem bona pars superest; sed & bona elapsa. ingenium tibi come, molle; quod ferre iniuriam potius possit, quàm inferre. Hæc omnia vide sis, an apta ad mores fæmineos nostri æui. Et Diogenes quidem ab omni ætate coniugium remouebat, satis scitè: *Nam iuueni*, inquebat, *nondum ducenda est vxor: seni numquam*. Græcè hoc sonat melius *τῶν νέων μὴ ἐπιτρέπειν, τῶν γέροντων μὴ ἐπιγαμίζειν*. At ego certè non vanè id restrinxerim ad statum mediumq; hoc æuū, quod velut vinum iam deferbuit; & quale, mi Leeui, est tuum. Hæc in parte vnà dici possunt, nec pauciora in alterâ: quæ quoniam scio subijci & à te tibi & ab alijs cottidie, laborem non sumam in ijs recensendis. Eò minùs, quòd frustra scio suaderi coniugia aut dissuaderi: quæ à cælesti nutu & à fato haud vanè esse dicuntur. Benè Euripides,

* *Fatalis
est viro at-
que fami-
liæ thorus.*

* *Εὐνὴ γὰρ ἀνδρὶ καὶ γυναικὶ κοινή:*

idq; didicimus nos ipsi. Bina Socratis monita tantum addam. Primum, iuuenes cælibes similes esse piscibus, qui alludunt circum nassam & gestiunt inire; contrà, qui iam inclusi, exire: simile in matrimonio esse, quod ambiunt liberi, damnant capti. Alterum, Sciscitanti cuidam Vxorem an non duceret? *Vtrumuis*, inquit, *feceris, pœnitebit*. In quo verè oraculo concludo, & ambiguum te sententiæ meæ relinquam, non amoris: qui tam verbosam à me Epistolam expressit. Vale.

EPISTOLA XXXII.

Lutetiam.

IOSIAE MERCERO S. D.

AD me verò sæpè eiusmodi inusæ aduolent (ita per iocum te appellas): imò apes. quoniam tu & literæ tuæ plenæ suauitatum, & meri mellis. Ipsâ quidem causâ scribendi quid mihi gratius? Appetere te amicitiam meam: quæ si vltro offerenda sit tam benè natis ingenijs, nihil abeam à decoro. Tu tamen antevertisti. etsi non ignotus planè, vt ais: quia famæ aliquis radius te quoq; illucet à magno illo patre: cuius eruditio, & virtus, clara apud

apud omnes. Et tu succedes, imò præcedes: si pergis modò in hoc laudis studio, quod currere cœpisti recto & felici pede. Nam notæ tuæ ad Cornelium nostrum quas mittis (verè, nò blandè dicam) vix tuæ ætatis. Macte hoc acuminè! quod vide te, quæso, ne ambitio deprauet aut calor. Nam illud nisi ad rectum maturumque iudicium dirigiis, nocet, non iuuas, & infligis scriptoribus vulnera, non sanas. Nos Taciturnum vulgare iterum parauimus, cum Commentarijs nostris (siue Notæ erunt) ad omnes libros. Nam priores sanè illi ad Annales, refingendi etiam sunt: quia & lapsus alibi sum, & quædam mihi elapsa. Cur negem? semitam sæpè ingredior, cum maxime censeo viam: & gratiam serò habeam, si quis corrigat, dirigat, reducat. Ad P. Pythæum litteras iam nuper dedi. accepitne? inquire obsecro. Nam ipse quidem silet: at non in illum meus amor, quod indicabis, & salutè à me nunciabis ipsi & fratri. Vale. Lugduni in Batauis. Idibus. Martijs. ∞. IO. LXXXII.

EPISTOLA XXXIIE. *Gandauum.*ALEXANDRO RATLO *amicissimam salutem.*

LECTIS litteris tuis, mi Ratlo, & dolui dolorem tuum, & gauisus inconstantia sum: quòd videam te quæ euenerunt ita terre, vt ferenda humana sunt, & vt dignum est ijs sapientiæ studijs quæ tractas. Nam reuera hæc bella, hæc turbæ, hi discursus, quid aliud quàm ludæcruenti fateor, sed tamen ludi, quos instruit ambitio & sequitia nostrorum regum. Itaque non ferenda solùm ista, sed ridenda. Et vidè sine cum nuces sparguntur, vt currant pueri, & fixentur? idem isti, qui oppida & arces rapiunt, diripiunt, alieno malo & suo nullo bono. Atqui ea ipsa quæ tanti faciunt, propter quæ sudorem sanguinemque fundunt, si dimotâ vulgi nebulâ consideres, nuces sunt. Quare mi Ratlo mittamus ista, & habeamus eo loco quò sunt: id est, pro nugis. Ad nos redeamus, & ad eum quem dicis *τῆς ἀγῶνος λίθου*: in quo solo quies *lapidem quadratili.* & tranquillitas firma: *cetera fluminis ritu feruntur*, vt canit Poëta ille inter verè sapientes. Senecam nostrum tibi placere ex animo gaudeo. Scio non alios è priscis magis consentire cum Christianâ pietate, quàm eos qui è Stoicâ domo. In quo numero etiam Arrianus est, qui digessit Græcè dissertationes Epicteti, mihi valdè proba-

probatas. Quare, moneo, & lege. Nos hic turbæ iterum exercent, quæ sub discessum tuum sopitæ. sed sopitæ tantum: nam euigilant iterum & viuunt, metuo ne in reip. malum, & scholæ nostræ exitium. Nisi fallor, ea imminet, vt non discessisse à nobis videre, sed nos præcessisse. De Gallis mihi quidem ænigmata. Veniunt; non veniunt; volunt, nolunt: audent, timent; & omnia ancipiti metu suspensa & suspecta. Turcarum princeps aliquid in Africâ mouet: & aget is saltem bonâ fide. Mitto ad te Saturnalium in eorum primam partem De Gladiatoribus, vt videas cruentas etiam illas in pace pugnâs. Salutem quibus dici voluisti, dixi: iidemque te resalutant. de patris tui morbo doleo: quem à me saluta, & tu vale. x. Kal. Feb. ∞. IC. LXXXII.

EPISTOLA XXXIV.

Brugas.

IANO LERNUTIO.

S P E S iterum me fefellit. quid fecimus, quod totiens in nos vana ista dea? Mercurialis ille hodie ad me rediit, negauit posse. Rem dicam? poscere volebat, nec audebat: quia collybum vulgò iam dinumerant trisim florenorum in centenos. Id lucellum inhiabat; nec petere scilicet ab amico volebat, nec ego dare, te inconsulto. Tu dispice illuc. aut, si vis, Atuaticum excurrere in hoc statu abeuntium, redeuntium, transferentium, reperies qui velit. Loquere cum Moreto, efficaci ad res tales. Sed quid me celasti? tunc Grudios? Peream, nisi adprobo: ad quietum locum, amœnum, & quod caput, amicum Paci, & eximium à milite ac Marte. Si expedire te vinclis possessionum tuarum potes, abi, curre, vola. Ego nonne aliquando vicinus? si dñ me, & mihi Iscanum meum seruant, quam sedem destinaui reliquæ huic vitæ. Cum lege, si securitas illuc; si status, quem Modestia & Probitas non spernat. Parere boni possunt & debent; seruire, ancillari, adulari, non nisi vitiorum ancillæ. Valeat autem æternum mihi patria, si valebunt in eâ ista. Tu quoque, mi Lernuti, (sed ab aliâ mente) mihi vale. i. Octob. ∞. IC. LXXXV.

EPI-

EPISTOLA XXXV. *Antuerpiani.*

FRANCISCO RAPHELENGIO.

DILATVM mihi responsum ad superiorē epistolam tuam, non dimissum. Dum enim cottidie discessum sororum tuarum exspecto, atque aliud ex alio interuenit; septimanā aliquot in hoc silentio exactā, vt vides. Ceterū grata mihi tua scriptio, vtī & amor: cui à me cum fide respondebo. Filius tuus in studiis perseuerat, & effecimus ne quid Typographia auocaret illum aut impediret. Cursum certè hunc studiorum interpellari aut sisti, non erat è re eius. De filio altero tibi agnato, gratulor: etiam filius tuus, vt videbis è carmine Genethliaco, quod credo illum iam misisse. In Constantiā nostrā pergimus: sēpè negotiis, sēpè valetudine, retardati. Iuuat tamen opus argumento saltem vtile futurum hodie multis. Nubem enim hanc temporum vides: nec Solem aliquem qui pellat. Ille quidem Gallicus, qui * DISCVSSVRVM se promiserat, videtur FOVISSE. Et Austri isti cum Circiis mixti & iuncti, vereor vt dent image maiores tempestates. Omnia hodie Principum, infida, intuta: * Ad dictū eius allusum: * Discutit, & fouet. nec veri solatij vsquam spes, quā in se cuique. Firmemur iam antè contra hæc omnia, quæ euenire homini non solūm possunt, sed communi quadam lege debent. Ciceronis falsi Consolationem vidimus. quæ me quidem ad eò non erigit, vt deiciat potiùs: scripta videlicet frigide, solutè, & verbo dicam, ineptè. Quis ille tam stultus, qui sperauit se posse imponere nobis falsā hac persona? sub quā latet aliquis ne superioris quidem, vt suspicor, æui. Bardi Typographi, qui tam ambitiosè hæc diuulgant! sed credo in nostrum risum, & suum quæstum. Valdè me Ciceronis præniteat, si ille vel in medio dolore tam elumbis. Nusquam nerui, nusquam sententiarum sanguis: ne color quidem verborum, nisi cum cerusā & fuco. At tu vale, & sine eo me ama. Delphis. huc enim sorores tuas abeuntes deduximus. III. Idus Septemb. ∞. IO. LXXXIII.

EPISTOLA XXXVI.

Viennæ.

IOANNI SAMBUCO S. mitto.

DIV mihi nullum alloquium apud te, ne per litteras quidem. causâ & temporum horum, quæ nos turbant : & locorum, quæ seiungunt. Nam nos, ut audisse te credo, in Batauis agimus, apud Oceanum verè vndosum : & iactamur ciuili tempestate, tibi non ignorâ. At nec loca tamen, nec tempora, gratam mihi memoriam Sambuci excutiant : quam testari volui per hanc occasionem, primò nunc datam. Qui enim illuc viam affectaret, præter hunc adolescentem, nactus sum neminem : & nuncij illi ordinarij, ordines deseruere per hæc bella. In studiis, dum Mars hîc feruet, languidè versamur : ita tamen, ut cogitemus editionem nouâ Taciti, cum pleno iustoque Commentario in eius omnes libros. Eâ in re iuuari me à te posse sentio, vsu libri manuscripti, quem memoriâ teneo Viennæ olim vidisse. non illum quidem antiquissimû : sed è quo tamen non dubiè aliquid eruamus, & Criticâ istâ sagacitate indagemus. Quare si eum ad tempus gratificari mihi volueris ; amorem in me ostenderis, & simul morem tuum tenueris rei litterariæ adiuuandæ. Videtur sub has nundinas tutò transmitti ad Plantinianos posse : quibus mandata dedimus accipiendi, adseruandi. Velim voluntas tibi & occasio in mittendo non desit : nobis fides constabit in remittendo. Salue ab eo qui meritissimò te amat, Iusto Lipsio. Lugduni Batauor. Kalend. Mart. ∞. IO. LXXIX.

EPISTOLA XXXVII.

Hagæ.

THEODORO LEEWIO S. dico.

SEMPER amo litteras tuas, præsertim eas quibus (ut sic loquar) nota aliqua impressa est bonæ mentis. Vel hæc postremæ quàm sine adfectione prudentes ! quàm verè Philosophû referrebant, & sine vlllo furore ! Itaque ut calebant adhuc à meâ laborisque manu, iis rescripsi. Melonis tui odor vel hucusque nares meas adflauit : & mentior, nisi saluam mihi mouet & desiderium

fiderium gustandi. Sed cohibe tamen. & vide ne gnatum illum, qui vnicus nobis, nimum properè auellas à matre. Auster saltem & imber hic abeat, & soles aliquot videat puriores. tum licebit,

Extremum hoc oculis lumen radiatum rape.

De Alenconio me herclè quid dicam nescio: ita ænigmati simili res est. Venit, non venit: accessit, recessit. Credo non illum Callipidem, qui prouerbio locū fecit, tardiùs ambulasse, quàm hunc subnixum tot equitum alis. Nec aliud tamen adhuc audimus quàm, Veniet. Si seriò hæc aguntur, facilè præfagio difficile & diuturnum bellum: cuius exitus Deo in manu est. Ad nos quidem quid ista? non magis quàm si Æthiopes inter se belligerent, aut noui Indi. In animo nobis pax sit, cum affectibus concordia: & ecce omnia tranquilla. At enim patria periclitatur. Fateor. sed quis nostrum iter præcludet publicis fatis? Habent ista transitus suos, imò interitus: quorum tempora cum venerint, nulla vis aut consilium ea firmet. Et tamen illi ipsi patriæ, cum res feret, non manu, non mente, decrimus: atque hoc scilicet agemus, vt non solum boni viri simus, sed & boni ciues. Vale mi amicissime. Lugduni Batauor. xv. Kalend. Septemb. ∞. IO. LXXXI.

EPISTOLA XXXVIII. *Rostockium.*

IOANNI IONSTONO SCOTO.

QUOD & me amas, & Constantiam meam laudas, mi Ionstone: alterum valdè amplector & approbo, alterum timidè, quia scio reipsâ non attingere me culmen hoc laudis, in quo collocat me tuus affectus. Etsi tamen non nihil blanditur, quòd David Chytræus (quis ille vir?) pariter tecum, vt ais, siue iudicat, siue errat. Quidquid huius est, amo iam, amo Constantiam meam, quæ tam multos mihi conciliat amicos. In quo numero vt fidenter te deinceps censeas, mi Ionstone, iubeo, non solum rogo. Quòd si Deus mihi tangere & videre Germaniæ solum iterum dederit (fiet fortasse voto citius, vt res hîc fluunt) te videbo, & dexteram iungam, resseram Fidei & Amoris. De Carmine gratiam tibi habeo, magis magisque habeturus,

biturus, si crebrò me epistolis tuis salutaueris, in quibus notas claras video elegantiae prae & doctrinae. Lugd. Bat. XI. Kal. April. ∞. ID. LXXXVIII.

EPISTOLA XXXIX. *Lutetiam.*

IANO GVLIELMIO S.

LIBENS vidi Quaestiones tuas Plautinas, mi Gulielmi: in quibus non doctrinae solum notae vberes & acris cuiusdam iudicij, sed etiam amoris in me tui. Partem enim mihi inscribis. cum magnâ meâ gratiâ (liberè profiteor) vel quia scriptoris eius res est, quem amo vnicè, vel quia beniuolentiae hoc testimonium me delectat ab eo, quem aestimo, quemque amo. Ego profectò si vniquam occasio erit, præstabo me ad gratiam referendam non modio, sed horreo toto. At in libro eo tuo, magnae mihi voluptati non semel interpositum iudicium, de studio Sapientiae & Morum. Maecte hac sententiâ! Obsecro enim, ut quid ista humanitatis studia tam ambitiosè adfectamus, tantum propter ipsa? Abutuntur plerique ad malam & vanam pompam, ut scis, verè cum Appione illo cymbala quaedam inanis iuuentutis. Tibi melior, ut video & gratulor, mens: atque ut porro sit, quaeso & hortor. Nostrum illud de Constantiâ censeo vidisti. nunc damus De Amphitheatro, & cis paucos dies habebis: etsi opus ludicrû, & natum mihi per remissiones, ut stilus ipse indicabit. Dedi litteras ante septimanas sex ad Egmondum, quibus inclusae alterae ad Busbequium de te, imò pro te. quid iis factum, nescio. quia haecenus nihil inaudiui. Quaeso inquire. Ille quem tangis, quid & ubi agit? Utinam in gratiam cum virtute redeat! nam mecum tunc ut volet, & quando volet. Busbequium si conuenis, salutem illi à me dico: & è iuuentute selectâ, Iosiae Mercero, si nosti. Passeratio item doctori publico, & si quibus aliis ex eo numero procerum innotuisti. Vale.

EPI-

EPISTOLA XL.

Brugas.

IANO LERNVTIO S. D.

CISTAE TUAE hesterno die ad me perlatae binæ. hoc ante omnia scire te volui: sed perlatæ benè madidæ, per continuum imbrem. Itaque valdè veremur, si quid in iis sit, quod periclitetur ab vdore, ne putifcat: præsertim si quid è lino aut lanâ. Cogitet tua vxor: & si videtur, aliquem fidum huc mittere, qui inspiciat, aperiat, euentilet. Nos quidem amicam & sedulam omnem operam custodiamque pollicemur: quantum id pote. Collocabimus etiam eas bono & aërio loco. Scripsi bis ante septimanas aliquot, & valdè fallor si meas non accepistis. Carmina tua adhuc apud me sunt. Doufam enim exspecto in horas, cui velim ostensa. Ego, nisi quid interuenit, intra septimanas duas aut circiter Antuerpiæ ero. velim sanè te videre & amplecti: & si illuc venis, posses mecum pergere in Batauos: atque ita ipsum iter nobis non sine gaudij & amoris fructu. De Giselini re, omnia hæcenus nequiquam, & non nihil turbellarum inter Magistratum & Curatores, occasione professoris cuiusdam admitti Senatu inconsulto. Priuata profectò & publica turbant. quid refert? si quies modò apud nos & in hoc animo sit: ex quo puro siue impuro, liquidum omne aut turbidum manat humanarum actionum. Vt in corpore agro & corrupto, quidquid infertur, alimentum est morbi, atque abit in noxam: sic in homine, qui internum illud non depurauit. pectus dico, fontem & originem cupiditatum. Opes adfluunt? auaritia te torquebit, & angor seruandi, dispensandi. Desunt? inopiam non ferēs, & quæres eas per vindas & per ignes. At motus ab animo petendus est: cui composito semel & securo, numquam superest aliquid aut deest. Sola, mi Lernuti, quies est & internæ illæ opes,

* Οἷσιν τ' ἐν ζώῳσι, καὶ ἀφνειοὶ καλέονται,

vt ait Homerus. Vides philosophari me tecum: nec excuso. amplius dico, Sæpè faciam. Valdè enim te tuamque egregiam naturam trahere ad hæc alta velim (quò scio propendes:) & collocare te supra hominem, etiam dum es in humanis. Et enitèris, si nitèris. Vale, & salueat à me virorum optimus noster Gisc-

* Quæ re-
tèrunt
homines,
ditesq; pa-
rantur.

maximis atque admirabilibus non habetis? Nonne aliud hec vtria, aliud dicitis hos vtres? calus, & calum? non item filus & filum? crocus & crocum? fretus & fretum? sanguis & sanguen? Odoror duplex vitium. Ac primum scripserim, res nostras vitio verborum criminamini. Fugit enim omnino prior illa verbi syllaba, retrahenda ex Arnobij ipsâ mente. Hoc scilicet politi illi & docti Romani obieiebant nostris, solacisimis obsitas res nostras, vitiorum deformitate pollutas, vt ipse præmisit. Respondet: variari sermonem pro arbitrio, & illos ipsos veteres à talibus solacisimis non abfuisse. Nam, inquit, aliubi hac vtria, alinbi dicitis hos vtres. Ita enim alterum vitium tollo; Aliubi, inquam; scribo, non Aliud. Clamat res, & sequentia exempla. An enim aliud sanguis, quàm sanguen? fretus, quàm fretum? Minimè. Variatum tantum licenter genus ostendit, & modò Vtres positos ἀντιρρητικῶν, modò Vtria. Ecce in Nonio: Vtres vsu generis masculini tantum. Neutri, Liuius Andronicus: Flacci teget vtria.

EPISTOLA XLIII.

Hag. am.

THEODORO LEEVIO S. D.

TE verò laudo, non imitaris meam pigritiam, & quamquam ad binas tuas iam silui, tamen tertiis etiam laccessis. Eth, mi Leeui, nulla hîc pigritia. ignoscas aut miserearis potius, si scias quàm per omnes hos dies distrahar & distinear negotiis nec seriis nec bonis. Amici & alieni adpellant, interpellant: ad conuiuia vocant: & hoc putant comitatem, auferre mihi vsum veræ vitæ. Pareo tamen, & quamdiu in hoc proscenio sum, sustineo personam. Mallem ad interiora illa gaudia diuertere, studia dico & sapientiæ exercitationes: à quibus non per hæc solum acerbissima tempora, sed etiam lætiora, veros petam quietis & gaudij fructus. Sed differo sæpè illa; non dimitto: quod tibi etiam vsu venire certò scio. Plantinus nunc adest, seriò à me monitus de *Thalate illo Gallico, seriò ad suos iterum scripsit: & illi responderunt iam Lutetiâ se petiisse. apud nos scilicet sapientia illa non habitat. De adolescente quem nuper mihi commendaras: scis quàm omnia velim tuâ causâ. Hoc tamè nolo. & si rationes omnes meas audias, scio, ipse non velles me velle. Multis iam recusaui. quos omnes offendo, si vnum admit-

* Ita indigerant Michaeli Mæ-tani librâ Gallicum Gustuum titulo: primum, sapientem, & valde ad meum gustum.

admittam. denique rimam aut fenestram hanc si aperio, toto ostio admittendi alij sunt. Quies autem mea id non patitur, & ratio vitæ quam per silentium ago. Peto ergo ut id excuses: & maiora aliqua à me petas, cum opus erit, non neganda. Institutum tuum de omiſſâ domo, hætenus probo si in eo perseveras. Semel enim constituendum est quod vitæ genus eligas, solitarium an sociabile, illud cum paucis & sapientibus quos melior Deus adspexit, commune tibi futurum; hoc, cum multis. Et vtrumque tamen illi rectum, qui incommoda utriusque fert. nam ut omnia tollas, vanè cum vulgo speres. Siue vxor ducitur, siue omittitur: habebis quod doleas, quod querare. nec in hac omni vitâ tam optabile aliquod bonum est, quod non mixtum poculo aliquo inœrorum. Hæc publica & æterna lex: cui, improbus & refractarius est, quisquis repugnat. Ut athletic olim fors non electio aduersarium dabat, cum quo certarent: sic cuique nostrum vitæ suam conditionem fata, cum quâ luctemur. Hanc vincere oportet, id est ferre. Huius enim pugnæ robur omne in patiendo est, & victoria in cedendo. Res publicæ non in bonâ spe. Præcipuæ aliquot Flandriæ & Brabantiaæ vrbes nauseare incipiunt, & fastidire præsentem hunc statum. siue diuturnitas belli id facit, siue gubernatio non vsquequaque inculcata. Consilia arcana agitare dicuntur de paciscendo cum hoste. quidquid horum est aut erit, nos pessima timere nihil nocuerit: & ut pugiles, iam nunc parari ad strenuam cum omni sorte pugnam. Paupertas imminebit? exsilium? carcer? proponamus interdum animo has imagines; & persuadeamus illi quàm nihil in his aut certè non multum mali sit illis, qui mala ea non putant. Reuerà enim ut opinio diuitias bonum fecit, sic eadem inopiam malum. Sed hæc facilia dictu videntur: fortassis etiam factu, si quis conetur. Nunc plerique eò stultitiæ venimus, ut nec aspirare audeamus ad bonam mentem. Sicut ij qui phrenesi laborant, irrident aut verberant suos medicos: ita nos. Vale. & me amantissimum tui, ama. de hortulo tuo nihil narras noui. meus in eadem causâ. qui iam pridem animâ agit, aut potius egit. Credo enim per huius ipsius dici æstum ablatum illi omnem succum & vitam. Hoc quoque feramus. Leidæ. viii. Kal. Iun. ∞. Io. LXXXIII.

EPISTOLA XLIV. *Antuerpiam.*

GASPARI SCHVERMANNO IC. S. D.

LITTERAS tuas, mi Schuermanne, libens vidi: at nondum sororem. quam ne frustra mihi commendaueris efficiam, si quâ in re operâ meâ illi vsus. Constantiam nostram quod laudas amasque, gaudeo: complecti magis te velim & amare virtutem ipsam. quâ certè in omni æuo, & hoc nostro inprimis, opus. Hostis, vt audio, vicinus vobis, perfidiâ eorum in quibus numquam fuit eritque fides. qui vt trutina in eam partem vergit, in quâ plus ponderis; sic ipsi in eam, vbi plus æris. Pestis iam olim & calamitas nostri fundi. sed quâ auertas? cùm etiam nunc immixti nobis, nec longè à clauo, quibus idem morbus. Ambitio aut Auaritia multa regna & opida euertit: vtinam ne vtraque hunc Belgicæ statum! Hortaris me, vt iuueim. votis possum, non consiliis: quis enim audiet? Publicè dico. at priuatim si quosdam possim erigere, & in singulis ciuibus de totâ patriâ benè mereri; non immunis hæc mea quies. Conati id sumus in postremo hoc scripto, & conabimur porrò, si Deus mihi dat vitam. Nam otium ipse mihi parabo, etiam in æstu negotiorum. Gabrieli Roelandio, adfini tuo, velim ex me nuntius beneuolam salutem. Verè eum amo & æstimo inter paucos meos Belgas. Vale. Lugduni Bat. postridie Non. Nouemb. ∞. IC. LXXXIII.

EPISTOLA XLV.

Toletum.

ANDREAE SCHOTTO.

CARVISSE me alloquio litterarum tuarum tamdiu, mi Schotte, non re solùm, sed cogitatione molestum fuit. Illud, quia priuari voluptate câ mihi durum: istud, quia trahebatur animus hoc silentio in varias suspicionum partes. Quid censerem? mutatum esse te? non fidei tuæ videbatur, non amoris. Offensum? verebar. vtrique cùm oculos flecterem ad illum, qui non mihi, non bono cuiquam satis bonus. Sciebam litteras te crebrò commutasse cum eo, & sermones: sciebam & hominem duplicem, cuique (sed non mente Ennij) *plures lingua & plura corda.*

In

In aliis didici, quàm illi volupe disjungere & soluere, qui mihi iuncti. At rursus tuæ prudentiæ videbatur, non temerè ei credere, qui aliarum rerum apud te sæpè vanus. & ut video ac gaudeo, haud planè credidisti. Litteræ hæ tuæ mihi testes, scriptæ ex veteri more & amore. nam binas alteras, quas dedisse dicis, non vidi. Istæ me delectarunt; & te mihi restituerunt, me tibi. De mansione in Toletanâ vrbe, & in illustri domo, gaudeo. cò magis, quoniam splendorem hunc cum fructu video, nec interiora illa tua studia interpellari aut abrumpi: quòd sæpè in illis aulis. Senecam patrem quòd paras, approbo. Vnicè me sapientia in filio delectat: in patre comitas, lepos, & facundia quædam profluens ac simplex. Sanè Controuersiarum illi libri mirificè non corrupti solum, sed abrupti: atque opus in elimandis ingenio meliore, sed inprimis libro. quem valdè veterem & integrum si repperisti, ut ais, apud Couarruiam; vtere, fodes, & adnitere. nos iuuabimus in parte. Nam quæ notata mihi, quidni transmittam libens? De Lanoy nostri morte, valdè mihi acerbum. Amabam adolescentem altæ indolis, niuei pectoris: & destinabam cum olim in corruptâ hac nostrâ nobilitate velut geminam. De Papio etiam, ut video, inaudisti: qui merfus Mosâ flumine, dum in eo iuueniliter ludit & natat. Sed hæc tristia. illud lætius, quòd amicum mihi te interprete & tamquam parario conciliatum video Ant. Couarruiam, virum à stirpe, à fratre, à se verè illustrem. Deus bone, quæ illa ad me epistola! mentior, si ab aliquot annis litteras vidi magis litteratas. Imbutum profectò arcanâ doctrinâ pectus illud oportet, quod promittit tam docta. Quidni ita iudicem? facile nobis.* *ἐν τῇ κεραιῇ τὸ ὄψασμα γράσκει.* Veterani venatores ceruum ex impresso vestigio dinouerint: ego ex scriptiunculâ virum. Saluta quæso à me: & quoniam te ferente, & sub tuâ velut manu, hæc amicitia surrexit, effice ut eodem te irrigante, augeat & crescat. Libellos nostros misimus, & in his Electa: in quibus reperies amicam memoriam tui. Iure. quia amamus te, & æstimamus: quod velim à te mihi fieri, alterum certè. Vale. Nonis Iulij. ∞. IO. LXXXII.

* *in fimbriâ
de veste iudicare.*

EPISTOLA XLVI. *Ultraiectum.*

EVERARDO POLLIONI S. D.

LITTERAS tuas & adiunctum Carmen, Euerarde, legi lubens. Alteræ memoriæ mei; alterum diligentiam tuam testabatur: quam te non remittere in ipsis remissionibus, lætor. Et ita te dignum est. Quid ætatis sis, vides. in hoc vere, nisi virtutis doctrinæque feceris sementem, frustra cùm æstas erit, expectaueris fructum. Indoles tua ingeniumque ad alta te vocant, & sæpè Homericum illud instillant:

— Παιδείης ἀρετῆς μνησθέντες:

*. Omnis
virtutis
memor
est.

nec nos monitores tibi defuimus aut doctores. Nisi sequeris & adsequeris, præter ipsum te, quem culpes? Feriæ nostræ finem habent cum ipso Caniculæ fine. Sub id igitur tempus te expecto: sed ad Valerianum scitum: *Vegeta ingenia quò plus recessus sumunt, hoc vehementiores impetus edunt.* Vale. Lugduni Batauorum. VI. Idus Sextil. ∞. IO. LXXXI.

EPISTOLA XLVII. *Antuerpiam.*GABRIELI ROELANDIO IC. *mitto salutem.*

GRATAE mihi tuæ gratiæ: quas tamen ita ad me mittis, ut ipse eas non dimittas. Habitant enim apud te illæ Diuæ: nec aliud pectus magis amant, scio, inter meos Belgas. Fama ita mihi antea dixerat: nec mentitam eam, firmant lepidæ istæ litteræ & litteratæ. Atque vtinam post hos nimbos lux & sol aliquis tranquillitatis; in quo apicari nobis liberè liceat, & sermones sæpè miscere, non solum scripta. Voueo. quid sperem tamen nescio, cùm oculos deflexi ad hunc rerum statum: qui indies minus stabilis, & nisi à Deo aliquo fulciatur, (non enim à Gallo illo tibicine) ruet. Iani GuiljelmI litteras accepi: paullò antè etiam librum Questionum. quem ego ita probo, ut negem aliquid melius in hoc genere vidisse ab aliquot annis. Rectam viam adolescens ille ingressus est: & ingenium in eo ac iudicium pariter magna. At tu mi Roelandi salue, quod ut mihi quoque magis magisque sit, litteris me tuis sæpè appella. Doufa, nisi fallor, scripturus

rus est, quem scire debes tui peramantem. Adfinem tuum Schuermannum saluta. Lugduni Batau. Non. Maijs. ∞. IO.
LXXXIII.

EPISTOLA XLVIII. *Viennam.*

CAROLO CLVSIO S. D.

ET salutem à te accepi, mi Clusi, & munera quæ Plantinus noster reddidit; bis mihi grata, quia & à te missa, quem tacito quodam sensu dudum amo, & quia missa in opusculum mihi finem. Vis enim ea sancientiæ amicitia esse, & offers velut arras: quas libens accipio, & restipulor tibi sanctè, eâ fide & officiis cultum à me iri hanc nouam amicitiam, quæ sunt inter verè bonos. Talem enim te scio, nec minùs integritate & ingenuâ quadam virtute clarum acceptumque, quàm doctrinâ. Atque utinam tempora aut conditio nostra permittant, minùs longè ut absimus: non litteris solùm beniuolentiam hanc foueremus, sed alloquijs & adpectu. Sed istud quoniam non datur, nec fortassè citò dabitur (augeſcunt enim hæ turbæ, & in isto mari cottidie maiores fluctus:) quod relictum est alterum amplectar, & te amicissime Clusi per chartaceum hoc æquor (ut cum poëtis loquar) sæpè adibo, sæpè salutabo. Vale. Lugd. Bat. Non. Maijs. ∞. IO.
LXXXIV.

EPISTOLA XLIX. *Antuerpiam.*

IOHANNI VIVIANO S.

VTRUMQUE libellum carminum tuorum accepi, mi Viuiane: gratissimum mihi & argumento, & tersâ (ita sentio) versione. Sciunt experti, quàm arduum sit in talibus & mentem scriptoris exprimere, & non abire à proprietate aut venustate præci sermonis. quod utrumque egregiè es adsecutus. Atque meo oro, poëtæ nostri alij laborent in similibus argumentis: quibus non oblectari tantùm animi possint, sed instrui & iuari: pietas: mores inseri, qui nimium exsulant ab hoc æuo. Itaque Proserbia eiusdem regis, hortor te, accelera & vrge; quibus ne interinâ quidem sapientiâ melius aliquid apud omnes Sapientes. Otium nōne adest? Mercurius certè vester non calet. Mars

G 3 vobis

vobis ante portas, & hæcenus non nimis felix. Deus tamen ille noster iuuabit: quem bonum & propitium semper scimus bonis, utcumque externa ista cadant. Remitto muneri Constantiam nostram recusam, cum Epistolæ nouæ additione ad Lectorem. Douæ non libellos tuos offerre potui, non salutem. abierat enim à nobis in Angliam peregrinandi causâ. De loco Iosephi nihil mihi in mente, præter adfentiri Ortelio. Sed nec in Serrato nummo iuuo multum: de quo tamen quid sentiam, iam dixi in Notis meis ad Tacitum, qui tantum non absolutus. Vale mi Viuiane, & pariter me ama. Lugduni Bataur. ∞. IO. LXXXIV.

EPISTOLA L. *Lugd. Bataur.*

I ANE HAVTENE

ALIPSI O tuo saluc. Suaues herè conuiuas habuimus (auribus enim meis inerrat ille sermo) elephantos. Multa de ingenio eorum, de quæ mirâ indole, garriuimus: omnia iucundè, nisi quòd in plerisque indignabar haud plenam mihi esse fidem. Quid censebatis? madidum esse me? non fui. Quin siccus nunc & sobrius ingeram tibi eadem: & laudum hunc campum stilo paullò certius decurram, quàm linguâ. Nónne Hilariûm isti dies sunt? lubet ludere hunc lusum. Sed fides mihi priùs stabilienda veterum, quibus præcipuè innisa mea fides. Nonnemo enim eam herè eleuabat: & nimios harum rerum aiebat fuisse, aut vanos. Itâne? quibus igitur hæc res notior? Nobisne, qui omni hoc nostro æuo vix vnum vidimus, eum quæ pusillum, iuuenem, bonarum artium rudem: an illis, quibus cottidiè bellua ea in ore, in oculis? quibus tam crebra de ingenio & moribus eius pericula facta, in bellis, in ludis? Habebant enim & docebant magnâ curâ, Afri, Asiani, Græci, ad prælia: Romani magis ad spectacula & Venationes. Quamquam Europæis tardè sanè innotuit; & * ἐλεφαντας (Pausaniæ verba sunt) ἐκ τῆς Ἑυρώπης Ἀλεξάνδρος ἐκτῆς σαιτο: qui victâ scilicet Indiâ, intulit siue immisit. Sed ab eius tamen morte statim crebri: & transportauit in Italiam ipsam Pyrrhus, bello quod cum Romanis. Hinc quoque iam Romæ nobiles. & magis per Punica bella: quibus tanta copia, ut vno tempore centum quadraginta duos ceperit & in urbem miserit L. Metellus.

* Illâ, qui anno LXXII. donû Cæsari missus ab Hispaniarum rege.

* Elephantus primus inter Europæos Alexander habuit.

tellus. Nam Critolaus apud *Plutarchum apertè mendax; qui à Paulo Æmylio, bello Pyrrhi, centum sexaginta Romanos missos vult, & quidem turratos. At postea sanè Romæ semper: siue capti, siue magis pretio parati ad populi voluptates. Vides initia, vides frequentiam. quæ magis expressa apud Plinium: quem, si voles, lege. De fide igitur veterum cur ambigimus? Nónne nouerunt hoc animal? intimè atque optimè. An fallere nos voluerunt de compacto? nec potuerunt quidem, in re cottidiè omnium oculis sensibusque expositâ: & in quâ miracula milleni aliquot homines simul viderunt, id est theatra tota. Ista ipsa ætas fidem fidei illorum struit, etsi in alio illo orbe. Lusitani nauigationibus suis terras eas aperuerunt, in quibus animal hoc crebrum. Insula Madagascar eos habet, & quidem Indicis maiores: habet Zeilam, vbi venales sunt miro modo. ad mensuram enim admetiuntur, ut pannos, aulæa, telam: tanti palmos singulos. ita cum magnitudine pretium crescit. Habet provincia Malabar, Goa, & tota illa ora: itemque regnum Beniamen inferioris Æthiopiæ, sed omnes (quod notes) albos. Qui adierunt, qui viderunt, eadem aut similia narrant de ingenio bruti huius non bruti. Quæ ut seriò aliquando noscas ac credas: cape à me de naturâ eorum & moribus. quæ nihil aut paullum ab homine abire, miretur aliquis, imò indignetur. Sed prius vniuersè commemorabo elogia de iis veterum: inde facta ipsa distinctè, & exempla. *Aristoteles inter alia de elephante: *ἐστὶ δὲ καὶ θαυμάσιον, καὶ τῇ συνέσει τῇ ἀλλῇ ὑπερβάλλον: est autem apprimè bonis acutisque sensibus, & cetero intellectu excellens.* *Cicero: *Elephanto belluarum nulla prudentior.* *Idem: *Elephantum acutissimis sensibus.* Quin homini ipsi adiungunt passim. *Cicero: *Esse illi belluæ quamdam cum genere humano societatem.* *Strabo: *ὁμοῦς ἐστὶν λογικὸς ζῷον. adsidere animali ratione prædito.* *Philostratus: *τοῦ δὲ ζῷου δὲ δυνάμει αἰσθητικῇ πάντων, καὶ ἐνέσειν τε καὶ βυλάει: hoc enim animal proximum ab homine colloco, prudentiâ & consilio.* Plinius: *Animal maximum elephas, proximumque humanis sensibus.* quippe intellectus illis sermonis patrij, & imperiorum obedientia, officiorumque que licere memoria, amoris & gloriæ voluptas. imò verò, que etiam in homine rara, probitas, prudentia, æquitas, religio quoque, siderum solisque inueneratio. Et Plinius sanè effusè: tamen verè. ad cuius acclamam laudationem, videor non ineptè diducere posse & adducere

*Lib. ix.
Hist. cap.
XLVI.

*De Nat.
deor. 111.
*De D. ui.
nat. 11.
*Epist. ad
Marium.
*Lib. xv.
*Lib. 11.
De vitâ A.
poll.

cere lecta mihi testimonia aut exempla. Tribuit primò,

Intellectum sermonis patrij.] Quod mireris. Nam cum duo velut limites sint, quibus Hominem à Bruto disparamus, Sermo & Ratio: prior iste vide quàm vacillet. Sermonem patrium ait ab iis intellegi: id interpretor, Indorum, Æthiopum, Afrorum, & vbi-

*Lib. IV.
cap. XXIV.

*Libro
XLVIII.

*Li. XIII.
cap. XXII.

*Lib. XV.

cumque nati. Præter Plinium, *Ælianus: *συνῆλθον γὰρ ἐλέφαντες, καὶ γλώττης ἀνθρώπων τὴν ὁμιλίαν: capiunt & humanum sermonem elephant-
tes, sed indigenam.* Etiam *Dio: *ἔδην καὶ αὐτοὶ ἔπον, τὴν φωνὴν τὴν πατριωτικὴν αὐτοῦ ἐπαύον:* Etiam hoc aiunt, eos patriam vocem audire atque intellegere. Nec alia res certior. Institutionem eorum vides? linguâ fit. Domituram? linguâ. Incitationem, reuocationem? linguâ. Denique vt clauus nauim: sic animal hoc impellit dirigitque, quò libitum, humanus sermo. De institutione, *Ælianus audi: *Docentur, inquit, atque instituuntur ad varia φωνῇ τινι ὁμιλίῳ, ἡνωγεῶν ἐπαύον εἰλήχασιν, φύσει τινὶ διακρίτῳ & μάλα γὰρ ἰδὲ τὰ ζῶα τὰδε, sermone vernaculo, cuius miro quodam & ineffabili modo ac velut peculiari naturâ sunt capaces.* De domiturâ, *Strabonem: *Primum, ait, captos vinclis ac fame domant, καὶ δὲ πάντα περὶ ἀρχὴν διδάσκουσιν, τὰς μὲν δὲ λῆξιν, τὰς δὲ μελισμῶν τινὶ καὶ τυμπανισμῶν κηλόντες, deinde cicures eos reddunt mansuetosque, hos sermone, alios cantu aliquo aut tympani sonitu delinientes.* De regimine toto: cottidiana olim exempla in bellis, in pace. atque item hodie. Quin furere etiam cum incipiunt & à se abire, ad mentem reducuntur oratione. Credere ita seriò Christophorus Acoſta me iubet: cuius assertioni præstruenda breuiter fides. sæpius enim testimonio eius vtar. Is gente Hispanus, professione medicus, ad nouũ illum orbis tractum abiit, quem Orientalem Indiam vocamus. Diu illuc egit, lustrauit, scripsit: & inter alia de elephâtis non pauca, visa sibi aut à visoribus accepta. Crebrum enim valdè & cottidiani vsus, animal in iis locis. Is igitur

*In libello
De Aro-
matibus.

*Plinius &
Aristot.
meminere
eiusdem
morbi, sed
Plinij locus
malus, cui
corrigen-
do non hie-
cus.

*refert: Genere morbi tentari elephantos quotannis, quod haud distat à furore. causam, amorem esse, & venire cum venit ad eos Venus. Tum bacchari eos, furere, lædere, incurrere: nisi quidem vinclis coërceantur. quod fit ab incolis studiosè. *Sed eum morbum haud sermè aliter tolli, quàm pharmaco verborum. Adfistere belluæ magistrum, increpare acriter, & ostendere fœditatem. Tantùmne belluam & reginam aliarum ita dementire per adfectum: Vilitatem eam esse, degenerationem à naturâ & à stirpe. Rediret ad sese, & concu-*

ret

ret amorem, qui turpiter nimis ipsum. Et his talibus, quæ etiam homini
utiliter adhibentur, fieri medicinam. Quomodo autem possunt ista,
nisi si non audit solum, sed imbibit, & capit? Nec verò, ut ali-
quid mirius dicam, audiunt solum sermonem, sed edunt. Op-
pianus disertè Elefantos colloqui inter se vult:

Φῆμι δ' ὡς ἐλέφαντες ἐπ' ἀλλήλοις λαλέσσι,

φθογγὴν ἐκ στομάτων μερῶντι δα Τονδίζοντες.

Fama est inter sese sermonari elefantas,

Distinctâsque susurrare atque emittere voces.

Acosta ille idem nihil acceptius in regno Malabar esse ait, quàm
quòd hæc belluæ communicent inter se sermone. Denique vis in
hac re aliquid mirissimum? (ignosce. tanta novitas egebat nouo
verbo.) edunt & loquuntur etiam humanam vocem. Boues in-
ter prodigia Romæ locuti olim: iunge & elefantem. Atque au-
di ipsum Acostam: Erat, inquit, in urbe Cochîn elephas, qui operas
diurnas præbere solitus ad portum & res marinas. Eum fortè iam fessum
urgebat nihilominus urbis eius Præfectus, ut Liburnicam quam
commovere cæperat, deduceret porro in mare. Ille abnuere. instare alter
multis blandisque verbis, & ad extremum in gratiam Lusitani regis ut
id vellet, orare. Hic (immane dictu) elephas motus, clarè hæc duo verba
ingeminat, Hoö, hoö: quod Malabarum linguâ est, Volo, volo. ac sine mo-
râ navim traxit in mare. Trepidat ad hæc, & nutas? Age, age, mo-
uebo tibi in isto exemplorū mari magis maiores fluctus: & am-
biguum relinquam, non dicam an hominem capiant, sed ad ho-
minem imò supra hominem sapiant elephantes. Dixi enim de
priori limite, qui discriminat obscurè: alterum vide, Rationem.
quâ ego omnino carere me fateor, si prorsus ille. Audi igitur è
Plinio, quæ huc spectant. Ait:

Imperiorum obedientia.] Clara, & quam nemo neget. Semel do-
niti, omnia ab homine, & pro homine perferunt: & tanta illa
moles vel à pusione regitur ac dirigitur tredecenni. idque sine
vi, bacillo tantum (καλαύροπι in Philostrato scriptum) aut * leui
ferro. Et quid non imperentur? etiam iugum subiêre, & traxêre
currum. Oppianus id tradidit, & Romæ primus ostendit Pom-
peius, ac postea sæpè Principes secuti. Nummi docent. Tertia
in Plinio laus,

Eorum quæ didicere memoria.] Tenax sanè memoria, & ad hu-
manam,

* Philostr.
tradit lib.
11.

* Falcæ siue
ἀνίστατο

Aristoteles
Elephan-
tissæ attri-
buit: Ae-
lianus eâ-
dem mète
ἀνίστατο.

manam, vt mox dicam. Sed ingenium Plini cur omittis? Præuaricaris in hac causâ: quia si vlla propria & magna iis laus, hæc est acuminis & ingenij. de quo, te silente, non ego silebo. Ingenium igitur iis docile, facile, flexile, aptum ad omnes artes: & artes Belli dico, siue Pacis. Quod vide mihi, & discce, è paucis his effectis. Ac de bello, quis non ingenium eorum admiretur: siue cum bel-

* Plin. viii.
cap. vii.
* Aelian. vi.
cap. lvi.
* Aelian.
vii. cap.
xxxvi.
* Libello,
πότῃ τῷ
ζώῳ.
* Aelianus
libro vii.
ἀπαρτί-
ξις πυγμίας
ἢ πυγμαίας.

enim velut * consilio aciem, defessos aut infirmos in medium agmen recipiunt, in * fugâ ipsâ suos non deferunt, sed gregatim abeuntes circumdant & propugnant. Iam lætis medicinam faciunt: spicula aut infixâ tela leniter manu suâ extrahūt, & * vt Plutarchus ait, ἀπὸ παρρησίας καὶ δολιχῆς, sine convulsione, facile & sine damno, prorsus vt * peritissimi chirurgi. Quin & proprium medicamentum, aloës lacrimas, instillari vulneribus ab iis, Philostratus adseuerat. At pro homine quis homo nescit acres eorum pugnas? Instruuntur velut milites ad prælia; bellatores non dorso solum ferunt, sed & ipsi bellant: propugnant suos, impugnant hostes: deniq. eò veniunt, vt munia etiam omnia militaria

* Lib. xii.
cap. xxii.

vsurpent. * Aelianus quidem mihi auctor, *Elephantos decorè etiam motus bellicos edere: ex iis vigintiquattuor Indorum regi adstistere, & excubias agere, vt fidiſſimos quosdam corporis custodes. atq. ita agere, vt alternis in stationem succedant, sine somno quidem aut conuiuentiâ oculorum.* A peritissimo milite, dic sodes, quid aliud exspectes? Iam quanta fides eorum in dominos, quàm ad extremum spiritum pro iis pugnent; satis tibi claruerit vel ex vno elephanto illo Porci qui decantatus: & ab eo discce omnes. Hæc de belli artibus. At in

* Lib. i.
cap. xi.
* Obtemperatio & facilitas.

pacis; quid hominem doceas, quod non istos? Quorum tanta in discendo (* Aeliani verbis & sententiâ vtar) εὐπειθεῖα καὶ εὐκολία, vt eas disciplinas artesque hauriant, quas ægrè homo ipse. Circa corpus, circa animum hoc considera. De corpore: conformant id ad omnem ex arte motum aut gestum. Ingeniculare, submittere, & adorare reges docetur. * Aristoteles: πολλὰ γὰρ καὶ παιδιῶν καὶ ἑωυτοῦ ἐπεὶ καὶ περὶ κωμῶν διδάσκει τὸν βασιλέα. multa erudiuntur & sciunt. quando & regem adorare discunt. Saltare etiam & choræas ducere. * Plutarchus: ἀρχαίαι τε μαρθάνει, καὶ χορίαι, & περὶ κωμῶν: saltationes discit, & choræas, & adorationes. Ad scopum iaculari, armis

* ix. Histor.
cap. lvi.

* περὶ τῷ
χρῆ.

vti, natate. Strabo: ὅπως δὲ ἐντιθασώτως ἴδῃ, ὥστε καὶ λυβάζειν ἐπὶ σκοπῷ μαρ-

θάσει

ὁδὸν καὶ πολλοὺς χροῖας, νέμει τε κάλλιστα: *aded autem mansuescere, ut & lapides ad scopum iacere, arma vsurpare, & natare optime discant.* Vbi tamen τὸ νέμει siue Natandi verbum mihi anceps: quia nec alteri id traditum, & alienū à naturā elephantis qui aquas profundiores horret. Ventilare, gladiatorios militaresque motus edere docentur. Plinius: *Vulgare erat arma per auras iacere, non auferentibus ventis,* (ut scilicet iterum iacta reciperent.) *gladiatorios congressus edere, aut lasciuiente Pyrrhice colludere.* Denique in theatris eos gestus effingere, quos vix Pylades aliquis aut Bathyllus. * Plutarchus: *τοῖς διατέροις ἐπιδείκνυσι σχημάτων εἰς δὴ καὶ μεταβολὰς, ὥν ἐστὶ ἀνθρώπων καὶ μέλει τις τὸ ποιῆσαι, περὶ τὸν ἐν ἡρώεσσι καὶ καθέξει γὰρ οὗτος παρὰ ῥάδιον ἐστίν.* in spectaculis ostendit elephas eas gestuum figuras & varietates, quarum copiam atq; concinnitatem difficile sit humanæ ulli industriæ exprimere aut memoriā complecti. Itaq; & funambuli elephantis reperti sunt, irrisum vobis herē & explosum. * Plinius: *Postea & per funes incescere.* * Iterum: *Mirum maximē, & aduersis quidem funibus subire, sed regredi magis; utique promissis.* Quorum verborum mens: quod & ascendant per extentos funes aduersi: & regrediantur etiam per eisdem proni. * Seneca: *Elephantem minimus Æthiops iubet subscendere ingenua, & ambulare per funem.* Suetonius Nerone: *Notissimus eques Romanus elephantis insidens per catadromum decucurrit.* id est, per funem in theatro extentum; interprete Dione de hac ipsa re: *Καὶ ἐλίφας, inquit, ἀνέχθη ἐς τὴν ἀνωτάτην ἑστατρὶ ἀΐδων, καὶ ἐκείθεν ἐπὶ χορῶν κατὰ δεξιὰν ἀναβάτῳ φέρον.* Elephas ad superius theatri fastigium conscendit, atque illinc per funes decucurrit sessorem ferens. Quod genus spectaculi primū exhibuisse Galbam, qui postea Imp., Suetonius idem monet: *Prætor, inquit, commissione ludorum Floralium nouum spectaculi genus, elephantos funambulos dedit.* Et quæ frons vltiā obduret contra tot & tales testes? Atque hæc tantā curā & intentione discunt (id quoque valet ad vim testandam & indolem acrem animi:) ut sæpè deprehensi sint noctu velut dictata sua ruminantes & meditantes. Plutarchus cum Plinio mihi auctor, quemdam tardioris ingenij, & verbis verberibusque malè sæpè acceptum, inuentum ad Lunam gestus illos & motus præscriptos exercentem. Grandia hæc, grandia: tamen de illis artibus quid dices, quæ non nisi propriæ videtur humanæ mentis? Legere aut scribere, quis ab homine sciungit? ego: nisi si elephas inter

* Libro, πύρρα τὰ ζῷα.

* Lib. vii. cap. i. i.
* Eod. lib. cap. i. i.

* Epistola lxxvi.

cos. Nam is quoque scribit. Rides? time potius. æmulus mi Hau-
tene repertus muneris tui, & tuæ artis. Plinius è Muciano clarè
adfirmat: *quemdam Græcas litteras pingere didicisse, eaque linguâ
scripsisse.* IPSE EGO HAEC SCRIPSI, ET SPOLIA
CELTICA DICAVI. Et Philostratus: *Scribunt igitur, atque
tripudiant, & ad fistulam salunt.* Quòd si hos duos testes eleuas
(herè ita memini) *Æliano quid facies, qui oculis suis id spectasse
panè per oculos suos iurat? *Vidi, inquit, ego ipse quemdam in tabulâ
litteras Romanas promuscide scribentem; rectè & non contortè. Quin-
etiam cùm scriberet, oculi eius cum rigore deiecti in tabulam erant: ut
planè intentos diceret & scriptitantes.* Sed iam concludam hæc de
artibus, insigni & nimis certo exemplo, cuique milleni aliquot
oculi spectatores: munere, quod Romæ publicè dedit Germani-
cus Cæsar. *Plinius tægit, & magis vbertim narrat *Ælianus: exq.
iis ego. Ludis igitur illis, Tiberio Principe, duodecim elephanti theatrum
inducti sunt siue Circum, induiti floridas & histrionias vestes. Ac pri-
mùm ad vocem Magistrì diuidebantur in diuersas Circi partes, inter
eundem molli & saltatorio gressu inuadentes: iterumque ad eandem vo-
cem coibant, & efficiebant saltatorium quemdam orbem. Sed & flores
spargebant, & corollas, & ad cantum terram pedibus leniter & nu-
merosè pulsabant, & omnia præstabant quæ peritissimi ludiorum. Iam
iidem (quod insanum mirum) docti mensas accumbere, cibum potumque
sumere, parè, modestè, ordine, humanum in modum. Lecti erant humiles
(agnoscis Romanum ritum) instrati purpurâ & auleis: mensæ ad
eos, vario & dapili instrumento: disposita pocula aurea, argentea, minu-
ta, grandia: cibi in lancibus, panis, caro, fructus. Ecce ingressi duodecim
elephantes, sex mares, totidem femine: illi togati, hæ stolatæ. Decorè &
verecundè in lectis se reclinant, mensam accumbunt. tum signo dato (non
enim antè) in mensam promuscides siue manus suas extendunt: summâ
modestiâ cibos capiunt, delibant. non voracitas vlla in iis, non auiditas
visa, non maioris meliorisve partis appetitio, præreptio. denique cùm bi-
bendum, pateram pueri porrigebant: nique promuscide eandem genialiter
hauriebant & (iucundæ potioni hoc adnexum) reliquiis vini cir-
cumstantes aspergebant, velut cottabum facientes. Hæc meis verbis
texui, sententiâ germanissimâ Æliani. Et effare. potuitne specta-
culum magis ad Gratias, ad Venerem, ad Naturam? cui vtinam
his oculis arbiter paullisper ego! id mihi ante omnes theatrorum
opes,

* Lib. 11.
Var. cap.
xi.

* *de promuscide*
xvi. c. 16.
ntus.

* Cap. 11.
* L. b. 11.
cap. xi.

opes, luxum, nugas. Atque hæc nisi promptissimi cuiusdam & acutissimi ingenij signa sunt, tardus valdè & cæcus ego. Quid illa, quæ non à doctrinâ insita sunt, sed emicant & subiliunt naturæ ipsius sponte? Cuiusmodi spectata in iis sæpè, ad prodigium usque, sagacia & acuta. Quale illud * Plutarchi: *In Syria elephas* ^{* Libello, de typh. v. m.} quispiam alebatur, servus curator additus, cottidiè de dimenso subtrahēbat, & dimidio belluam malo furto fraudabat. Fors fuit, ut hero præsentē cibum daret: & ad mensus igitur est totum. Elephas ut iniuriam diu sibi factam, quā posset, detegeret, accuratè hordei partem separat: dimidium sibi servat, altero repulso. quid nisi clamans, callidissimo inuento, illud diarium sibi hæctenus fuisse? Alius (refert idem scriptor) cūm rudera & terram magister ad explendam mensuram pabulo idem idem misceret: fraude fraudem hanc ultum iens, in ollam eius carniū plenam, è foco correptum cinerem iniecit. Sed exemplū quod ab Acoltâ, fidem omnem superat, etsi scriptum ex fide. Palam enim & spectante populo res gesta est. Elephantī cuidam in vrbe Cochīn ad horam cibus non oblatu. Queritur, & barrit. Magister excusat, & vas æneum eius cibarium ostendit perfluens & pertusum: causam hanc moræ esse, quod cibi non ultrā tenax. iubet igitur, si esse velit, ad fabrum ærarium ferat reconcinandum. Ille paret, promiscide aufert, fabro offert. Faber siue per negligentiam, siue ludos belluam faciens, infideliter reparat atque obstopat. Elephas refert, herus vitium videt, & indignatur. inclinat illum absentem, hunc præsentem: denique redire iubet cum illo ipso vase. Facit, & fabro querulus impingit. Ille homo suavis iterum imponere conatur, & admotō malleo claudere rimam simulat, non claudit. Nec tamen imponit. nam ille catus lebetem resumptum ad flumen desert, immergit, & aquā implet periculi faciendi causâ. Videt effluere. Plenus igitur irarum ad fabrum recurrit, intonat magnâ voce. Confluunt vicini, & inter eos Vicarius regis. Faber blandis verbis demulcet (nescio an ultrâ audeam dicere) belluam: vas denique sumit, & resingit probè atque ex fide. Sed ille ne tum quidem fidens, iterum ad flumen, & ad haustum. dum contineri aquam videt, vertit se ad adstantes & ostendit, velut testes eos aduocans in hoc factum: ita demum abiit domum. Quid addam? nec verbum: quia reuerà datus sum in stuporem. Et cur iam * Æliano non credam, qui iure optimo ^{* Lib. xiv. cap. vi.} duplex cor tribuit tam cordatis? Sed satis ad ingenium ista: redeo ad Plinium meum, qui suggerebat

Memoriam.] Ea autem pars tam magna in hoc animo ante, ut homini nō dicim nihil cedit, sed eum excedat. Vnū exemplum vetus dabo, paucā noua. Michaël quidam Glycas inter Græcos, Annales scripsit haud improbè nec indecenter. Is in parte primā prodidit: *Elephantum quemdam cū in Circum deduceretur, sedentem in foro ad Milliarium aureum Magistrum ferarum, subitā irā atque impetu interfecisse. Causam non aliam violentiā fuisse, quā quod ante annos totos decem, eodem illo loco, idem Magister, eundem elephantum ferro percussisset. quam iniuriā tot annos recondens, tunc demum iussit ultum.* Aliud ex Acoſtā: Miles quispian in vrbe Cochīn elephantum, per lasciniā, in fronte putamine nucis percusserat: (grandem illam Indicam intellego, quam incolæ Coccum appellant.) *Elephantus putamen studiosè tollit: illud, atque iram, recōdit. post dies plusculos, in viā quāpiam publicā obambulāntem militem conspiciit. accedit, & elatum ex ore putamen, promuscide suā acriter in illum coniecit: tum exultābundus abiit, quasi talione illā iniuriā probè ultus.* Iterū ex eodem: *Miles elephantem in eādē vrbe cum rectorē obuuiū habuit. noluit decedere. elephas suam & rectoris contumeliā id interpretatur: vlisci tamen à rectorē prohibetur. Post dies aliquot, in ripā Mangatæ fluminis (id urbem alluit) militem fabulāntem otiosè repperit. Cū rector non adesset, corripit illicō hominem, in altum tollit, nec precibus nec clamore adstantium motus, aliquotiens flumine mersit, alleuans subinde & demittens. Cūque lusum eum satis diu lussisset, contentus hāc vindictā, hominem vitæ suæ iam diffidentem, rectorē & illasum destituit eo ipso loco vnde susulerat. Sed hæc in deteriore & vindicem partem Memorix exempla: ecce etiam in beneficā & benignā. Acoſta idem mihi suggerit: *Elephantum in vrbe Goā fuisse, qui annuo illo & sollenni furore correptus catenas abruperit & vincla. Fugientibus omnibus, seruulū quēmpian qui vlnis infantem dominicum gestabat in ades properè irrupisse, oblitū sarcinā quam deposuerat in illā trepidatione ante ades. Elephas adest. mortem omnes & obtritū pueri exspectant. Ille contrā, manu suā leuiter attollit; in humile tectū, quod è regione adium, collocat, respectans curiosè, satine puer illic sine damno. Dein furibundus cursū suū exsequitur. Id datum omnes interpretabantur veteri beneficio, quia mulier earum adium domina & infantis mater, elephantī transeunti sapiēs panem aut fructus obtulerat. Et alia quædam legere tibi fas, si lubet apud eundem**

dem Hispanum. Ego in Plinio pergo, qui admonet

Amoris.] Quod ipsum iure mirum. Nam sicut Sermo & Ratio homini pecuniaria videtur, sic certi quidam Adfectus. Inter quos avidus ille & varius amor, pro leni tormento, soli huic animantium datus. Sed abnuvit elephas, & hac quoque parte sociat se nobis. Serio enim amat. Trita & nota historia est illius qui Aristophani Grammatico praebuit se rivalem. *Uterque enim Alexandria in Egypto corollariam quampiam amavit. nec minus studij aut ingenij elephantis fuit ad declarandam & mitigandam suam flammam, quam illi acuto & litterato. Forum, in quo ea desidebat, crebro adire: adfistere, suspirare, poma aut flores offerre: manum intra sinum blandè penetrare: & ea omnia, quæ Venerius aliquis nepos. Alia similis in Æliano.*

In Antiochia vrbe Syria, elephas inter cures more suo ad passionem iens, vidit fortè mulierem haud inscitam, pariter corollariam. Vidit, periit. Assiduus ille apud eam; promuscide faciem, manus, lambere, tergere; & quacumque poterat, blandiri, insinuare. Quin & illa redamavit, corollas & flores aliasque amoris illecebras sæpe offerens. Cum perseverasset mutui hic amor, mulier ecce ad plures abiit. elephas desiderium non tulit, nec mentis suæ vltra compos datus est in furorem. Sed & honesti fidiq; amoris non deficient me exempla. Habe vnum.

* Antigonæ regi elephas femina fuit. Evénit vt in obsidione opidi Megarensis, puerum pareret vxor Indi elephantista. Is suâ linguâ commendat infantem inter bellicas turbas elephantis (ita nomen eius fuit) Nicææ. Caput illa serio in fidem: & omnia officia exhibet, quæ piissima aliquantrix siue mater. Infans ante pedes eius deponi debebat, nisi fieret, cibum non capere, iram omnibus signis ostendere & dolorem. Gaudere contra, eo adiacente. & tum cunas movere ad oblectandum, aut somnum conciliandum, tum ventilare & pellerè muscas. quod faciebat sanè scitè, arundinis rami promuscide suâ motitans. Atque hac officia interdum etiam usurpabat elephas maritus. Pergit Plinius, & addit

Gloria cupiditatem.] Qui sanè ipse affectus hominum proprius; & inter eos, animæ cuiusque maximè sapientis. Exempla eius in hac belluâ plura. tu vnum vetus à Plinio cape, novitium alterum ab Acostrâ. Plinius: Erat, inquit, Antiocho regi elephas, cui (ita enim hominum canumque exempla distinguuntur) nomen Aiax. Is dux plerumque agminis, generosus, celsus, & velut rex in regio illo grege. Evénit vt flumen transmittendum esset. renuit infelix, & malâ suâ sorte

* Narrata Plinio c.v. & Plutarcho, in libello de bello alexand. c. vii.

* Lib. vii. cap. xliii.

* Athenæus lib. xliii. cap. xxx. Aelianus lib. x. cap. xliii.

forte Ajax. Pronunciatum enim illic à Magistris, Principatum eius fore qui prior transisset. Intellexit, & arripuit Patroclus (& hoc elephanti alteri nomen) fluuiumque transiit. Præmio igitur donatus est; phaleris argenteis, quibus mirè gaudent, ornatus, & velut in possessione positus principis loci. At Ajax noster propter ab hoc Ulysse circumuentus, fatum etiam quâ potest, illius veteris exsequitur: & mortem ignominie præferens, inediâ se confecit. Acosta autem inquit: In litore vicino urbi Goa tormentum grande æneum commouendum erat. conatur elephas: non potest. Instigante magistro & duos iuniores elephantos ostentante, qui id facerent nisi ipse faceret: iterum iterumque conatur, tanto nisu, ut medius illicò creparet. En! dum gloriam illam præceptum alteris iuit, miser sibi vitam. Sed prosequitur laudationem suam Plinius, & adiungit magis alta. Est enim, inquit, elephantis, quæ etiam in homine rara,

Probitas. Ergone virtutes elephantis? virtutes. ut nequid scilicet ad perfectum, omnibusque numeris hominem, desit. Et de probitate, planè verum est. Innoxium enim, pudens & pudicum hoc animal: probæ mentis, probi oris. Vis ei ut omnibus noceat; ut nemini, voluntas. Homini occurrit? vitam non adiimit, ostendit viam. Feræ alteri? transit. Quin nisi irrites & impugnes, nec in Arenâ quidem excitabis ad lædendum. In magistros rectoresque suos mira illis pietas. * quos aliquando per calorem aut furorem interfectos, ita luxêrunt, ut inediâ interfecerint sese ipsi. Eadem in natos: quos, * vrgentibus venatoribus ad eò non deferunt, ut millies capi, cædi, malint, quàm ipsos. Adde reuerentiam in grandiores & senes. quibus de * loco, de potu, de cibo iuuenes concedunt, bonæ suæ Naturæ legibus, non Lycurgi vllis minis adducti. Adde pudorem, & castitatem. quia non nisi occultè & siluis tecti coeunt, & sanè rarenter. Nam quod Plinius, & ex eo Solinus prodiderunt, non amplius quàm semel parere, nec plures singulis: validè refutat ratio. quia si vnus saltem è duobus: iam diu, minuenta numero, defecerit id genus. * Ælianus tamè vsum Veneris semel item iis tribuere videtur. Sed ea ex Aristotele hausta, malè aut lecto aut intellecto. Nam ille hoc tradit: *Marem quam semel inierit, non vltra tangere. interposito tamen triennio coitum repetere. sed nimirum in aliâ. Fæminam vterum biennio gerere, parere singulos.* Strabo etiam de initu eorum & partu, magis cautè & verè.

Adte-

* Plinius
cap. iiii.

* Strabo
tradit, lib.
iv.

* Ælianus
lib. vi. cap.
xv.

* Ælianus
ibid.

* Lib. viii.
cap. xvii.

* Lib. v.
Hist. Animal.
cap. xi.

Adtexitur in Plinio

Prudentia.] Quam non dilato, satis mihi in Acumine & ingenio dictam & doctam. Ostendunt tamen & hanc propriè in Acie instruendâ, in tardandis secutoribus fracto abiectoque dente, in flumine transmittendo. quæ apud Plinium, Philostratum & Ælium vide. Sequitur

Æquitas.] Quam in se, quam in aliis amant. In sese, exemplum à Petro Bellonio narratum Clusio nostro. In Asiaticâ, inquit, peregrinatione nostrâ hospitium diuertimus medio iam die, & acri æstu. In comitatu nostro elephas erat: in hospitij stabulo viatoris alicuius asinus, quo ipse vectus. Comedeat fortè hordeum, magno illo ingrediente: qui famebat. Itaque stimulo illo impulsus, asinum pellit, ipse hordei reliquum avidè inuadit & vorat. Superuenit mox elephantum dominus, dimensum suum hordeaceum, de more, elephantum offert. Ille, spectante hero & ipso Bellonio, memor iniuriæ & rapinæ, reparatum statim it, & diuiso in duas partes promuscide suâ hordeo, alteram asino procul stanti & mussanti offert. Atque ille & iste suas deinde partes edunt. Vis æquius aliquid aut iustius? sed amplius, retegunt scelera, amore isto iustitiæ, & alienas etiam iniurias vlciscuntur. Historiam Æliani duplicem te non celo. * Narrat Romæ euenisse, Imperatore Tito: *vt vxor elephantistæ malo iure cum altero mæcharetur. Videt elephas, non fert domini hanc iniuriam: irruit, & in ipso complexu, vtrumque dentibus transfigit. Denique providè ita copulatos relinquit, stragulo tegit. & cum dominus aduenisset, stragulo reiecto facinus ostendit, & se ultorem.* Hoc pro magistro, sed probo. Narrat iterum in illum, sed improbū. Fuisse magistrum elephantum, qui adulteraret. nec contentum furtiuâ libidine, uxorem suam clam suscipuisse, & ad præsepe elephantis sepelisse, alterâ illi mox inductâ. Elephantum hoc scelus tacitum non habuisse. uxorem nouam illuc traxisse, & cornibus pedibusque, resodisse cadaver, tantum non rebus ipsis mulieri inclamantem, cui, & quomodo, innupsisset. Extrema laus est

* Lib. x.
cap. xv.

* Lib. iiii.
cap. xvi.

* Libello,
* Lib. vii.
cap. xlii.
* Lib. iiii.
cap. x.

Religio.] Quam veteres omnes tribuunt consensu. Lustrari aquâ, orientè solem ab iis adorari, * Plutarchus & * Ælianus mihi auctores: Lunam nouam, Plinius, & * Ælianus. Sed & hoc ad Religionem, quod mortuos è suo genere sepeliunt, & prætereuntes inuiciunt humum. Ælianus ille idem hoc tradidit

libro I. cap. XLIX. Homines ecce, mi Hauteue, elephantes feci; Sermone, Ratione, Adfectibus, Virtutibus præditos: quid superest, nisi vt etiam diuinos? diuinant enim. & Oppianus de hoc animante dixit:

Μαυτιχὸν ἐν στήθεσιν ἔχειν χίαρ.

Diuinum cor habere in pectore.

• Libro
XXXIX.

additque præscire eos fatalem suam horam. * Dion ampliùs, scientiâ eos ornat cælestium rerum. ἡ δὲ γάρ τινες, inquit, καὶ ἐμὲν εἰ-
πασι, ὅτι πρὸς τῷ τῆς φωνῆς τῷ πατερώϊδος ἡμετέρας πατρίν, καὶ τῷ ἐν τῷ ἑσπερῷ
γερουσίαν συνίστην. *Quidam hoc etiam aiunt, eos, præter quod sermonem
patrum intellegunt, scire etiam quæ in celo gerantur.* Sed inter quos-
dam illos, ne te fallam, non ego. Habeo lusum, natum non im-
portunè mihi ex hesterno lusu & iocò inter vina. cui vt seria
multa & vera inesse nihil ambigo, ita quædam maiora vero: nec
vsquequaque in his talibus veteres illos Fidei litasse, facillè tecum
credam. Quis enim tam magni oneris sit, vt quidquid illi im-
ponunt, vohat? Nec tamen mali quidpiam in istis, etiam falsis:
quia innoxia mendaciola sunt, & volente deo Rifu nata. Qui si
te non aspexit dum hæc legis; iam nunc me imponente licet v-
surpes cognomen prisce illius Crassi. Iterùm salue.

EPISTOLA LI.

IANO LERNVTIO S. D.

IPSVM pectus mihi commouit series malorum, quæ es passus.
Heu homines, quid sumus? quid speramus? Atque ego sub idè
illud calamitatis tuæ tempus, nescio quo instinctu, in Saturna-
libus meis adfinxerâ orationem tibi de incertis casibus vitæ. Sed
benigno Deo gratia, qui concussit te, non deiecit: ostendit vul-
nus, & non impressit. Vtile enim, mi Lernuti, vile, admoneri
nos interdû à summo illo Principe & imperij illius, & fluxæ no-
stræ conditionis. Nempe quid est homo? lutum, vt ille ait, scitè
mixtum. quid vita? hæmina vna sanguinis: quam quilibet le-
uis casus rumpit, quælibet febricula corrumpit. Solus animus &
eius actiones æterni. Vides pulcherrimum hoc mundi corpus?
ræet aliquando. Vides hanc Belgicam nostram? iam ruit. ne in-
digne interitum aliquod hominum, cùm cadauera futura
sint cæli terrarumque. Saturnalia nostra credo te accepisse.
primam

primum dico partem, quæ de Gladiatoribus. Nam reliqui sunt aliquot libri, De Venatione, & Circo: in quibus etiam tuus sermo. Iudicia vestra liberè, liberè, velim adscribi: vt mutemus, si quid tale erit, iteratâ editione. Iubebo enim, si otium aut valetudo mihi constitit, simul excudi omnia quæ ad ludos Romanos. Nunc molesti mihi quidam nomine Ordinum, vt Grammaticam conficiam, quæ legi possit in Belgicâ vniuersâ. Ride, si sapias: & vide quò me vocent isti. Apud vos milites, vt audio, & turbæ. Si ira est, quid si expedias te ab eâ vrbe, & secundas in hæc loca sub Neptuni regnum? Nam terrestres dii, parum nobis æqui. Cautè id fiat tamen, & circumspectè. Nam & apud me nescio quid turbellarum, ab iis qui pax deberent esse mundo: at illi fax sunt. Vale mi suauissime, & aut me expecta sub æstatem, si quies illic; aut ego te, si hîc. Vxorem saluta à me ex animo, & tua pignora dissuauia. Victorem nostrum silere ita miramur, vt suspicio sit ne & ille penetrauerit ad loca silentium. At tu cum saluta, & è veterno excita. Salutat te Dusa, Hautenus. x. Kalend. Feb. ∞. I. LXXXII.

EPISTOLA LII.

Romam.

FRANCISCO BENSIO S. D.

DEVm ego testor, vir optime, vt in solo nomine tuo lecto exsiliij: quanto magis in commemoratione amoris, quem integrum inuiolatumque seruari apud te cognoui! Ita enim ad me scribit P. Egmondus: quem certum mihi, amatum antea, vel nuncij huius causâ, magis amare. Non enim dissimulo, verus & vetus mihi in te adfectus est, hæresq; mihi in arcano isto penetrati. Genus vitæ mutasse te audiui: quod salutare tibi futurum omnino confido. Et reuerâ, mi Bensio, quid hæc humana sunt, nisi iactationes & fluctus? in quibus nihil firmum sit, nisi ad anchoram ea alliges veræ Pietatis. A me quoque abiit illa iuuentus: & vna mihi hæc cura, vt quidquid hoc est æui, in virtute & seriis iam studiis traducam. Publicè id testari cœpi: & edidi nuper De Constantiâ libros duos, qui pietatem (nisi fallor) aliquam præferunt, etsi priscæ Philosophiæ velo. quos ad te mitto, nō vt inspicias modò, sed iudices: & liberè me moneas,

I 2 si quid

si quid exorbitans in iis aut minùs rectum. Nec amantis adfectu iudicabis, sed vt apud Pindarum est,

* Sententiis
reclis & ri-
gidis Rho-
damanibi.

* Βυλαῖς ἐν ὀρταῖς Ραδάμαντος.

Hoc omnino peto. M. Antonium Muretum (ex animo dico) amo æstimoque. minùs promptè id ostendo, quia quædam in me ab illo non amica. Ita enim moneor litteris multorum. Quo meo merito? nam ego te iudicem non defugio, qualiscumque ea est, litis. Tacitum edidi. quid ergo? an illius? quæ hîc iniuria est, si campum eundem Famæ decurri, sine fraude? Sed mihi iam ista non magna: & reuerâ pudeat me verba consumere in talibus rebus. Nati ad maiora & meliora quædam sumus, & ego & Muretus. Quem tu quidem à me salutabis, & animum hunc illi firmabis volentem semper eius & amicum. Ita me posteritas amet siue æstimet, vt ego illum. Constantiam nostram vt cum eo communices, volo siue iubeo: cuius exemplar etiam à me exspectet. iam enim recuditur. De Amphitheatro ante paucos dies edidi: & mittam. Tu quæso me ama, & interdum solare & erige in his turbis & confusione rerum. 1X. Kal. April. 10. LXXXIV. Si quid ad me voles, mittes tutò ad Plantinum.

EPISTOLA LIII.

Romam.

M. ANTONIO S. dico.

CAVSSA mihi scribendi nata ex tuis ad Plantinum litteris: quas cum gaudio vidi, cum motu animi legi. Vel in manu tuâ conspectâ latabar: quanto magis in hoc animo, & tam insigni testimonio amoris? quem si à quoquam mortalium, à te certè volo. Ita adolescens iudicaui, ita nunc, consensum quemdam esse conspirantis iudicij nostri & naturæ. qui ad coniunctionem, quæso te, valeat; non ad æmulationem, aut, quod pudet me dicere, similitatem. Et fuère tamen improbi homines, qui id sperarent: à quibus alia quædam ad me delatâ olim, non nego. sed vana, falsa, vt nunc video; & quibus caput homines non profesti solùm, sed vtrique nostrum infesti. Ea, per communes deos deasque, obliteremus mi Amice: & beneficiis inter nos certemus, non querelis. Electorum librum iam nunc vulgaui: paro Saturnalium sermonum, & de vitâ ac scriptis An-
nai

nari Senecæ. quem nec inuitus ad te miserim, quasi vadem amicitiae cōiuntis & fœderis. Etsi quid in eâ ægrum? nec aliud peccatum vtrimque, quàm cessatione, & amicitiae, vt sic dicam, inusu. Quod ipsum vœuendimus. Viximus amicissimè vnâ, viuamus porrò & moriamur. En ego ille, cuius ingenium & os coràm probasti: nec amorem aut aris requires profectò aut fidem. Te vt eundem sperem, faciunt pericula, sed impressa & signata epistolæ tuæ verba: quæ ruminor idem & examino, vt solent amantes. Vale. Lugduni in Batauis, a. magnū & sine terminis mare. III. Kal. Decemb. ∞. ID. LXXXI.

EPISTOLA LIV.

ABRAHAMO ORTELIO S. *precor.*

PER fidem, Orteli, vt tu vtrimque largus es, & amando, & donando! Miseram ad te nescio quid munusculi nuper, Amphitheatrales meas nugas: tu rependis illicò & reponis, sed verum amplumque donum, THEATRVM tuum. Ad tutelarem Prætozem ibimus? Profundis enim tua, & quidem valdè
 * ἀμέτρη μέτροι: cū pro libello, libros; pro ludis, seria: pro orbiculis Arenarum, diffusum istum terrarum Orbem admetiris. & eum ipsum in triumphali veste, purpuratum auratumq;. Quid censeres? donis magnis capi me? non magis quàm numina (si comparare fas: quæ vt voluntatem solam in oblationibus meriuntur, sic ego. At ea in te magna: & ideo munus tuum iure mihi magnum. Vtinam hic quoque animus aliquà tibi liqueat in quo acris flamma, sed per nullam occasionem erumpendi, adhuc clausa. Quod vereor, mi Orteli, vt breui quoque vestræ vrbi sit. Quæ enim istæ pontium moles, quas audimus? aut quid parat nouus ille Xerxes? Non ego * κέρως αἰών, cum Aristophane: sed maior profectò est & prudentior opinione nostrâ ille Princeps. Hoc ipsum opus quanti animi est? prisci, & Romani. Ac compedes profectò Poliorcetes ille iniiciet indomito vestro Scaldi, nisi quid subueniant filij isti Neptunini. Batauos & Zelandos dico. qui tamen lentè accurrunt, nec vt ad socialem flammam. Heu * κρατὴρ κακῶν! & salsa vobis vita, si auferretur hoc salum. Quid suadeo igitur? fugam. sed non ab vrbe,

* Immensâ mensurâ.

* Cauda blandiens sine adulatione.

* Crater malorum.

mi Orteli, aut solo patrio, tantum à vulgo. Ad Constantiæ nostræ asylum te voco, & ad arcana illa Sapientiae templa. Cuius tectum si semel subis & penetras, te ipsum ego sacrumque te habeo ab omni vi, ab omni hoste. Salus missa à Dudithio, Cratone, Monauio, mihi gratulatur: quæ tres stellæ in vnâ iam vrbe, valdè illustant Germaniæ illum tractum. tu quoque à me revalde illustant. nostri poemata vidi: valdè mihi tersum & promitte. Viuiæ itinerarium vestrum quando ad nos? Ne preme. & buri. Soni prouidique patres, si tibi obsideri visum, emitte saltem hanc prolem. De Chirio Fortunatiano, indagatio tua noua. adeo autem mihi ille non visus, vt nec auditus. quin ipse vltro peto, si alicunde eruis, concede vsuram. Ad Scottum nostrum scripsi. en litteras, quas mittes, & amorem nostri non dimittes. Lugd. Bataur. iv. Kal. Ianuar. ∞. IO. LXXXIV.

* Scrip-
ta, &
exempla-
ria in Ita-
liâ edita,
sed per-
paucâ.

EPISTOLA LV.

HENRICO WILTIO S. D.

VERE existimas. officium mihi fuit tua scriptio, imò beneficiū: quia & amoris tui in me index, & diligentiae, quam intermitteri à te in hoc otio gaudeo, non dimitti. Adde amicam inuitationem tuam: cui quod hoc tempore non pareo, ab occupationibus meis est, non à voluntate. Nam animum si consulo; reuerâ ambit esse isthic, & regustare humanitatem vestram, quam anno superiore pleno ore hausi. Sed ita conditio mea est, vt mos mihi potius alienis cupiditatibus gerendus sit, quam meis. Impedimenta, quæ desubito mihi nata, scripsi ad Pollionem: nec hîc itero. Itaque quod benigni creditores solent, voluntate meâ sustentaberis, & illam nunc accipies in solutum. At te, mi Wilti, hortor (quod in extremâ epistolâ tuâ prudenter scriptum) cogites, quàm in præcipiti cursu ætas tua sit: nec facile facturum te messem, si in hoc iuuenili vere neglexeris facere sementem. Sementem dico, & virtutis & doctrinæ. Ad vtramque enim te voco, quod hæc sine illâ damnosa: illa sine hac, parum decora aut ornata sit. Aures tuas sæpè infonet illa Democritici, vt opinor, laudata vox: * πολυτέλειστον ἀνάλογον χρόνου. Vt in flumine vnda vndam trudit, nec vîquam reuocas clapsam:

* Sumptuosissima
et clara tem-
pus.

elapsam: sic in tempore dies diem, nec reparas amissam. Cogita, & vale. Parens tuæ à me saluabit, & noster Canterus. Lugduni Barauorum III. Idus Sextiles. ∞. IC. LXXXII.

EPISTOLA LVI.

CONSVLIBVS ET SENATVI
ANTVERPIENSI S. D.

NOBILISSIMI & Amplissimi Domini, Munus accepi, non meo munere, sed splendore vestro dignum. Pretium in eo respiciam, siue artem; omnia eiusmodi, quæ animum vestrum abundè declarent, & quæ me deuinciant nouo vinclo. Cuius si non soluendi, at laxandi saltem aliquo genere officiorum, vtinam facultas mihi vniquam sit! Intelligeretis profectò æstinare me munera posse, & accipere: non tam propter ipsa, quàm eos qui adfectu tali dederunt. Ingenuè dico. Aurum illud aut argentum nihil me mouet, aduersus talia satis firmum: mouet prolixa hæc vestra humanitas, quæ omnia non impetrare solum à Lipsio potest, sed imperare. Valete Amplifs. Coss. & Senat. vrbemque vestram regite inter hos fluctus, præeunte & gubernante supremo illo Nauclero. Lugd. Batauor. IV. Idus Ianuarias. ∞. IC. LXXXIV.

EPISTOLA LVII. *Ultraiectum.*

HADRIANO VANDERBVRCHIO V. C.

ET litteras tuas nunc accepi, & nuper carmen. vtrumque gratum mihi fuisse scire debes, etiam me silente: quidni enim testimonia hæc à pectore tam amico? At tu etiam Valerium Max. vltro submisisti: in quo priuatim mihi, & publicè non nihil litteris etià contulisse te, re (spero) ostendam. Maneat feliciter hic cœptus amor inter nos, qui Genio ingenioque non dispares; & his solatiis vtamur in mæstitiâ publicâ temporū & infelicissimi æui. Nā vt sol aliquis alius tenebras & turbas istas pellat, video nondū. Ligna & oleum ad miserum incendiū hoc Belgicæ suggerunt passim. & nos ardemus: vicini alij rident, spectant;

stant; alij miserantur, sed miserantur tantum. Deus scilicet ille est qui punitum it iure veterem nostrum luxum. feramus; aut ne feramus, emendemus. De munere apro ad valetudinē meam firmandam, habeo gratiam. ego quid mittam? animum & verba: cetera immunis. Vale. Lugduni Batauor. v. Kal. Febr.

EPISTOLA LVIII. *Amstelrodamum.*

MART. LYDIO S. misto.

NEC epistolā tuā quidquam mihi potuit accidere gratius, nec admonitione siue censurā. In vtraque amor tuus elucet: in hac magis. quam nisi liberē in amicitiam admittimus, tollimus pulcherrimum eius fructum. Ego de meo sensu noui & attestor, libentissimē me sicubi deflexi, non corrigi solum, sed corripī: certē cū de animo mihi constat corrigentis, quem totum candidum purumque in te scio, mi Lydi, & famæ ac salutis meæ amantem. Itaque nec excusatione nec tergiuersatione istā opus: quā (verē dicam) gratiam admonitionis corrupisti in parte. Ego enim me ab amicis non blandē amari velim, sed fortiter; id est, ut viris ac sapientibus est dignum. Sed de notā ad verba illa paginæ 66. * Constantiæ meæ: sententiā meam breuiter sic habet. Cū ea scripsi, ad peccatum & ad malum respexi: quod Deo sanciente & præscribente euenire, durum mihi videbatur dicere. Fateor eam vim esse Prouidentię diuinæ, ut nihil in minimis maximisque eueniat, quod à filo illo non pendeat: tamen cautionem cautissimam in verbis & effatis adhibendā censeo, vulgi inprimis causā. Itaque Damasceni verba hoc fine adiunxi. Nā *ἀπό γὰρ τοῦ Θεοῦ, ἀπό νομοῦ, ἀπὸ ἐξουσίας*, ratione quādam distingui ab hominibus, & causā hominum, non ignoras: nec temerē dixerim, Peccata euenire Dei præfinitione. Nec tamen certamen hīc mihi vllum tecum: sed rem altam, intricatam, & vereor ut homini semper obscuram, sic explico. Desinitum à Deo omne agnosco, quidquid euenit: trepido tamen dicere, peccata ipsa. quorum fontem à solā malā voluntate nostrā esse censeam, supremā illā voluntate permittente. Exempli causā. In Tarquini adulterio, in cædibus ab Herode innocentum, duo specto: factum ipsum, & crimen. Factum à Deo

* Lib. i.
cap. xx.
Vidit, non
coegit: scilicet
mit, non
sanxit, &c.

Deo definitum fateor, & comprehendo sub tantâ illâ lege: crimen, quod soli voluntati inhaeret, non video fieri posse, sine iniuriâ Dei. Causam omnium rerum diuinam voluntatem statuo, omniumque euentuum etiam si mali sint: et non causam causæ mediæ, quorâ eam mala. Alias quomodo effugimus, ut non auctor ille sit mali? ut non adprobator? Itaque ea quæ ex * Actis apertissime adducis, huc accommodo. Mortem Christi destinatam ab æterno, prodicionem Iudæ ab æterno, mediâque omnia quæ ad salutare illud opus ferrent: sed non crimina adnexa ipsis factis, quibus fundamentum in impiâ tantum voluntate. Quod si tamen satis habemus generaliter & vniuersè dicere, omnia non præscita solum à Deo, sed præscripta, hoc respectu, quod illa ipsa facta sine peccato euenire non potuerunt: ego non pugnaciter pugnauero, & fatebor fortasse (cùm omnia examinauimus) vim hanc inesse cathenæ illi & nexui Prouidentiae immortæ & æternæ. sed differi tamen ea in vulgus, periculi inuidique plenum existimem: vulgo autem scriptus meus liber. Habes strictam mentem mei scripti. Tu si quid aliud obseruas, aut si quid etiam est in quo ambigis, valdè à te peto ne me celes. Non delectabunt me solum eiusmodi iudicia & indicia, sed docebunt. In istis ipsis quæ nunc scripsi, si quid aberro, dirige: reipsâ videbis, me non admoneri solum posse, sed emendari. De misso ad me Heroldo, habeo gratiam remittam cum fide, ubi legero. Quamquam de Germaniâ Taciti, nescio an hac editione emoliar accuratè. Occupationes, & valetudo, & Typographi festinatio, sæpè nobis impedimento. Quod pag. eiusdem Constantiæ meæ 131. in margine positum est, * *Davidis adulterium*: facile obseruasti peregrinationem esse meæ mentis. Itaque velim pro eâ notâ hanc in libro tuo substituas, * *Quâ populum ambiciosè recensuit*. quod alios etiam monui. Vale. Lugduni Bataur. XIII. Kal. Decemb. ∞. I. D. LXXXIII.

* Acta A.
Post. c. 11.
vide.

EPISTOLA LIX.

Antuerpiam.

CORNELIO PRVNIO S. D.

LIBROS hos de Constantiâ cùm ad Senatum vestrum, Vir Clarissime, mitterem: valdè peccassem, si nō ad te vnâ. Nec enim Senatus solum ipsius magna pars est: sed & mei. qui amo te,

K

qui

EPISTOLA LX.

Leodium.

DOMINICO LAMPSONIO, *Leodiensi Episcopo* &
Principi à Secretis, S. D.

Div est cùm scripturio ad te, Vir clarissime, sustinui me dum scriptum illud promissum exspecto, materiæ scilicet vberiore respondendi. Nam lata & lata illa epistola, quid ferè aliud habet, quàm adhortationem & laudes? Quæ amplector vtraque, quia in ijs amorem tuum agnosco, sine labe, sine fuko. Non merui, quid refert? hoc ipsum delectat, talibus viris & iudicibus meruisse videri. Non enim fallacia tua verba, sed prompta è pectore, & ut ille ait * ἐκ φρενὸν μυχῶ. Itaque calcar mihi addis ad decurrendam reliquam hanc viam: quod detrahunt mihi sæpè iudicia quorundam, qui θεολόγων, ut voluit, παιδῶν. Misceri enim hæc nolunt: & satis esse puram illam à Christo doctrinā, sine mixtione vllā Sapientiæ humanæ. Nec acriter ijs sanè pugnem: nisi quòd nescio quomodo apud homines vim aliquam habeant & iuuet etiam ista externa. Quis veterum Theologorum Philosophiam spreuit? vsurparunt imò & Græci & Latini, sed suo quodam fine. Ego ex usu non iuventutis solùm nostræ, sed generis humani putem, trahi & conducì omnia ad metam hanc pietatis: modus teneatur tantùm, & ut hæc diuinis litteris scruiant, non ut contrà. De Amphitheatro, philologū aliquid nuper edidimus: & exemplaria mitti iussimus ad Clariss. Torrentiū, vnà tecum. Nunc feriamur: nisi quòd Taciti Commentarium recensemus, & in quibusdam refingimus, sed leui manu. Ximeno tuo, imò nostro, velim à me multam salutē dici, quem virum olim pēnè puer Coloniæ vidi & audiui, sed nunquam pernouì. Doleo, & excitor, non in amorem solùm eius, sed amplexum: ita multa à multis audio de sincerā illā & doctrinā & pietate. Tu si mihi interpretes & conciliator amicitia illius es, magno me beneficio deuinxeris. Otho Venius à nobis abit, sed inuitis: insignis moribus & arte adolescens, & cuius manus vsui mihi esse poterat ad multa Antiquitatis illustranda. Eum commendatum tibi, tamen cōmendo, etiam me: quem scire certò debes tui ex animo amantem. Salutat te I. Doula, Lugduni Batauorum Prid. Kal. Iun. ∞. 10. LXXXIV.

K 2

E P I.

EPISTOLA LXI.

THEODORO LEEWIO *Consiliario* S. D.

HAVTENVS noster ad te venit: cui vtinam ego comes! Sed valetudo validè vetat: quæ semper anceps, nunc acerba, tenet, ligatq. me domi. Alioquin in votis mihi prorsus, te videre, te solari, & officium exhibere quod eiusmodi tempora exigunt ab amico. Litteris id feci antea: sed nescio quomodo momentum hîc magnum habet frons ipsa & ipse vultus. Euripides non vanè mihi visus scribere, Non serenitatem nautis gratiorem in tempestate aduenire, quàm lugenti amico amicum. Sed & hoc breui, vt spero, fiet. Interea mi Leewi, firmare quæso paullùm, & frigus illud tenebrasque dolorum calface & illustra ad Rationis solem. Ante omnia nouitatis opinionem hanc exue, quæ luctui tuo malè fauet. Miserabili, inquis, genere mortis perijt, & quod luctu municipium omne nostrum compleuit. Scio, & adfectu aspectuque primo ipse misereor: sed hîc quoque paullùm te attolle, & secerne à vulgo. Quid illud miserabile, cum omnia circumspexeris, Mori. Varia ad illam metam via fert, cliuosa, plana, brevis, longa: eadem tamen omnibus quies, cum peruenêre. Tua per difficilem partum, & velut per nimbos fluctusque delata est in Beatum illum portum: delata tamen. & præteritus labor adeò non grauis illi nunc, etiam gratus. Tu tantùm ne miserare, imò nec mirare. Scilicet id genus Fati non cadit in hunc sexum? non communis ille omnium prægnatium timor? Imò, non crebriores alios sermones audias, si in confessum aut conuentum venias muliebrem. Attamen hic nostrum omnium error: cum triste aliquid accidit, etiamsi non nouum, habere id vt nouum. Per circumstancias quasdam augemus, polimus, & velut fucum ac lenocinium circumponimus dolori. Peruersi mortales! contra oportuit: & in omni casu oculos flectere ad communem dispersamq. legem. Non Hagam solùm aut Batavia hunc angulum intueri, aut quid pauculis ibi annis gestum sit: sed diffundere cogitationem per sola hæc terrarum. Conditionem tibi pono. Iure non lugebis solùm, sed indignabere vt in nouo fato: nisi alibi terrarum, hac ipsâ horâ, idem ille aut acerbior casus. Et tam encur peregrinere?

nère? reperies exempla eadem, si quæres, in finitimis istis locis. Quamobrem exurge, & contra leuia ac lusoria hæc Doloris arma, arripe vera. Quid vita, quid mors, quid fatū sit, seriò cogitas? scio placari posse implacabilem etiam dolorem. Quid enim hæc vita, quam eripi lugemus? ludibrorum scæna, miseriarum mare. per quod ut maximè ex voto tibi feratur nauis, tamen in multos scopulos impingas, multis vadis obhærescas necessum est. Quid ipsa mors, quam timemus? requies, gaudiū, & vera vita. aut siquid in eâ mali, malis tantum. Quid miseraris tractam ad hanc, optimam matronam, & per fidem salutis suæ velut certam? Iam Fatum quid? æterna, ab æterno, in æternum, dei lex: quam adeò non abrogare fas, ut nec obrogari ei liceat aut derogari. Si ab æterno & immobilis: stulte, quid cum Necessitate pugnas? hoc vnum vinces, ut pluribus plagis cõtusos vincare. Si à deo: impie, quid queris? Culpare nō potes aliquid malum aut acerbum in eo & ab eo, qui Bonitas & Benignitas est totus. Naturam eius si exprimere vales, non melius aut magis proprium expresseris, quam per eas voces. Mortua igitur tua est? debuit. illo tempore, illo fati genere? debuit. Lex ita lata: quam frustra sollicitant & exagitāt acumina hodie ingeniorum. non enim mouebunt. Quin nos, qui sapimus, parcamus potius; & quod necessariò patiendum est, etiam libenter patiamur. Leuamentum aliquod miseriarum est, non reniti. Cur autem renitamur? Non Deus solū est, quia ita de nobis statuit: sed & pater. Salutare igitur, bonum, prosperum: quidquid sensibus oculisque nostris aliter videatur. An illi curæ aut amorī nos esse nō putas? magis quam nos nobis. Sed & pueris parentes multa præter votum imponunt, idq; tutelæ aut salutis causâ: item ille nobis. Hæc mi Leewi seriò discute & bonâ fide. leuaberis, si ostium pectoris fœnel Rationi aperies, remoto repagulo isto vulgarium opinionum. Plura me Hauteni discessus vetat addere: iubebat tamen amor, qui magnus mihi in te semper & sanctus. Vale. Kal. Martijs. ∞ IO. LXXXV.

EPISTOLA LXII.

AMICO cuidam S. D.

IRASCI debebam mi*, si possem. Tu ne ut iter vllum susceperis, non dicam sine comite me, sed sine conscio? Hoc verum

K 3

fuit?

fuit? Pectus eam toga: non dicit id esse pro veteri illo & fido inter nos amore. Caput meum hoc tango & testor, nullum mihi caput carius fuisse tuo. Quid autem suspicer? arcanam aliquam causam huius consilij fuisse? non inquirō. & si ea aperienda mihi non fuit totâ fronte, saltem vestigijs & sub personâ ostendenda. Ego te in meis rebus tale aliquid nūquam celasseim. An subitò hoc tibi natum, & per mortem vnius illius viri? Hoc potius credo: quia reuera causæ tibi temporanei alicuius secessus hîc non iniustæ. Noui collegas tuos, scio quibuscum res & consilia miscenda fuerint: homines & actiones, parum ad tuum stomachum aut ad nostrum. Interea tamen (quæso hoc volens audi à volentissimo tibi amico) nec nos omnino eam rem celandi eramus, nec certè vxor: quæ misera se addiicit. Quamquam nos solamur & erigimus: certi, nō aliud latere sub hoc instituto tuo, quàm secessum aliquem ab his turbis. Tamen mulieres nostri; (etsi tua sanè prudens, & mariti ex animo amans) & linguas siue malas, siue vanas. Quibus, oro te, in tēpore medere: & ad nos redi, qui manere tecum parati, abire, pænè dicam perire. omnia, vt feret res & tempus. Quæ enim tibi causâ eximij alicuius consilij, aut singularis? Confusio hîc & discrimen? scimus: sed & animum tuum nouimus nihil horum metuentem. Denique inter homines istos dum viuimus, obsecro vitam etiam instituamus humanâ hac & communi viâ. Pax aut bellum erit? communiter consilium aliquod capiemus, quod paci huic attemperemus siue bello. At ego tamquam feriò scribo, & quasi monendus mihi sis: quem liquet vsurpasse hanc protectionem animi causâ; etsi cum angore aliquo tuorum. Quibus etiam, mi **, consule. & ad suauitatem conuictus illius nostri redi, sine quo tenebræ nobis in mediâ luce. Verè dicam etsi vulgariter, Vita sine te nobis non vitalis. Res adhuc hîc quietæ: sed Brabantia tamen & Flandria raptantur, vt audire te credo etiam istîc. E Gallijs litteras iam bis accepi, & quædam in ijs noua. vt de Re accipitrariâ carmen, subtilis & nouitiæ inuentionis. Veni & vide, & (quod Constantiam tuam meamq; decet) ride. cur enim non spernamus hæc circumfusa & externa, iure ijs altiores? Nobiliss. VV. Philippum Sidnæum, & Dierum, si vides, saluta à me quæso: & ijs indica, per te stetit quòd eos non viderim tecum. Certè enim inuitis meis omnibus iuissem.

Tui

Tui valent : vale & tu, & fac vt breui te videamus expectatum.
 Salutat te Hautenus noster, qui hilariter herè apud me in prandio fuit, ad funus Melonis. Inuideas illis exsequialibus epulis, si in tam albo pectore liuor. Lugduni Batauorum x. Kalend. Septemb. ∞. IO. LXXXIV.

EPISTOLA LXIII.

Lutetiam.

AVGERIO BVSBEQVIO *Cæsaris Legato*, S. D.

PERIISSE litteras meas nupetas ad te, minùs doleo, quòd de officio meo tamen tibi constat. Nihil enim in ijs magnum aut serium. hoc tantum, adfectus mei & cultus significationem continebant: quem à iudicio susceptum, constanter seruo. At tuæ istæ litteræ, quàm mihi gratae, & in medijs his molestijs iucundæ! Præter enim amorem (qui largiter apparet) etiã grauissimi testimonij tui pondus continet & iudicij de meis scriptis. Quod amo magis, quàm probo: quia mihi viri maneat cōsciū ego sum, & modicæ laudis. Fuimus his septimanis aliquot in Taciti Commentarijs refingendis, & novis quibusdam attexendis, vt videbis. exemplar enim Antuerpiã iussi mitti: si tamen commodè id poterit per has turbas. Nam caput illud Belgij à corpore nostro semi-auulsum. Ripas obsident, & tormentis aditū nauibus arcet: etsi nautæ adhuc perrumpunt. Nobis mutatio non impendit iam, sed adest: faxit ille Deus vt in bonū. Quamquam hæc sunt illa, aduersus quæ Constantia nostra nos armauit: quæ hoc saltem mihi profuit, quòd ab eâ scriptione impressum animo meo sensi aliquod robur. Plures hîo imperant. nec vidi eam rem bene vinquam cessisse in bellis. Discidium etiã animorum præfagio, & motus fortassis in ipsâ plebe. Nobis tamen decretum patriam non mutare, si mediocris aliquis in eâ status. si nullus, & si confusio tantum & raptus: quæcumque terra dederit nobis aliquam sedem. Nec enim liberi prægrauant, & sola mihi vxor. Iannum Guilielmium commendaueram tibi superioribus meis litteris, adolescentem, si quid video, probi ingenij, animi, iudicij. Ei si quid benignè facere potes aut dicere, quæso ne grauere. Ex istâ iuuentute nō est alius, de quo meliùs sperem. Itineraria tua Plan- tinus si accipiet, edet. nos qualecumque augmentum auidè expectamus.

spectamus. De Thraseâ meo poliendo cogitabam, vereor ut tempora permittant. Quidquid tamen ea pemitteat, mihi certum conferre ad hanc meliorem curam: & quod in me est, fugitivas virtutes retrahere in nostrum ævum. Valdè me huc incitat etiam tua admonitio, & votum, quo honorificè nimis epistolam tuam claudis. Vale Amplifs. Domine. Lugduni Batauor. x. Kalend. Septemb. ∞. ID. LXXXIV.

EPISTOLA LXIV.

Leodium.

LAEVINO TORRENTIO V. *amplissimo* S. D.

ITA Salus aliquando seriò me respiciat (nam hæctenus quidem adit, abit, & vacillat) ut mihi insigni gaudio imò robori sunt tuæ litteræ, tam amanter ad Plantinum de me scriptæ. Te noui, me noui: & hoc scio, hunc tam prolixum adfectum non meruisse à tali viro. Quid dicam? me meaqué offerrem & addicerem, nisi iam pridem addicta tibi, nexu quidem & vincolo, quod non nisi atra mors rumpet. Commentatiunculas nostras semestris hic morbus valdè tardauit: morbus, qui per interualla duxit me ad Fati limen, & reduxit. Nec nunc optimè: etsi in optimâ spe, ut medici volunt, & iam in abscessu atque inclinatione sit morbus. Absque eo, iam & Suetonium meum haberes (meum? imò verè tuum, cum tuo integro Commentario, meis tantum ad oram Notis: præterea, votum tibi & dicatum:) & Dialogos nostros De Rectâ institutione iuuentutis, quibus sermonis partes do Philippo Lanoyo & Papio nostro. Amo enim & amaui rectissimum ingenium adolescentis, dignissimi hac vitâ, nisi meliorem ei Deus destinasset. Plura iubet amor meus, imò ardor: vetat languor, & serum hoc dici, quo litteræ tuæ conspèctæ nobis. Excusa. & apud Dominicum Lampsonium item nostrum, cui cis paucos dies vbertim scribam. Officij enim aliqua cessatio apud me per hos menses, non amoris: qui mihi æternus in tales viros. Vale, & salueat à me Læuincius tuus. Lugduni, ut volunt, Batauorum. Postrid. Kalend. Ianuar. ∞. ID. LXXXV.

EPI-

EPISTOLA LXV.

Lugd. Bat.

BONAVENTURA VVLCANI, *Vir & collega amice,*

CALLIMACHVM, Bionem, Moschum, iam nunc à te accepi: vno pattu trigeminos, rarum & felicem ingenij tui factum. Publicâ causâ (verè dicam) tibi debeo: priuatâ magis, quia duos ex ijs mihi inscribis, hoc est, immortalem me facis. quo quid homini ab homine maius dari potest? Viuent enim amœnissimi poëtæ illi, quâmdiu Musæ: & cum ijs tuus labor: & cum labore tuo meum nomen, quod Musæo illi peplo intexuisti amicâ & doctâ nimis acu. Grâtiâs agam aut habeam? referre malim. & tamen verbis quoque nunc dicam, sed paucis & fidis. Emptum me tibi hoc munere, mancipio tuum. & addo improbi hominis priscas illas voces, sed probè & sinceriter: *Quid concupiscas, tu videris: quod concupieris, certè habebis.* Libros nouitios, quos è diuite bibliothecâ tuâ prompseram, per hunc puerum recipe. De * * Col-
lectaneis iudicium quæris? illud Iuliani scitum profero: * *ἐν πονοῖ, * Vidi, legi, ἀνύπνως, κατ' ἐγών.* *damiani.* Magis ad gustum meum Conuiuialia Stuckij, ex eâdem gente, nō ab eâdem mente. Firmiora hîc omnia & lectiora. De Sigma, quod obiter querebas & videras, ille nihil noui: fortasse nunc ego. Nam quæ in antiquis scripsi, vacillantia aut falsa. Non enim Sigma antiquis Biclinium propriè, vt sensi ego: non diæta aut cænatio tota, vt Cælius: nō mensa ipsa, vt Brodæus: sed nisi fallor, certa in cænatione pars seorsum erecta & exstructa ad recipiendum lectum. idq. hemicycli aut lunatâ formâ, quâ littera illa Græca passim hodie in lapidibus & priscis libris. Suggestū, inquam, quoddam ligneum (siue quâ meliore materiâ, non impedio) semirotundum: in quo perpetuus vnus lectus, ad sex septem conuiuas recipiendos. Quod velut dimidiatum triclinium repertum inferiore æuo, ad facilem & magis aptum vsum. Ab Apuleio hîc mihi prima lux, & à me illi. de Psyche, lib. v. *Visoq; statim proximo semirotundo suggesto propter, instrumentum cænatorium rata refectui suo commodum, libens accumbit.* Non nominat Sigma, fateor: sed auribus oculisq; ingerit quasi nominasset, ita clarè. Semirotundum suggestum ponit, & Instrumentum cænatorium appellat. quid capere aliud est, quàm hoc Sigma? Triclinij enim certè non illa forma. Radium mihi etiam aliquem, etsi atene-

L

broso

broſo tuo ſcriptor, allucet Ditmarus Episcopuſ libro IIII. Chroni-
cor. De Othone Imperatore: *Imperator*, inquit, *antiquam Roma-*
norum cupiens conſuetudinem reuocare, magnâ ex parte iam ſuis deletam
tēporibus, multa faciebat quæ diuerſi diuerſè accipiebant. Solus ad men-
ſam quaſi ſemicirculum ſactam, loco ceteris eminentiore ſedebat. Quod
libens item rettulerim ad Sigma: ſicut illud ad Principalem mo-
rem, quòd ſolus, quòd loco eminentiore. Sed menſam ipſam
ad Sigma, lunatâ item formâ fuiſſe hinc diſcis. parte dico eâ, quâ
conuiuas tangebatur: nam illâ, quâ alios, fuerit lineâ ſanè rectâ,
ad miniſterium & adſtitionem puerorum ſcilicet aptiore. Et
quamquam de menſâ hîc Ditmarus: non tamen eam ſolam ve-
niſſe in id nomen (eruditiffimo Brodæo ſcriptum:) peruincit Si-
donius, qui in his verſibus diſcriminat clare:

Non tibi gemmatuſ ponentur prandia menſis,

Aſſurius murex nec tibi ſigma dabit.

Ita omnino lego, non *Signa*, vt vulgò. Idem alibi nominat, &
oſtendit duplex fuiſſe, *Æſtium* & *Hibernum*.

Cominus aſpicitur vel prima vel extrema turris:

Mos erat hic dominis hibernum Sigma locare.

Vbi Locandi verbum refutat item Cælium, *Dixtam* capientem
ipſam. At ea non tranſfertur; nō locatur in turre. Cetera, quæ huc
faciunt, aut ego aut Stuckiuſ iam diximus. De Antecanâ etiam
ambigo, quòd ad vocem. Macrobiuſ ſanè ita: ſed in Apulcio &
Iſidoro tuo Antecanium, ſiue multitudinis caſu Antecania re-
perio. quidni rectè, quo flexu à Scannâ Proſcanium? Ille libro II.
ſic: *Prorſuſ gladiatoria Veneris antecania.* Alter lib. xx. *Merenda*
eſt cibus qui declinante die ſumitur: quaſi poſt meridiem edendus &
proxima canæ. vnde & Antecania à quibuſdam dicitur. niſi ſi hîc
vtrouique Antecania reponenda: quod haud temerè puteim. Sal-
ue iterum mi Vulcani: iterumque tibi à me gratiæ. quas promam
ſemper & recondam, habeo æternum & debebo.

EPISTOLA LXVI.

Lutetiam.

IANO GVILIELMIO S. D.

SERIO ægrotabam, mi Guilielmi, tamen expreſſit amor vt
ſcriberem: non miraberis, ſi paucis. Hepatiſ enim acer nec
ſine

sine discrimine morbus est, qui me septimanas iam aliquot adfligit: quam partem ad vitam eiusq; munia principem esse, non ignoras. Litteræ tuæ nuperrimæ suaves. celasti in ijs me de Epistolâ in Sigonium, quam missam tamen è Britannia vidi. Gaudeo conspirare te mecum: cuius iudicium super eâ Consolatione credo te iam vidisse. Sed tu, sodes, cur non acrius paullo egisti hanc causam? Debebas. & sine adspectu illius, quem nimis attollis, falsæ huius prolis patrem. Agnosco stilum, disiunctum, otiosum, lentum: & illam (audeo apud te dicere) Sigoneitatem. Quid sibi volunt Itali? Transalpinos omnes esse fungos? Scilicet nemo nostrum inter oletum illud dijudicet, & Tullianam myrrham. De Re Accipitraria nouitiæ & acutæ inuentionis carmen accepi: legi mihi iussi per hunc ipsum morbum. placuit. Gratias quæso à me auctori & datori nuntia. cuius mihi laudes grata, cōinprimis, quod iunxit me laudatissimis illis viris. De P. Fabro: gaudeo mihi impositum. Tamen scripseram etiam aliquid ad Cuiacium. tu purga. Tacitus noster prodit, & nouæ ad Historias reliquosque libellos Notæ. sed Notæ tantum. plura valetudo vetuit, & hæc turbæ, quæ rerum & mansionis nos faciunt incertos. Saluta Brissonium, Memmium, Scaligerum, & tu salue quidquid me erit. Constantia nostra iterum prodit, cum Præscriptione aduersus quosdam, qui in *Doctels auctoris*. Critica omnia nostra imprimuntur vno volumine iunctim, quibus noua quædam addeamus, si valeo & viuo. Lugd. Bat. XIII. Kal. Octob. ∞. 16. LXXXIV.

EPISTOLA LXVII.

IACOBO CUIACIO IC. S. dico.

SÆPE mihi de te sermo, Cuiaci clarissime virorum: apud te adhuc nullus. Hoc pudor vetuit: illud iussit amor & admiratio tui. quæ nō apud me solum, sed apud omnes in quos scintilla aliqua diffusa lucis melioris. Et eualuerunt tandem hæc duo, vt abrumperem ingenitum mihi modestiæ vinclum: & iter ad amicitiam tuam struerem, sine vllis cuniculis, apertè. *Perit enim procari, si latet*, aiebat ille: & sæpè iam litteris nec vnus nec vnus, spes inō fiducia mihi facta mutui tui adfectus. Quæ non me faller: si noui humanitatis veræ genium, qui spirat in tuis scriptis.

L 2

De

De rebus meis si in hoc aditu amicitiae aliquid quaeris: cetera commodè agimus, nisi quod inter eos, quibus rerum bonarum nō magnus sensus. Bella etiam & tumultus, quibus inuoluihur, fieri non potest quin interdum & tangerent nos & angant. Si de studijs: Commentarium Cornelianum vulgamus iterum, sed pleniorē. addimus enim in Historias & adiunctos libellos. Vtinam autem fas polire mihi eum praesentis tui limā! Quia non licet, velim tibi animus otiumque sit vel per litteras dirigendi me, corrigendi. Labimur enim, Cuiaci, in hoc genere ego alijque: & illa tua velut propria laus, exacta certaque esse quae semel ex adyto tui pectoris profusa. Paramus etiam de Amphitheatro seu Venatione libros tres, ut fiant legitimi Saturnales quinque. Nescio quid praeterea in Livio nuper exorsus: quod pergam detexere, si auxilium mihi paullò firmitus librorum. Duo tresque apud me sunt: sed quasi de compacto consentientes. Tu, Vir maxime nostri aevi, si dignum me habes quem redames, quem rebus item tuis consilijque (de litteris loquor) participes, in caelo me collocabis novā apothecōsi. Ios. Scaligerum quem scio me tantum amare quantum tu, & quantum te (liberè enim addo,) ex animo salutes velim: cuius libros De emendatione temporum auidè, auidè exspectamus. Nisi ambitiosum sit, includam in eandem salutem magnum Brissonium, Puteanum, Fabrum, Pythaeosque, viros clariss. & idè mihi quoque famā notissimos. *Amare autem liceat, si potiri non licet.* Vale Vir clariss. Lugduni, ut volunt, Bataurorum. III. Non. Octobris.

EPISTOLA LXVIII.

THEODORO LEEVIO *Consiliario* S. D.

DISTVLI ad te scribere, Vir clarissime, non libens. Morbus meus hoc fecit, qui non sine discrimine etiam nunc me vexat. Ego fero: & aequissimo animo exspecto illum diem, quo Imperator hoc corpore, imò carcere, me soluet. Obstructiones sunt quae me tenent, internae inflammationes, nescio quae arcana alia symptomata, ad quae medici ipsi trepidant & caligant. At non ego. scio hanc legem vniuerso humano generi datam: nec magis mirum aut novum mori hominem, quam nasci. Denique quid

quid est quod in sæculo hoc me teneat aut deleat? Publica video: pessimè habent. Priuata: etiam in ijs suæ cruces. Melonem nostrum tibi gratum fuisse, mihi gratum. Sanè bonos & eximios aliquot habui hoc anno. sed quid? ego, velut Tantalus sitit inter suas vndas, esurio inter medios melones. Nec gustare quidem mihi fas, ob hunc morbum. Constantiam nostram recudit Plantinus, pauca mutata aut addita præter Epistolam, quam videbis. Exemplar Latinum Seb. Gryphio nostro dabis, cui ex voto debeo. Belgicum vxori tuæ seruiet: si tamen hæc ad sapientiam illius sexus. Sed tu, si tanti est, interpretando iuuabis. Ego te illamque saluere ex animo iubeo. nam longior scriptio mihi non facit. Valere vterque. Leidæ, 19. Septemb. ∞. 10. LXXXIV. hodiè paullo rectius valere visus sum.

EPISTOLA LXIX.

MARTINO LYDIO S. D.

VALDE me, Lydi, de scriptiunculis meis vrges: utique de Thraseâ, quod nollem. Cur enim ex tanti? & si essent, non certè differrem, si otium aut vires mihi tempora darèt & hæc valetudo. Quæ nunc quidem (deo magno gratia) præter spem melior: sed infirma tamen ancepsque: & quam fouere ac vegetare per quietem debeo, quàm meditatione aut scriptione infringere. Paratus sanè magnâ ex parte Thraseas, fateor: sed limam tamen exspectat & extremam illam manum, quæ mihi quidem maximè in labore. Cetera enim impetu & calore quodam scribimus: iudicij hîc res est, & acrimoniæ, & intentionis. Materiam ipsam vide, grauè, seriam: an præcipitanda tibi ea videtur, & in pugnam aut aciem vocanda mea fama? Futurum id enim certè in rebus illis sublimibus, nisi omnia non benè solùm dicta, sed etiam cautè. Sæculum hoc noui, cõtentiones & variantes sententias, quæ vbiq; vident. & vt veram liberè maximè exprimam (non enim vinquam deterrebtor:) videndum tamen vt verbis & tempore id faciã opportunè. Festinare in alio quouis scripto possum fortasse, & debeam: hîc non nisi maturare. At de Agellio, ecce magis me tibi facilem. Etsi enim H. Stephanus iam nunc eum dedit: tamen non spicæ mihi solùm multæ, sed fascies reliqui,

quos carpat ex Attico eo agro. Itaque Plantino vltro iam locutus sum: nec differemus, si cursum typographiæ eius non sistent aduersi isti venti. Nam Antuerpia si amittitur, optimi viri res in arcto: nec facile de sumptibus expediat aut papyro. Quamquam id quoque curabimus. Sed tu mi Lydi, quando in Frisiam? Gratulor enim tibi hoc otium, non orium: honestum tibi, vtile futurum iuuentuti. Meo voto & electione, iam pridem tibi is locus apud nos fuisset, & Douſam habeo crebri iudicii huius mei testem. Sed Deo aliter visum: qui te meque ad salutem foueat & firmet. Vale Vir amicissime. Lugduni Batavorum. IIII. Kalend. Iul. ∞. ID. LXXXV.

EPISTOLA LXX.

Brugas.

VICTORI GISELINO S. D.

ITANE litteræ à Victore? tandem, tandem. Quod in gaudio improuiso, vix credidi ipse meis oculis cum legerem, manibus cum tenerem. Itaque verè scribis, pro bono tibi cessit perueicax cessatio: quia in morè abisse videbatur, & desijisti flagitari. Inò præscriptio tibi iam pænè proderat (si Iurisconsultus esse vis) nisi hæc interrupisset scriptio. Sed vide ut non specimè solùm emendandi nobis præbeas, sed re emendes: nec gustū modò, sed rectam plenamque cænam. Aliàs, quò arenti mihi & sitienti paucula istæ gutte, si venâ tu iterùm interclusurus es huius suauitatis? Sed non facies: quia non vltro ego facilis in ignoscendo, vel te auctore. Quòd si iram etiam meam contemnes: quid? quid? Veniam videlicet ipse, & iterùm te mihi adseram subtractum non bonâ fraude. Trellæo illi dii omnes benefaciant: qui adiutor tibi, ut opinor, & interpret honestissimi muneris. Sed ad carmen eius suadésne rescribam? nec enim hominem satis noui aut mores. De scidis recipieratis, noua & mira. Sed siue illum poenitentia (non enim pudor) furti subiit: siue cum apud quem deposita: tibi quidem ex animo gratulor de receptis. Vide, ut te vnâ cum illis. Nam certè, mi Victor, indignantur iam pridem nostræ dæx desertas se à te, illo militiæ suæ principe olim & antesignano. Purga: & ostende emanſionem hanc fuisse tantùm, alendis ingenij viribus, & velut quiete irrigandis. De Plinio, ego quidem valdè sum

sum auctor. Nec excusa. velis modò, fides mea interueniet de
 successu. Plantinus ædes hîc emit, Typographiâ instituit, & vi-
 demur effecturi vt stipedium ab Ordinibus accipiat honestum.
 Fortassis ea res eriget excitabitque me ad studia, aliàs sæpè lan-
 guentem. Laco noster, vt audio, planissimè periit: nec deseruit
 illum præeuntem Nemesis, etsi pede claudò. A Cuiacio benigna
 multa ad me & honora. Gifanij Agelliû excudi audimus. quem
 ego scriptorem ante quattuor menses ad Plantinum miseram,
 seuerè & anxie correctum: curq; omiserit aut dimiserit, ne nunc
 quidem scio. Nec quæro sanè aut curo. Nam si mens aut otium
 mihi, satis multa in alijs scriptoribus quæ agamus: ne cripiâ hanc
 patri prolem, iam certè nubilem & plus quàm quindecennem.
 Scis quid ille semi-Italus questus de filioliâ suâ nuper: non sine
 risu meo, credo etiam vestro. Quem mihi commendasti, cupio
 omnia: sed nihildum ego aut Dusa extricamus. Nam de Plan-
 tino quam ei spem ostenderam, profertur in eius aduentum, id
 est ad initia veris. Antè nihil statuere de domo suâ vult, aut po-
 test. Dusa noster Commentarios ad Petronium scripserat, nunc
 totus in Historiâ concinnandâ suæ gentis.

EPISTOLA LXXI.

*Londinium.*IANO DOVSAE V. N. *Salutem opto.*

AN potiùs linguam? ista enim deest, qui tamdiu files. Vin-
 dictam talionis merebare: sed noster amor si non maior,
 certè acrior: procatur, & laceffit te vltro. Valemus ego, tui liberi,
 tua vxor. non meæ Musæ, quæ frigent absente suo Sole. Exorere.
 & aut vultu tuo coràm calface; aut illinc saltem radios & stric-
 turas aliquot per epistolam mitte.

EPISTOLA LXXII.

Antuerpiam.

IOANNI MOERENTORFIO S. dico.

VXOREM ad te redeuntem, mi Moerentorfi, quî dimittam
 sine litteris? Egrè eas scribo, fateor: sum enim in alienâ vr-
 be & domo: scribo tamen. siue quia debeo, siue quia valdè volo.
 De filioli tui apud nos obitu socer, credo, iam scripsit. Ego te so-
 ler?

ler? animo facio: verbis nunc non licet, nec opus est, si firmitudinem animi tui probè noui. Sæpè eam in litteris ad focerū adspexi, sed in alienis rebus: te illa deferet in tuis? Non opinor. præferim cum ita placita tibi ea virtus, ut per eā Constantia etiam nostra: quam non legis solum auidè, sed vertis. Vidi enim specimen, & probò. illud vellem, plus aliquid tibi permitteres, nec vestigia vsquequaque sermonis Latini premeres pede tam certo. Atta per hanc curam versio, astricta, tenuis, sæpè obscura. Est suus videlicet cuique lingue Genius, quem non auellas, nec temerè migrare iusseris in corpus alienum. Quàm multa Latinè breuiter scripserim; quæ si totidè verbis transferas, sententia nec plana satis, nec plena sit! Quàm multa rectè & altè: quæ in aliâ linguâ iaceat, aut vacillèt! Quod ijs præsertim euenit, quorum stilus paullo magis ab eruditione habet & à curâ. Iam allusiones illas, annominationes, flexus, & in vno sæpè verbo imagines, quæ tam dextra mens vertat, ut eadem vis ijs aut Venus? Exorbita igitur: & hoc erit rectam in vertendo viâ tenère, viam non tenère. De pecuniolâ Facuensi grata tua cura. expediemúsne aliquid à nûmario hoc tricone? quidquid erit, tibi debebo. De cistâ scriptoriâ, ô gratum & opportunum tuum munus! planè eâ egebam. gratiam tibi meæ Musæ. Tu tam benignus in nos salus; & vide ut validū te reperiat valentula iam tua vxor. Delfis, III. Idus Sept. ∞. IO. LXXXIII.

EPISTOLA LXXIII.

GEORGIO BENEDICTI.

ET carmen tuum valdè mihi gratum, mi Georgi, & beniuola memoria mei. sed illud longè gratissimum, quòd valens & incolumis appuleris ea loca, ad quæ missus es velut ad mercatum artium seriarum. Philosophiæ dico, & imprimis Theologiæ, ad quam postremam, non actiones solum omnes tuas, sed cogitationes necessum est collineare. Quæ tamen ipsa, quoniam sine pietate & puritate nulla est; caue, te quæso, ne quid labis aut maculæ trahas ex cœtu iuuentutis maculosæ. Fuge illos, fuge, qui liberioris vitæ obtentu ad licentiam trahunt: quæ vna ianua & aditus ad omne scelus. Magna nō frustrā nobis de isto ingenio tuo pollicemur: tu vide sollicitè, ne id deprauent prauī. In flexu ipso
ætat

ætatis es: in quo si non laberis, speramus te inoffenso deinde cursu pertingere posse ad metam. Vale. Lugduni Batauorum.
 .. IO. LXXXIV. Deuste seruet, in quo & à quo omnis salus.

EPISTOLA LXXIV. *Lutetiam.*IANO GVILIELMIO *meo* S. D.

EGO verò Quæstiones tuas iam antè videram, & legeram cum curâ. An gemmæ hæ non luceant? an nos celentur? itaque non itero apud te iudicium meum, quod apud alios nusquam celo. Si tamen de alterâ editione cogitas, sunt minuta quedam quæ te monebo. Quid ni moneam? amici hoc est: & vti nam id mihi iuueni factum in meis scriptis! Quamquam reuerà tua iuvenile nihil spirant, matura, adstricta, grauiâ: nisi quod à iudicio tuo abeo in pauculis locis. Itaque abi, nec festinationem mihi excusa, quâ nihil peccas. Noster, ille noster, etiamnum Lutetiæ? & quando tandem videbimus in luce illas Noctes? sanè longa & difficilis satio in hoc Agello. & metuo vt acerbi etiâ fructus, incusante & incurstante Oberto. Doleo. sed videor tamen de his studiis nostris posse dicere

Δίκα δίκην ἔτι κτλ, καὶ βλάβην βλάβη.

* *Litem parit lis, noxam item noxam ferit.*

Impudentiâ id fit & scâuitate quorundam, qui perfudère animum scientiâ, non imbuère. Gulielmi Furnerij, ad De verborum significatione, vidimus: probum, & sine ambitione doctum planè opus. Fauco, admiror, amo. Petri Fabri Ad Regulas auidè exspecto: nec inducor vt lædi me credam posse ab eo viro, non certè si me nouit. Quid tamen eius sit (nam è Coluio nostro inaudiui aliquid) liberè, vt oportet, scribe. Ego æquiter punctiunculas aliquot stili eius feram, qui sæpè me iuuat. Erri-co Memmio viro summo, (ita dudum sentio) meo nomine indica: scriptum ad me ab Egmundo de oblatiis Notis aliquot in Tacitum. sed litteras eas tardè, imò serò redditas: itaque non postulasse eas me, habere tamen ei gratiam, proinde ac si impetrassem. Dicare me ipsi hunc animum, & sine fūco amorem. Clarissimo viro Claudio Puteano, iam diu etiam laboro, vt animus meus innotescat. scio illum esse inter lumina illa Galliæ: & velim valdè cum à me saluere. Sed tu, mi Guliel-

M

mi,

* Inuulne-
rabiles deo-
rum liberi.

mi, quid agis? quid cudas? ut enim vegetum ingenium tuum est, non cessas. Perge quæso te gnauiter in hac viâ, quam ad æternitatem tibi strauisti. De Scaligero, doleo siue indignor esse nebulones, qui conuiciuntur & obstrepant viro, quem non lædant (* ἀρρωστοί γὰ θεῶν παῖδες, ait Pindarus:) sed nos per eum, & cursum illum impediant benè monendi & scribendi. Et quis, obsecro, ille Insulanus, qui iactat etiam reges? Me pariter morantur interdum, & turbant hæ pestes. De Iosia Merceri Nonio, gratum. vrge ut proinat. Ad Augerium Busbequium credo me nunc aut certè breui scripturum, cum testimonio quod tibi debeo. Nicolao Fabro, Pythæis, Passeratio, multam à me salutem dicito. Vale; & saluè Dousâ nostro. Lugduni Bataurorum xv. Kalend. Iunias, ∞. ID. LXXXIV.

EPISTOLA LXXV. Noribergam.

IOACHIMO CAMERARIO *Doctori*
Medico, S. M. precor.

EXHILARAVNT me litteræ tuæ solo nomine & adspectu. Grati mihi semper Camerarij, ob vnum illum virum, quem Germania vestra habuit sine pari: & tu meritò inter eos, cuius beniuolentiæ in me olim signa non obscura. Libellum à te missum falsi Ciceronis, cum iis quæ adiuncta, accepi & legi lubens. O duram frontem Sigonij, qui hoc pertendit! sed sentire eum ita ferio, vix fides. Quid autem ais de altero illo Riccoboni responso, si vidisti? satin' ut acriter & veris armis in Sigonium itur? Ait non obscure, illum ipsum auctorem esse laudatæ Consolationis. Vide & ride hoc bellum Italum, cui me non misceo. Ut quid enim? mihi tam clarum est quàm Solem illum lucere, scriptum hoc nouitium esse & improbare nimis spei. Nec dissentient, scio, docti. Sigonio ignoscere possumus; si agit suam causam. etsi metuo ne labecula aliqua ab hac re offusa priscæ illi gloriæ. Ita fit, si quis eam non habet cum modo. Nos Tacitum recudimus, & Constantiam in quâ Notas aliquot adiunximus, ad reprimendas calumnias quorundam: quarum hoc sanè sæculum ferax. & eâ rē tardari nos ad nouum aliquid pangendum non negamus. Andreae Duthij

dithij per te litteras accepi: viri magni, alti, & de quo illud possim

—* πεπλάσμενον ἐκ Διὸς ἔρις.

* Ἐφῆται
ἐκ ἰουδαίων.

Salueat à me, & tu vnà amicissime Camerari. Lugduni Bataur.
xvi. Kalend. Iun. ∞. IO. LXXXIV.

EPISTOLA LXXVI. *Biturigas.*

IACOBO CUIACIO IC.

NON ipse contentus in amicitiam tuam penetrasse, alijs ecce fores aperio, quasi in eâ vetus. Iuuenē hunc tibi commendo, familiarem nuper meum, oris & ingenij probi. Commendo autem ita, non vt ad interiorem illam amicitiam tuam admittas (aliis seruetur aditus ad illa adyta) sed ad externam hanc notitiam, quæ in adfatu posita & adspectu. Hæc enim illi sufficit: & adolescentibus id ætatis satis gloriæ, Vidiſſe, Conueniſſe. Quamquam hic etiam Audiſſe referet: quæ vnica illi causa Biturigas, imò Galliam, petendi. Tu mi Cuiaci illum, vel meâ causâ complectere, & me omnino, qui æternū tuus. Lugduni Bataur. Non. April. ∞. IO. LXXXV.

EPISTOLA LXXVII. *Lutetiam.*

FRANCISCO RAPHELENGIO FRANCISCI F. S. D.

IAM vir es, laudo. Binas à te litteras accepi, tu à me nullas: non culpâ tamen nostrâ (scripsimus enim vbertim nuper) sed Legatorum qui diem ex die ducunt, & more suo morantur. In eorum enim comitatu I. Esychius noster est, cui fasciculum dedimus. Valetudo nostra infirma, incerta. non etiam animus, cui fixum parère & sequi magnum illum Deum. At rumor ille falsus, qui vos terruit de meâ morte: qui tamen idem Brugis & Leodij sparsus, ne mirer apud longinquiores Gallos. Homines de meo capite possunt ludere, statuere tantum supremus ille Princeps. Ego mortem non timere dudum didici: quin vt hæc tempora & languores mei sunt, propior sum appetenti.

M 2 —* Κρείων

* melius est
semel mori,
Quam cō-
tinenter in
diem affligi
malè.

———— * Κρείσσον εἰς ἀπαξ θανεῖν

Ἡ τὰς ἀπάσας ἡμέρας παθεῖν κακῶς,

ait Æschylus. In studiis quòd pergis & perseueras, gaudeo. quid sequendum tibi, reperies in litteris meis primis. Passeratio sedulam operam da : qui vna columna labenti nunc Scholæ. Nam vetus sanè Parisiensium doctorum gloria valdè flaccuit & imminuit. Sapientiæ studia & virtutis ne omitte. Pietas tibi in mente, modestia ante oculos, & demissio animi : ad quam nunquam satis te hortet. Illa fundus bonorum omnium & fundamentum : nec pestis alia plura ingenia abripuit, quàm Confidentia & æstimatio sui. Tu abstine. Reuerà enim quid sumus? quid scimus? Quò longiùs progredi in scientiæ veræ viâ, tenebras, & circumfusam caliginem magis cognosces ingenio humano. De me ne labora, si quidam inuideant aut carpant. An ego eximius sim inter homines qui sunt, qui fuère? Omnes qui excellere aliquâ in re conantur (non enim dicam qui excellunt) statim adflauit & adussit malevolentiae ista aura. Cita veteres, reperies. circumspecte hodie nostros : idem. Quid miraris si Marcus aliquis hoc in me faciat, aut Lacon? Mihi sententia de me, non nisi apud me fertur : nec quis sim, alium rogo. Interno isto iudice si probus audiam : quid addent aut dement mihi hi sermones? Nec famam tamen sperno, aut neglego : sed hoc de te moneo, non esse eam nostræ potestatis. ideò inter externa habendam, & in momentum nullum ad beatam tranquillamque vitam. Quis sim, in me situm est : qualis audiam, in vano isto vulgo. Sed ad te redeo. Iuxta Sapientiæ studium, stilum cole & exerce : qui diuæ illius fidus & necessarius administer. Quid enim recòdita illa aliis proderit, nisi spargere & emitte ad plures eam poteris felici quadâ pennâ? Stilum autem, meo iudicio, Plautus & Cicero tibi perficient : aptâ quadam, & quâ ex me sæpè audisti, mixturâ. Æuum tuû vides? prospera. non aliud magis idoneû disciplinæ. Auum tuû vides? ite prospera. infirmus enim ille tibicen, qui te sustentat. Morbi & languores cottidiani illum urgent, facturi aliquando quod iminantur. Quis autè studiis tuis gubernator, amisso illo? Nā & ego sanè infirmus. quo tamè viuio haud spero quidquâ tibi deerit. Vale. & veram virtutem nosque ama. Lugduni Batavor. xvi. Kalend. Ianuar. ∞. IO. LXXXIV.

EPI-

EPISTOLA LXXVIII. *Aurelianum.*

EVERARDO POLLIONI S. D.

ERGONE in Galliâ tam diu es, & siles? Siue adfectum meum in te respicis, siue consuetudinem quâ domi meæ usus: peccas. Nam me certè vel morbus excusat, qui quattuor iâ menses perpetim me vexat. Et tamen cum miti arbitro tibi res est. scribe, & excusasti. Loca illa quâ placent? quâ homines? Probi illi, scio, improbiq̃ue: sed hos, mi Pollio, vita: & in primis si qui nequiores aut leuiore. quæ vetus gentis illius nota, & nunc per bella, per tumultus, auxit valdè. At illos (probos inquam doctosq̃ue) elige & excerpe: his adhære: linguam ab iis discere & mores. Vt aromata odorem semper aliquem adfricant tangenti: sic boni & modesti, auram aliquam suæ virtutis. Inter hos Aureliani (illi enim agere te censeo) Furnerium antecessorem habeo: quem virum probum esse audio, penitus doctum è scriptis scio. Si potes, illi innoresce: & si gratum esse putas, à me saluta. Pestè in iis locis sæuire accipio, nisi si iâ desæuiit hoc frigore & hac hieme. fuge contagem illam, quantum humaniter potes: sed ante omnia pestes illas animorû, sodales malos, qui fraude & arte inrepunt & inrumpunt. Plura, cùm rescripseris. Nos enim adhuc in morbo: nec sine discrimine, nisi clemens ille Deus auertat. qui virtutem modestiamq̃ue tibi seruet, & nostri amorem. Lugduni Batauor. xvi. Kal. Ianuar. ∞. lō. LXXXIV.

EPISTOLA LXXIX.

MART. LYDIO S. dico.

SOLICITUDO tua de valetudine meâ, non magis mihi no-
sua, quàm amor tuus, quem iamdiu ostendis. Vtraque gra-
ta. consilium etiam, quod amicè adiungis contra vim melan-
cholici morbi. Sed mihi, mi Lydi, non planè capitalis ille mor-
bus, non inquam vera Melancholia; sed tantum suboles eius,
flatuosa illa hypochondriaca adfectio, longa & sæua nihilomi-
nus, nisi quòd cerebro & menti adhuc parcit. Quæ constant mi-
hi, nisi erro. Nam in hoc ipso morbo illud mirum, quòd cùm

M 3

maxi-

maximè desipiunt, sapere maximè sibi videntur : & ita aberrat à se mens, vt se non quærat. Libellum quem dicis Aloysij Luisini, vidi numquam. argumento certè iam nunc placet, nescio an tractatione. De Thraścâ meo aliisq̃ scriptis, quæso minus vrge. In morbo hoc nisi morbidum quid possim ? & ego me ne sanum quidem ad scribendum scio accedere, nisi cùm vegeta mihi mens & acris. Cum calore quodam nostra illa pangimus, non minùs quàm poëtæ. At nunc frigeo & rigeo, anni tempore & morbo. Ego mortuus in Galliâ & alibi dictus sum, vt ex litteris non vnis intellego: falsò. Vtinam tam falsò I. Guilielmus noster, quem emigrasse scies Iulio mense Auarici Biturigum, correptum ardidâ febre. Item C. Sigonius in Italiâ abiit, reliquum in eâ gente lumen. Herè mihi dictus Cuiacius idem fecisse, nec tamen certò. Quid ais ? nōne funestus & fatalis ingeniis hic annus ? videtur. De me, Deus ille & seruator meus videbit : qui nec præter mentem meam hac in re aliquid statuet, nec præter votum: Obsecro enim quid nos teneat aut liget in hac fæce ? Nihil me : qui magis magisque in dies video & rideo furorem Principum & vulgi. Etiam priuata si introspicias: miserix, & angor, & languor : & cum Homero

• Maror
subit ex
marore.

— δέχεται ναυδὲν ἐν ναυτὶ ἀέρι.

Quæ tamen Christiani meritò ferimus, quamdiu Deo illi visum, qui explorat & expurgat nos per hunc ignem. Tu vale. Lugd. Batauor. XVI. Kal. Ianuar. ∞. ID. LXXXIV.

EPISTOLA LXXX.

Romam.

ROLANDO WINCELIO S. mitto.

ME quoque certè accendit ad redamandum amor hic tuus, cuius scintillæ exsiliunt & emicant in omni epistolæ tuæ parte. Quem quod meritum meum siue aluit, siue accendit ? Nam quod magni æstimas hoc nescio quid litterularum, quod in nobis est; vide mi Winceli, ne abducatur & seducat te adfectus. Voluimus sanè quædam in publicum ; sed adolēcentes, nec annis aut iudicio satis adhuc firmi. Quibus, benignè mecum agitur, si venia à Lectore tribuitur; nedum vt cumulus iste laudum. At tu tamen ea extollis, & cum aliis quibusdam errorem

errorem erras, quem negare mihi non possum esse gratum. Posteritas saltem (ut ille inquit) ita de me meisque aut erret, aut iudicet. Nam viuus certè iudicia multorum experiri valdè in me prona. Quorumdam etiam aduersa, fateor. & cur offendar? scio quòd sæpe meritò. Lapsi enim non semel sumus, præsertim in iuuenilibus illis scriptis: quæ tamen nunc reprehendo & retracto, & à postremâ hac incude firmiora erunt, nisi fallor, contra malum dentè. Sed cur tamen in me iniqui? Dent mihi aliquem ex omnibus tuo nostro Criticis, qui nō peccent; & flageller ego solus. Sed hos omitto: illud tantum instillo: si temerè arroserint,

— καὶ μὲς δ' αὖτοι ἀνδρα πονηρόν.

* Etiam
mihi me-
mordet
virum im-
probum.

Sed libentiùs ad beniuolas & amicas animas deuenio, in quibus te auctore dehinc cenfeo Illustrem Gondosaluum Pontium, Neapolitani Proregis nepotem: cui quid nisi gratias agam pro adfectu? addo etiam redamare me iure, etsi ignotum. quomodo enim non, qui tam benignè prouocat? De Mureto summa mea opinio est, & erit: & felices vos sanè illo doctore. Patria nostra porrò turbat: nec scio quando nobis adfulgebit tranquillitatis ille sol. Itaque nos etiam sæpè frangimur: nisi quòd conatus solari me meosque Belgas sum nupero De Constantiâ scripto. quod scire equidem velim, quâ faciat ad Italorum tenebram saluam. Vale mi Winceli. iam enim interpellor, imò auocor. Non. April. ∞. IO. LXXXIV.

EPISTOLA LXXXI. Rhotomagum.

VICTORI meo S. dico.

QUOD deficientibus aspersa frigida, hoc mihi vestræ litteræ. Releuant recreantque labentem me, & virium adspirant nouam auram. Hem, amor quid potes! tu honestè, tu verè, & qui semel in puro amicitia solo egisti radices. Intemperies mea adhuc me tenet. ita enim veriùs appellitare videor posse, quàm morbum. Cetera valeo: calor tantum molestus in hepate, mesenterio, & pænè dixerim venenatis in eo venis. Ex sunt, cæ venulæ, quæ pugnam mihi cum stomacho mouent: quæ calorem eius succumque ad se trahunt, malâ vi aut fraude. Capitane alterum de Melancholiâ Rondeletij tui legisti? is purus putus

putus meus morbus. Myrchiale Arabes, nisi fallor, appellant. Pugilo sanè cum eo strenuè; & abiecisse sæpè videor, sed vt Antæus quispiam, virescit & resurgit. Frigidis iuuari imprimè videor: sed crebra & continens eorum vsio, scis quàm non ventriculi ex vsu. Hic nodus. habes ei cuneum? an tu quoque cum veteris Scholæ medicis obhæres? Dico, veteris. nam isti noui à Paracelso, auxilium pollicentur ab Vitrioli aceto. Frigerare id aiunt, penetrare, aperire; & simul robur addere visceribus & membris. Et sanè (iram & vocem comprime) iam vtor, successu non infelici. De exitu videbo: si iuuare ita porrò pergit, ego inuentorem hunc deum. Phlebotomiâ nuper etiam vsus eram, & iuuit valdè. sed quid dicam? Vt ille in Ætnâ ignis interualla sua habet, & cùm defæuuisse creditur, redit: ita meus iste. Quem nisi breui tollo, me tollet. Quid refert? generosa & Herculeæ hæc ad cælum via est, per æstum & per ignem. Ego, mi Victor, iamdiu paratus ad hoc iter: nec cum alio adfectu minor mihi pugna, quàm cum metu mortis. Vitam habeo, velut hospitem. si manet, non eiicio: si abit, non teneo, nec penulam scindendo. De Modio, grata mihi narratio. Fauco & faui iamdudum illi ingenio: nec (cùm à paucis vobis abij) in Belgio habeo, cui factum velim magis. Placent mores & indoles, & (constet sibi tantum, nec transuersum eum abripiat aliquis Lacon) fructus, scio, dabit studiorum. Sed cur ad me non scripsit? cur ne salutem quidem adscripsit? Peccatum largum, siue illius qui dicere omisit, siue tuum qui scribere. De Lacone quid? trepidas in aduentum eius & palles? Sta tantum: spondeo tibi, fugit. Nihil eo homine * *κεκκοδείλοτερον*. Scelera hoc faciunt, & occultum illud in pectore flagellum: quod commouet, quisquis eum constantius aspexit. De Apuleio & Pintiano, curæ habebō, imò iam habui: & indica si quis alius tibi à viuo mortuoque me vsus. Doufa in Angliam abiit legatus. Mihi, si vires paullo magis firmæ, (nam atrophia quædam coniuncta cum hoc languore) decretū Vbios excurrere, priuatæ meæ rei causâ: & illinc Eburones, ad acidos fontes. Mira iis vis dicitur & propria in hunc morbum. Videbo. & pro valetudine omnia faciā, pro vitâ haud multum. Mori enim mihi non graue, grauetabère istud & languere. Tu salue, cum tuâ. Fratri tuo, si iam adest, amicissimam salutē: quem tuâ,

* *Crocadilo
similis.*

tuâ, & magis morum eius causâ, seriò amo. Rubicatum nostrum valere audio, sed calere totum in rebus. Dea Lua cum adiuvet, & nexibus illis malarum litium exsoluat, quibus implicatur. Valdè eum saluta, & iube (ita loquor) amantem me amet. In Batavis, XI. Kalend. Sextil. ∞. ID. LXXXV.

EPISTOLA LXXXII. *Luteriam.*

FRANCISCO RAPHELENGIO FILIO S. dico.

GRATAS expectatasque nobis fuisse tuas litteras, nihil opus est scribam. scio te id scire. etiam adfectum tuum amauimus, qui & in epistolâ se ostendit, & in carmine quod adiunxisti. Tu verò & in amore nostri perge, & in virtute ac modestiâ multò magis: sine quibus caue censeas, non dicam famam ullam tibi esse posse, sed vitam. Litterulæ enim, & aliæ elegantiae siue cultus ingeniorum, vacuæ ab istis, sordes sunt & deliramenta mera. Modestia est, quæ ad cognitionem nostri nos ducit: hæc ad virtutem & ad Deum, in quo omnis felicitas. De professoribus quod distinctè scripsisti, gratum. Ego audiendi tibi Genebrardi auctor sum in Hebræis, in Græcis Helix aut Gultonij, (nam magnus ille Auratus lectionem, ut audio, iam desuit:) ut res suadebit, aut scriptor aliquis quem legent. Philosophiam ante omnia non deseres: cuius fructus demum gustabis in progressu. At nunc obdura. Sed de litterariâ tuâ sarcinâ, quid peritne? insignem ^{neglegentiam.} ~~metu~~ ^{negligentiam} tuam: quam vide seriò emendes. etiâne in eadem sorte meæ litteræ? Nam meminisse dare me tibi ad Memmium, & Pincæum, & Faucerium. cur non scribis, ut saltem iterum scribam? Nam silentium meum trahi alioqui possit in culpam. Agellium (quandocumque difficilis ille parvus lucem videbit) fac habeamus: & si quid aliud prodibit, quo scias nos capi. Scribe de P. Fabri ad Regulas iuris, an prodierit; aut potius mitte. quod facile tibi per Somnium. Contagionem pestiferam valere istic audio: tu quantum in te est vita, & segrega à turbâ. Abstine à multiplici omni cursu, discursu: donec hiems & genu telum infregerint malæ diuæ. Valetudo mea nondum ex voto, melior tamen: sed ita, ut nec corpus nec

N

mens

mens mihi satis firma. non certè ad labores. Itaque studia nostra cessant. non tua spero : quæ nisi auidè, imò calidè prosequaris in hoc flore æui, frustra postea quæres fructum. Hæc monita nostra tuâ sponte seruabis, confido : nequid tamen ea laxent alij, nonnullus mihi est metus. Quos vita, per Deum immortalem : & mala illa, soluta, & petulca ingenia, fuge supra ipsam pestem. Non enim hæc magis corrumpendo corpori est, quàm illi animo : cui per subdolas blanditias instillant & adfigunt venena. Euripidæum illud cogita,

* Labor
gloria
genitor.

— πένθος δολίαις πατήρ.

Auus tuus & auia valent. tibi volunt semperque valent, si vales ipse. Salue & vale. Vxor mea te refalutat. Lugduni Bataurum Prid. Kalend. Decemb. ∞. I. LXXXIV.

Ecce tibi ad Busbequium librum & epistolam. si ita Porreto visum fuerit, tu illi meo nomine dabis. Sed vide ut tales viros conuenias honestè & modestè. Hoc ætatem tuam, hoc institutionem decet. Inter loquendum (moneo enim nunc, quia fortasse non alius tibi monitor) caue tua verba præcipientes, ne sint cum Homero * ἕνθα πέρ κ' ἐστ' . vitium tuum nosti : quod nunc aut numquam corrige, & effer sermones tuos, clarè, articulatè, distinctè. Sed heus tu. de sumptibus itinerarijs tuis quid audio ? valdè vos quidem largi. non conueniebat. An tempora hæc nescitis angusta, arcta ? Sed in posterum attentiores futurum te confido. Vale. III. Kalend. Decemb. ∞. I. LXXXIV.

* Verba
alata.

EPISTOLA LXXXIII. Lutetiam.

PAVLO MELISSO S. D.

EPISTOLAM tuam, mi Melisse, quæ non amem ? indicem constantiæ tuæ in amore. & magis carmen, quod de morbo meo scriptum cum ingenio & adfectu. Gratiam habeo, & debeo. Sed te quis Deus, quæ Dea è Germaniâ tuâ mediâ traduxit subitò in Gallos ! Amor nisi fallor, non ille à Cipride, sed hic à Phœbo, discendi, videndi, & doctos cognoscendi. Quorum omnium fores & pectora, non dubito, quin patefcent tibi. Nos etiam in morbo : contra quem animo magis, quàm corpore pugno.

* Νόσος

* Νόσος δ' ἀνάγκη τὰς ἀπλάτους εἶρεν,

* Morbos
necessum
ferre cali-
tus datos.

ait Sophocles. In I. Guilielmij morte valdè indolui. De vultu aut facie non eum noueram : optimè de animo. nec censeo melius aut rectius ingenium fuisse hoc euo. Sed Deo ita visum, optimos quosque traducere ad optimam illam vitam. ad quā in tot turbis & molestijs nos quoque adspiramus, & te saluere iubemus, optime poëtarum. Lugd. Bat. Kal. Decemb. ∞. I. LXXXIV.

EPISTOLA LXXXIV. *Vltraieclum.*

THEODORO CANTERO V. N.

DIV & sæpè ad te scripturio, mi Cantere: tardauit morbus, qui aliquoties minatus discedere, non discedit. Redit enim per interualla, & cum seriò surrexisse me censeo, prosternit. Tamen nunc iterum meliusculè est, & omnino aut mensis huius genitalis aura me reficiet, aut nulla. Ad vos cogitavi sæpius. (inuitabat, præter amorem vestrum, aër) sed absterret via longior, imbecillitas, finitimi etiam nunc terrores. addere audeo, & conuiuia vestra : quæ lenta nimis apud vos & lauta. Librum II. Electorum nuper demum tibi per Vulcanium misi. credo accepisti. Cetera cessamus : & satis abundè habeo, si omni curâ corpusculum hoc sustento. Labores certè nec ingenij quidem fero aut subeo, sine manifestâ noxâ. Ferenda ista : donec aliter visum magno illi & benigno Deo, qui te mi Cantere seruet, & me (si ita expedit) aliquando firmet. Vale. Lugduni Batavor. Non. April. ∞. I. LXXXV.

EPISTOLA LXXXV. *Lutetiam.*RENATO PINCAEO *Senatori regio S. D.*

QVAE hæc tam obuia humanitas tua est, Vir clarissime? quod vltro appetendum mihi fuit, ipse defers vltro, amicitiam & coniunctionem tuam: quibus, moriar, si quidquā mihi gratius accidere potest à talibus viris. Splendor, fama, opes hæud altè me tangunt: iuuant & penetrant hæc iudicia, quæ proficisci scio à viris, mystis Virtutis & Doctrinæ. Quorum candidatum me non nego: sed hoc tantum. & vereor vt purpuram seriò vnam
N 2 quam

* *Honesti*

quam induam tanti honoris. At vos ita benigni, ut non tantum ametis, sed vinbram etiam & speciem, omnesque, in quorum animis effulget aliqua * τῆ καλῆ imago. Itaque mi Pincæ (amicæ & familiariter iam nunc te compello) amorem meum vicissim serio tibi offero: spondeoque futurum, prius ut à me excidam, quam ut ex animo meo illi, qui tam procliuus ad me amandum. Amplissimo quidem Brissonio, & Regij concilij & cætus nostri Præsidi, publicè deuinctum diu me scio; priuatim nunc, hanc amicæ salutatione, quam meo nomine illi reddes, cumulatam adfectus tui aurâ. Vale vir Clarissime, & litterarum hoc iter si crebro teris, gratum mihi: qui numquam vincar in officij aut fidi amoris cursu. Lugduni Batauor. ix. Kalend. Octob.

EPISTOLA LXXXVI. *Brugas.*

SALVTEM AMICISSIMAM IANO LERNUTIO.

Tv certè, mi Lernuti, in amore iuxta & in litteris prolixus. Nam Victor noster quàm breuiculus! In hac raritate nutritionum, difficultate temporum, tribusne verbis ad Lipsium? Ita fecit. pro more suo, imò naturâ: quam quia nosco, ignosco. At effusionem tuam amo & amplector: cum quâ iure patriabo. Valerudo nostra ne nunc quidem ex voto. Mensis Maius inuissè aliquid & vegetasse visus, sed ut in floribus quoque, vigore fluido & haud diuturno. Anceps enim hæc sanitas, mi Lernuti, anceps. Hodie stare me putem? cras relabor. vires recepisse? amitto: & quod medici mecum mirentur, cæcis nec liquentibus causis. Calores saltem viscerum sentio & nescio quos edaces æstus. Quid me aliosque fallam? tabes ea est, nisi erro, & certâ sed lentâ viâ eo ad mortem. Nec ingemisce. Deo ita visum: cui nos tam libenter, tam fortiter paremus, ut manum non verterim, hoc fiat an illud. Ennianum istud verè proclamo:

Viuum an moriar, nulla in me est metus.

Cur aliter adficiar? Æquissima hæc naturæ lex est, quæ pariter ligat omnes. Carnifex illud Fatum te meque expectat: & alium alio tempore duci iubet magnus ille Imperator. Ecce tibi plebeium aliquem tam constantem, ut licetorem suum sequatur, &

manum

manum vltro exposcat percussoris : aliena ab eruditis vis ea sit? Non à me : nec præibo ad mollitiem hanc exemplo. Vt fera auis, apertâ caueâ, non eiicitur, sed euolat: sic ego libens in apertum illum purumque campum. Atenim iuuenis. Fateor, sed vitæ huius tam satur, quàm Priamus aliquis aut Nestor. Quousque enim eadem? edere, bibere, legere, scribere: & adde miseria, quas largiter suppeditat hoc æuum. Sed mitto hæc sophia: ad matrya venio tuarum litterarum. Electa nostra Secunda probari tibi ais vnice. Gaudeo. eoque magis, quòd serio verebar ne parum ad Genium priorum scriptorum meorum is fetus. In morbo quippe conceptus & editus, quid mirum si referat aliquid triste & morbidum, & tabeat ipse à spiritu hoc tabente? Quod si aliter; præter spem meam est, non præter votum. Epigrammata tua in impurum illum valde pura. Cur plura eius generis non mittis, reficiendi saltem mei? Pascor enim libens hâc ambrosiâ: quam per altum istud otium vbertim necessum tibi est gigni. Sed illa aspis etiâne Audomari? Æternum velim, necubi propinquior halitu suo vos afflet. Agellius autem eius tam ambitiosè promissus, vbi est? Stephanicum enim vidimus, & in eo scommata ac tela non obscure in istum. O improbum pariter & infelicem! Vbique vapulat, & corpus eius tot cicatricibus infamiæ iam occalluit, vt plagæ nouæ non sit locus. Et tu tamen hoc cadauer petis? me inuito: qui mucronem hunc acutissimi ingenij seruari & dirigi velim in dignior hostem. Hic quidem calcandus est, non feriendus: & demittat atque abiiciat se necessum est, quisquis eum tangat. De Modio, gratissima. vos monete, firmate, & comitate vestrâ retinete, quæso, in hâc meliore viâ. Fax aliqua Belgis aliquando ab ingenio illo. Rubicasû nostrum amo, & in pectore gero. Lirigâtne etiam & tricatur? an Grudios nostros potius abiit, sedem illam Musarû olim & Gratiarum? Quæ breui assurget, nisi fallor, & virorem & caloré iterum ducet ab hoc Zephyro pacis. Ibi enim certè iam lucebit: si verû quidem est de Machliniâ, quam deditam nos audiebamus. Critica nostra en tibi. quibus* versiculos de meliore venâ, Deo duce, audacter inseruimus, numero ecc. vtinâ comite Fortunâ! Spero. Vxori etiam Cilicis illius aliquid concredemus: nec de fide ambigimus, tantum de successu.

cessu. Di viales adeste, di prætites, di tutelares. En epistolam, an querelam? meri enim in eâ morbi & mortes, quæ non ingrata tamen tibi, siquid in Lipsio gratum habuisti, præter corticem hunc externum. Ille enim abiicitur, at Lipsius vester nullus moritur: cumque præire scitote, non perire. Longum mihi saluete, tu, vxor, liberi. Lugd. in Bat. Kalend. Sextilib.

EPISTOLA LXXXVII. *Lucretiam.*

ERRICO MEMMIO V. A. S. D.

ANIMVM sæpè corpori imperare, vir Amplissime, non vanè dictum: ego testis. Ecce enim cum Iani Guilicelmij epistola ad me venisset, amoris & iudicij tui de me index; etsi langueram ex acri & difficili morbo (nam hepar mihi laborat ex inflammatione & infarctu) tamen animum secuta hæc manus est, & per adfectum potui, quod vix per vires. Scribo igitur; & gratias seriò tibi ago pro amico isto in me animo, in eoque ut perseueres, si necessum est, rogo. Etsi cur necessum? quem vltro amandum delegisti, non spernes, ut opinor, cupientem iam, imò ambientem. Utar enim illo verbo, & ambio reuera amicitiam talium virorum & gratiam, quos velut sidera quædam huius æui habeo, & à quibus lucem conciliare me posse scio pallenti meæ famæ. Quam vulgarem, & à vulgo, nihil moror: bonam, & à bonis, numquam contemnam. Vale Amplifs. Domine, & à valente me litteras pleniores exspecta, & ut sic dicâ, magis robustas. Lugduni Batauor. iv. Kal. Octob. ∞. Io. LXXXIV.

EPISTOLA LXXXVIII. *Jn Holfatiam.*

HENRICO RANZOVIO, *Viro illustri, Vicario
Regis Daniæ, Salutem mitto.*

LEVEM significationem animi & iudicij tui, Vir illustris, pro beneficio habuerim: quid censes hoc testimonium & litteras, tam amicè ad me, tam honestè de me scriptas?

Omnes mortales sese laudari expetunt,

ait poëta vetus: nō valdè tamen ego, nisi à laudatis. Inter eos autem, quis ante Ranzouium mihi sit? Genus tuum intueor? nobilissi-

bilissimus es. Famam? clarissimus. Virtutem & doctrinam? vtrâque maximus. nec facile quem his iunctim rebus prætulerim tibi, reperiam in Europâ. Itaque beasti me hoc tuo iudicio, beasti. & iam demum Constantia nostra mihi placet, cum illa vobis. Incitor ad scribenda talia: quæ apud rectas istas mentes sint recta. Tribuni illi, quos indicas, me absterreant? nihil, iactent se apud suam plebem: mihi adfatim satisfacitur, si eques hic plaudet & Senatus. Vt eadem purpura homines delectat & ad gaudium prouocat, tauros offendit & irritat ad pugnam: sic eadem veritas aut virtus intellegentes capit, lædit improbos & imperitos. Itaque scribere hæc talia (quidquid incurrant) nihil tardor. & vt Luna, quod luminis à Sole accepit, infero huic mundo refundit: sic libens ego dona, quæ à magno illo Deo. Qui te, Vir illustis, reip. & bonis seruet: & mihi hunc animum tuum, quem tam amanter defers. Vale. Lugduni Bataurorum Idib. Februar. ∞. I. LXXXV.

EPISTOLA LXXXIX.

Delfos.

PAVLO BVSIO V. *Amplifs.* S. D.

CVRATOREM te (ita iam nunc intellego) huic Scholæ datum, Vir Amplissime, iure tibi, & magis nobis gratulamur. Tibi honorem aliquem: nobis grande beneficium, quod ab hac electione merito speramus. Speramus? imò iam tenemus. ea voluntas tua est in iuuandis optimis studiis, ea facultas. Illa clara; qui omnia pro nobis egeris, laboraueris, re priusquam titulo Curator. ista etiam non obscura; qui magnus es inter magnos. Sedes in hac publicâ, vt sic dicam, naui, non inter remiges aut nauales socios, sed inter eos qui ad gubernacula & ad ipsum clauum. Vis igitur, & potes: & ideò adfirmatio mihi non iniusta, de adfectu optimo & simul effectu. Sed sub initia tuæ Curæ, ingerâ tibi maxime curas duas; de Collegio & Philosophiâ. Diu nimis dilata vtrâque res, cum nostro, imò cum patriæ damno. Collegiû inquam ante omnia instituendum est, in quo ali iuuentus aliqua possit: certo numero, disciplinâ, lege. Domus ijs vna sit, vna mensa, vnum caput: lectiones variæ, pro capto cuiusq;, & pro iudicio Præfecti. cui hîc & alibi districtè parebunt.

rebunt. Numerum esse quàm maximum velim: certè non infra tricenos aut quadragenos. Sumptus in eam rem aliqui faciendi, fateor, sed exigui pro fructu. Hoc seminarium lectissimorum hominum erit: hæc seges eorum, qui ad Ecclesiam, ad remp. ad-mouendi. Nec alios legi quàm ex ipsâ patriâ velim, qui in câ, pro câ, & ab eâ alentur. Cur enim lac maternum hoc germanæ soboli præreptum, indulgeatur & immulgeatur exteris? ne facite: & sumptus cùm à vobis, ad vos etiam fructus redundant. Cetera quæ ad legem & disciplinam, tunc distinctè superædificabo & addam, cùm positum hoc fundamentum. Quod si Ordinibus de Collegio ægrè aut tardè persuademus, (tempora video & impensas:) age, inite saltem hanc viam alteram quæ impendij minus habeat, compendij non minus. Pro Collegio, substitute Mensam communem. Ita suadeo, ad Germanorum aliquot Principum exemplum. qui in Academiis (vtamur voce tritâ) subsidium hoc subtiliter & vtiliter inueniêre paupertinæ iuuentuti. Domum aliquam à se præbent, instruunt: nec eam nimis laxam. In hac Oeconomum cum familiâ collocant; cui cura nulla præter eorum, quæ ad victum. Conueniunt cum eo certis legibus: & ferè istis. Domum hanc, tibi & familiæ, habeto. frumenti annui tantum numerum, ad panem: tantum, ad zythum siue ad potum. Iuuenes cottidie ad mensam recipies quadragenos, quinquagenos. pro obsonio viritum quid pendent? Et ferè in septimanas conuenit, de pretio aliquo minuto: idque vnum onus (excipio quòd cubiculum sibi quisque parat) incumbit iuuentuti. Singuli inquam pro obsonio obligantur, cetera liberi & immunes. Sed id quoque leges suas accipit, quantum & quale ab Oeconomo detur. Iâ Rectoris & Professorum illa cura est, qui ad hanc Mensam admittantur, qui admissi reiiciantur: & quater anno recensensus habetur & examen eorum, qui beneficio Principali digni siue indigni. Submouentur, retinentur, subrogantur, vt censoribus illis visum. Conuiuolum iisdem tunc, pro labore. Mihi crede, non alia res sumptum minùs grandem habet, fructum magis certum. Nam in ordinariis illis collegiis, scimus quàm multa ambitu peccentur, admittendo, reiiciendo: scimus quàm verba ferè sint, præclaræ illæ de disciplinâ leges. Nescio enim quomodo, assidua conuictio illa & con-

tuber-

rubernium, non ex vsu iuuentutis : qui, vtrumque arceas aut separes, sermones communicant, consilia, vitia, sordes. Non id peccati in meâ Domo, in quâ, præter mensam, nil commune. Nec aliud ea est, quàm velut publicû Diuerforium : sed parcum, sed honestum. Cogitabis : & cùm voles, colloquemur. Iam de Philosophiâ, quàm turpe ! Ceteras hîc minores, & velut ancillas artes, coli & colere : negligi illam dominam & reginam ? locum ei non esse in proprio suo loco ? Quò enim aliter hæc omnis Academicarum institutio, quàm ad Prudentiam Sapientiamque imprimis spectat ? Atqui ad eas Philosophia ducit : quam tu, Vir sapientissime, induce. Barbaries te terret, & spinosa illa viarum ? Pelle illam, has purga : quas patres nostri malis tribulis, malis scrupis, impleuêre, per prauum acumen. Ipsam illam legitimam Diuam reuocari à te volo : non hanc squallidam & personatam. Nam Scholarum hunc, ante annos trecentos aut quadringentos, vsus siue abusus cur teneas ? Sperne. & reduc omnia ad veterem veramque formam : cui, præter fructum, maior sanè dignitas & venustas. Quis enim aincenior adolescens ad illa tam inamœna veniat ? fugiunt imò, cùm aduenêre : & imbibere non iniuriâ spernunt tætrum illud absynthium doctrinarum. Nos Aristotelem reducimus : sed ipsum &, si me audis, non solum. Ipsum dico. quia obscuri illi in eum & aculeati Commentarij, cui rei ? Detorquent rectissima ingenia, & in acuminum flexuosos labyrinthos abducunt, à vero Philosophiæ fine. Ipsum legisse, & intellexisse, satis sit : & maxime in ijs libris, quos hi minimè legunt. Logica illa ætatem eos occupant : concepta ab Aristotele fortasse, numquam ita scripta. Politica quis tangit ? quis De animalibus ? aliaque diuina, ob quæ mirati illum nos & prisci sumus ? Nam Ethica ipsa, leuiter libant & velut in transitu. Scilicet hoc iamdiu moribus his obtinuit, vt nulla pars minus ad Philosophiam facere censeatur, quàm quæ ad mores. Atqui ea præcipua erat, vel veriùs sola. Iam, nec solum, addidi : & bono iure. Cur enim vni Aristoteli locus in hoc procinctu sit ? Ille signifer quidem aut Imperator, si volunt : committent tamen alij, & in vnâ legione non vnus saltem Centurio aut Tribunus. Plato aliquod agmen mihi ducat, aliquod Epictetus, Plutarchus, Seneca : & in opinionum nonnullâ varietate,

O

omnes

omnes tamen pro Sapientiâ & sub eâ pugnent. In Ciuili & Morali eius parte, an ille à Lycæo indigneretur Platonem sibi apponi? fortasse nec præponi. ita diuinitus libri illi de Rep. & Legibus magnâ ex parte concepti sunt & conscripti. An Senecam sæpè & Plutarchum? Idemque de Physicis censeam: ad quæ & Senecæ Quæstiones Naturales, & Lucretij etiam liber sextus, aliquod, me arbitro, adferant momentum. Nec enim vel poëtas expunxerim ex hoc maniplo: & cum fructu hæc talia publicitus legi censeam in Scholis. Sed plura item & distinctè magis huius rei, coràm. Illud mihi non monendus es, sed rogandus, ne te aliorum trahant iudicia quorundam. Nouam viam noui homines ineunt: & explosâ illâ sectâ veteri, sapientiæ frugem quarunt in agellis Rami, aut Philippi. Quid dicam? neutrum culpo. vterque doctus, sedulus, industrius: sed valdè erro, si errorem hunc errare nos voluerunt ipsi. Compendia perueniendi conscripserunt: an vetuerunt adire loca & templa ipsa? Atque isti ita eos complectuntur; vt non viam illos, sed metam censeant: nec per eos ad veteres transitum faciant, sed in his subsistant. De Philippo, vt vir fuit, aliam ei mentem fuisse planè scio: de Ramo, spero. Quod si alteruter hoc adfectauit: si ipse solum illud Sapientiæ insidère, priscis eiectis: ne ille apud sapientes omnes valdè inspiens. & quem isti ipsi tyrunculi Principatu mox deijcient, qui per prauam seditionem elegère. Puerorum enim ista (dicam liberè) illudia, & Saturnalia dierum aliquot regna. Nec tamen eos sperno aut refuto prorsus (scio, & fateor, multa in his breuitate & ordine bona:) manèrè tamen intra fortunam suam iubeo, contentos parietibus & auditionibus priuatis. Puluerem scholasticum & aërem adfectant? non ferent: obruentur siculis & pugionibus istorum, qui prodeunt à Veteribus illis castris. Iuuentus nostra à me hoc audiat: Nunquam ille magnus erit, cui Ramus est magnus. Pergebam in hac scriptio- ne: (vides quàm benigna materia:) reuocant me non meæ occupationes, sed tuæ. Eas aspicio: & in ambulatiunculam nostram vnâ, aut cænulam potius, hæc conferam, quàm vt manum tibi & mentem impleam epistolâ tam longâ. Quod initio dixi, repeto: gratulari me, & optare vt curæ has curas habere possis, non rogare. Cur enim rogem? scio te iuxtà ac me velle:

nec

nec penes te vnumquam culpam futuram non impetrati huius aut non effecti. Deus illis, in quorum manu res est, tuam mentem det, tibi seruet. Vale Amplissime & amicissime vir. Lugduni Bataurorum, IV. Idus Iulias. ∞. IO. LXXXIII.

EPISTOLA XC. *Ultraiectum.*

FLORENTIO THINNIO *Syndico reipub. eius.*

SILVI aliquamdiu Vir amicissime : sed (dicam veram causam) fiducia solâ amoris. Oblivio tui fuerit? absit. hæres mihi tu & humanitas tua in medullis. Neglegentia mea? nec illa. quia alibi socors, numquam in hac parte quæ ad amicos. Amor, inquam, fuit, firmus inter nos amor : & ab eo fiducia, quia tam certus eram non irasci te posse Lipsio, quàm non amare. Et tamen siquid hîc quoque culpæ, morbus excuset : sub cuius umbone sæpe nunc in his talibus latito & me defendo. Nam etiam nunc apud me ille hospes, lentus, deses, certus non abire. Vitrioli acetum à te nuper accepi, siquid acria eum fortasse fugarent : & vtor. Nam nec Heurnius noster improbat, medicus mihi in omni hoc morbo fidus, peritus, & (quæ laus ei propria) cautus. Refrigerat sanè aperitque insigniter : sed nocet exsiccando. Itaque nondum plenè iuvat. A Pollione nostro ante biduum ad me litteræ. Omnia, quæ volumus. Aureliani sanus agit : Furnerio innotuit : pecuniam accepit. Consulit super abitū, aut mansionem. Illum ego suadeam, ut rem video & natas in regione cā defubirò turbas. Et Basilicam (antèa mihi scriptum) cur non emigret? placet locus, incolæ, mores. Atque adeo si nulla vis alia aut metus expellat, suadeam Germaniæ tamen adspæctum. Utile enim & è re peregrinantium, qui Galliam infederint, in illam transilire : ut siquid ex gente istâ adhæserit exultans, diluant siue temperent Germanâ gravitate. Quærit & de Titulo, Vbi? Ego, dum rem adferat, Aureliani an Biturigis, non discernam. Et illam adferet, aut valdè me fallent femina, quæ hîc iecerat firmioris doctrinæ. De rep. non illa mea cura. Tamen excusso Palinuro nostro valdè fluctuatur hæc navis, nec Æneam aliquem promptum video, qui succedat ad clauum.

clauum. Varij inter Ordines sensus : benè, si non dissensus. Deus videbit : ad quem confugio. quia, vt scitè Plinius, *tunc votorum præcipuus locus est, cum spei nullus est.* Quæ ipsa vota mihi interposita pro tuâ meaque (si ita expedit) salute. Vale. Lugduni Batavorum, a. d. xii. Kal. Iulias. ∞. Id. LXXXV.

EPISTOLA XCI.

CAROLO CLVSIO V. C.

Mi Clusi, & litteras tuas accepi, & cum iis thesaurum (ex animo sic appello) hortensem. Cariore mihi bulbi illi Tuliparum selectarum, quos ad me mittis, quàm si globulos totidem ex auro vel argento. Vulgus non credat? ego de meo animo & ex animo loquor. Grandes tibi gratias habeo : & cum habeo, debeo : ac debebo semper. Infortunium quod in pede tibi euénit, mihi dolet. sed quid? tu hanc sortem, ego aliam : & quemque clade aliquâ internâ siue externâ afficit Homericæ illa Ate. Dea tristis, amara, perambulat hunc orbem, nescio quomodo magis celeri pede, quàm candidæ Litæ. At tu quiescis, & id luges. Vtinam nobis domi illa desidia! Sed (en tempora, mi Clusi, imminent) iactamur & pellimur ad nescio quæ terrarum. Nam hîc palàm discidia. Tamen sermo etiam aliquis de Irene : sed vereor, vt sermo. Te vocaui nuper : nunc reuoco, cum video instabilem statum. Nos in studiis agimus, & promouemus haud multum inter tot turbas : tamen his diebus feriatis nescio quid in Senecam adnotauimus Tragicum. quæ mitto, si te fortè delectat ille poëta. Paramus Politica & grandiora quædam; sed quid mihi aut tibi spondeam, per hæc tempora & valetudinem hanc incertam? Hoc vnum. amare me virtutem, doctrinam, & amaturum semper : eosque qui eâ præditi. te, mi Clusi, inter primos. Vale. Lugd. Bat. vii. Kal. Nouemb.

EPISTOLA XCII. *Preslawiam.*

ANDREAE DV DITHIO V. N.

Cæs. Consiliario S. D.

IN ruborem me das hâc humanitate tuâ, Vir illustris. Scribis ultro, compellas ultro : & promiss atque offers ea, quæ improbare

probæ pænè mentis sit à tali viro sperasse. Ego enim te noui, Dudithi. & quamquam inter nos multæ terræ, multi montes: tamen etiam huc penetrauit se dudum fama nominis tui & virtutis. Boni omnes ita me probent amentque, ut iam pridem ego te, etsi tacito dumtaxat quodam sensu. Quæ enim mihi occasio aperiendi? ad quam præiuisse nunc te, & velut strauisse hoc iter beniuolentiæ & amoris, sanè gaudeo. In quo sedulò & cum fide decurrendo, numquam erit ut vincar. Libellos nostros & Constantiam laudas. mentiar, nisi id mihi gratum: non quia laudes me capiant nimis aut titillent, sed quia testimonia talium virorum. Itaque addis ad reliqua calcar. quo egere nos interdum fateor, ob iudicia siue calumnias quorundam. Nam valetudo mea nunc (propitio Deo dixerim) nihil impedit: & querela illa, quam Constantiæ subtexui, scripta in morbo meo ante aliquot annos. De Amphitheatro librum edidimus: quem mitto ad te non ut munus, sed nouæ amicitiae velut arram. Superfunt Saturnalium aliquot libri: qui digesti, imò perfecti, nisi quòd aliquam exspectant iudicij limam. Quam haut facile adhibeo, partim negotiis districtus, partim his bellis: contra quæ etsi statum erecti, tamen auocant sæpè hunc animum à talibus cogitationibus, & in se intendunt. Remedium tu amicè offers (scio enim quod domicilium, & apud quem, designes: & exosculor adfectum. Sed multa mihi nunc impedimento. familia, vxor, (nulli tamen liberi) parui è sorore nepotes, quibus tutor ego, illà nuper mortuà, imò velut pater. Sed nec corpus mihi nimis firmum ad longum iter: etsi integra adhuc & viridis ætas. Itaque non decretum mihi commouere ex hac patriâ, nisi fluctu aliquo maiore expellar: quod non semel nobis timendum videtur, in hâc tam diuturnâ tempestate. Alioqui beniuolè me habent Bataui, & stipendio sanè honesto. Nicasium Ellebodium ab aspectu numquam noui, optimè à nomine: iam tunc cum Romæ apud Cardin. Granuellanum agerem, paucis mensibus post eius discessum. Nam ipse tunc Patauij: & scio me aliquando ad eum scripsisse, Cardinalis nomine & iussu. Scire velim viuâtne, & ecquid agat. Idem de Michaële Bruto: quem ex Epistolis editis video tibi amicum, itemque ex Præfatione eâ, quæ in iudicio tuo de Cometis. quem libellum iam olim auidè legi & cum

fructu. De * * Mathematico scripseram olim ad Ortelium, sed nescio reuera sitne futurus ad saluam vestram & gustum. Mathematicus enim merus est, sine aliâ arte, imò pænè linguâ: denique ex genere, qui *μαθηματικοί* potius quàm *θεωρητικοί*. Adde quòd ægrè nunc auellatur ab his locis, in quibus arti eius honos & vsus. Siquid de altero eruam, non grauabor indicare. Donellus Iurisc. amicè te resalutat: quem Norici abstrahere conati à nobis ad Altorfianam Academiam, frustrâ. Manet enim mansurusque est, quamdiu hæc schola. Valdè & tibi se insinuat noster Doufa: itemque Plantinus, qui apud nos nunc agit, & casu cùm has scriberem interuenit. Vale Amplissime & nobilissime Domine. Lugduni Batav. ∞. IO. LXXXIV. Saluto ex animo D. Monauium, si est istic.

EPISTOLA XCIII. *Middelburgum.*

IANO GRVTERO S. D.

IMPEDITVM in Galliam iter tuum molestè fero. & hoc tamen malo, quàm vt cùm perueneris, periculum tibi aut fuga. Quamquam rumores illi magis grandes fortasse, quàm graues. Sanè qui modestiores illinc veniunt, omnia magis placida nuntiant, nec de bello etiam nunc aperto. Suspectam tamen pacem esse fateor: sed quando non in illâ gente? utique hoc statu: quo de religione illud discidium malè factum malè coit. Consilium tamen à me si quæris: ego censeam per Galliam transire te posse ad Germaniæ fines. Basileam vel Argentoratum dico: atque illic velut è speculâ prospicere quis in Galliâ ventus. Si Zephyri pacati: redire. si Austri aut Noti: hærete apud crassiolem, sed & quietiorem gentem. Omnino consilium non est, dare te frustrâ & cupidè in turbas. quarum si tibi amor: mane apud infelices Belgas. De Electis meis. si is, fer ad Brissonium vnâ: si manes aut aliud iter capis, remitte. Nam vt per nuntium, non sunt tanti. atque ego tantùm munus illud velut conciliando tibi viro magno dederam, & aditu muniendo. Vale, & salue à me nondum saluo. Lugd. Bat. xiv. Kal. Maias. ∞. IO. LXXXV.

EPI-

EPISTOLA XCIV. *Antuerpian.*ADOLPHO METKERCHO *Præsidi Flandriæ S. D.*

QUOD rariùs te appello, Vir amplissimè, ab occupationibus tuis est, non à meis. Illis hoc largior : quas cùm in reip. curâ & patriæ nostræ salute defigas, non incitus solùm sed impius sim, si temerè interpellem. Et verò quid magnopere ad te scribam, præter colere me & amare? neutrum ambiguum, qui deberi hoc tibi à bonis omnibus scis & iam reddi. Effecit enim dudum (rarum in ** πολυδύκει*) integritas tua & mira probitas, vt inuidiam odiumq; non minùs in aliis viceris, quàm auaritiam in te & ambitionem. Ad patriæ salutem consilia tua omnia diriguntur, ad tuam, ciuium vota. Sed hæc apud alios malo. Studia nostra per has turbas non vigent, sed nec planè cessant. Aliquid De Pronunciatione linguæ Latinæ meditamur, vt tu de Græcæ : sed exemplo magis eodem, quàm curâ fortasse aut successu. Tenuis enim hæc materia : & quam vix impleam, nisi à suspicionibus & coniecturis. Nam auctoritatum nos hîc fèrè inopes. Plantinus etiam ad Grammaticam concinnandam impellebat, quæ communis Belgio vniuerso esset. sperabat id enim Ordines decreturos. Vix ego. nec si faciant tamen, valde ingenio aut Genio meo scriptio talis. Quamquam fateor vtilissimi instituti rem fore : nec magis peccari in iuuetute instituendâ, quàm hac Grammaticarum varietate. Inter magistellos factionum res est : & quisque hanc aut illam præfert, quia posthabuit eam alter. Iam illi ipsi qui condunt, quid ? hoc vno reges. Mihi puero triplex olim Grammatica prælecta, in triplici migratione. Ad annum decimumtertium nugæ illæ tenuerunt, & adfirmo tibi ab anno octauo eadem me tenuisse, etsi non eodem modo. Quinque illi anni si in stilo & grauiorum rerum scientiâ positi fuissent, quis mihi fructus? Et hæc peccantur cottidie, non tã imperitiâ, quàm ambitu docentium & prauitate. Cui vos quoque, velut publico malo, mederi par sit : si tamen à grauioribus illis respiratis paulùm & ad mortem morbis. Quos Deus aliquando à miserâ hac Belgicâ auertat, & te Vir Amplissimè nobis illi que seruet. Vale.

Lugd. Batav. III. Idus Nouemb. ∞. IO. LXXXII.

* *Administri reip.*

EPI-

EPISTOLA XCV. *Lutetiam.*M. VALERIO COLLINO S. *multam precor.*

NON largiter solum, mi Colline, sed, quæ maior laus, firmiter amas. Louanij cœpisti: comitatus te in Galliam adfectus etiam nunc non deserit, etsi in temporum & locorum grandi intervallo. Adde inter nos silentium: quod frigus inducere potuerit vel incitatissimo amor. At tuus nec intepuit quidem: & scintillas acres sparsas video, & colligo in epistolæ tuæ omni parte. Redamo, redamo; & iure, pectus tam fidum, tam amicum. Locum sic satis honestum tibi illuc esse gratulor: nec, si me audis, muta. Ad patriam enim cur aspices? Zephyri interdum aliqui melioris spei, fateor: sed turbant subito ex transuerso Noti. Cur autem iuuenilem hanc, ut sic dicam, nauim in feruidum illud fretum immittas; cum statio tibi aliqua saltem, si non portus? Obdura. credo aliquando, post tam diuturnas tenebras, miseris Belgis sol aliquis illucebit firmioris pacis. Nos quoque non mutamus: etsi exteri ianuam aperiant & inuitent. De pugnis, quas in improbos quosdam pro me pugnas, (ita scribis:) gratum, nec gratum. Ab adfectu gratum: re displicet & effectu. Quid enim litigio isto vincis? non illos meliores facis: non me honestiorem, quem nihil maculant linguarum illæ sordes. Ita serio sentio. laudari me, cum culpant tam illaudati. Non virus illud homuncionis ego noui? inter cuius minimas culpas est liuor. Alia peccata sunt, quæ ipsum eosque perdiderunt & perdunt, qui adhærescunt. imò qui tangunt. Tu fuge igitur, non pugna. Cessisse hîc præstat, quàm incessisse: quia nec vincis quidem ac repellis sine maculâ tam maculosos. De Hospitalij Epistolis editis, valdè gratum. haueo inspicere: magis quàm illos ad Ciceronem Commentarios, famæ grandioris quàm rei. Quid refert? emptores suos, imò & amatores reperient vana illa doctrinarum. Nos solida nihilominus amabimus, contra iudicium hoc vulgi; & te vnâ, mi Colline, quamdiu tu me & virtutem. Vale. Lugd. Bat. Pridie Kal. Septemb. ∞. IO. LXXXV.

EPI-

EPISTOLA XCVI.

IANO DOVSÆ meo S. dico.

LEGI ad vxorem litteras tuas, quâ de me erant. Bellum hominem & facetum! qui tam arguto schemate scribis ad me, & non scribis. Quid censes? excusatum iri te? Non debebas. præsertim cum nō alieni solum multi huc cottidie, sed ipse à te tuus homo. Et tamen excuso. non tam arte istâ captus, quam i. inductus à naturâ tuâ: quam cetera efficientissimam, cessare plerumque scio & fastidire in scribendo. Culpa ea in amicitia, fateor: sed cui non sua labes? Nec circumfusa illa Thetys eam in te eluerit suis vndis: nedum vt ego me postulem minis. Taceo igitur, & patior. Emanatio vestra præter vulgi vota & nostrâ spem est. Etiamne in illâ aulâ fricæ & remoræ? nec tamen miror in re tam intricatâ: cui, in vrbe vrbium iam amissâ, nouus nodus. Multi apud nos concidunt, multi dilabuntur. è familiaribus tuis abit quantum potest *Jupiter ille Tonans*. Iam valedixit, iam sarcinas collegit, iam est in viâ. non tenuerint hominem Batauræ omnes quadrigæ. O vim metus, & verè *τὰ νύκτερι δέμα!* A quo pennas ^{*timor} etiam Hybrida noster sumit, ad eandem fugam. qui tamen dissimulat, & resister, vt ait, hac hieme: scilicet cum ciconiis ad vos venturus, sub æstatem. Ceteri valemus, & stamus. Valemus. vt & me includam: haud planè etiam firmum, adfidentem tamen iam sanis, imò & accumbentem. Nam conuiuia etiam obire hilariter audemus: quibus ades plurimum, & non ades. Nam mens nostra sæpè apud te, & de te lingua. At inuitatiunculâ tuâ, & illorum procerum, nunc non vtor. Di boni, quàm voluisssem nobilissimam insulam! Sed antea languor impediuit, nūc hiems, quæ per continentes has tempestates occupat præmaturè. E Galliâ mihi litteræ; & hoc noui, Petronium ibi recusum cum tuis Notis. Apud me est, videbis redux. De Mureto, nunciant vixisse. antea tamen Senecam Romæ edidisse castigatum & illustratum. Valdè velim vidisse. Rogertius noster istic quâ valet? quem inuideo tibi, te illi. Fabulamini enim assidue, muginamini, & estis vnâ quando liber, quamdiu liber. ô beatum pat! & quod vtinam per me impar! Saluta fodes, & excusa me de silentio iustissimâ morbi causâ. Sed heus tu! imitabor tuum *ὁρίσµα*, & ad alium id

P

hac

hac epistolâ scribam. Cognatus mihi illîc est in comitatu Busij, appella hominem, saluta, (caue neglexeris.) dic accepisse vnas eius litteras, cupere plures. responsurum me in breui: impeditum adhuc morbo. O velum mihi vtile, & hâc saltem parte salutarem morbum! patrocinator in omni culpâ. Tu ne inuide, cui frons tam dura, vt excusari etiam possas & possis sine illo. Nos editionem Epistolarum paramus (si quid forè subitum in hoc morbo) & iam concinnauius ad libros plures. Tardat, quòd offensam alibi aut inuidiam veremur, ex candore & libertate. Quomodo tamen aliter ad amicos scribamus? Sed videbo, & incîdam aut recîdam: nequi noui in nos venti. Qui vtinam te referant, mihi, vxoriquè! quorum alter te amat, altera perit. Vale. Lugd. nostræ, Kal. Septemb. ∞. I D. LXXXV.

EPISTOLA XCVII.

Leodium.

LAEVINO TORRENTIO

V. Amplissimo S. D.

LITTERAE tuæ quàm gratæ mihi acciderint, haud facile effabor. Mittentem intueor? scio ab eo viro, à quo nosci perhonestum, non dicam compellari. Ipsas? plenæ sunt fidæ cuiusdam beniuolentiæ, & salutarium præceptorum. Et fateor, de Constantiâ meâ iure ita sentis. Aptare enim veterem philosophiam ad Christianam veritatem volui: & in cogitatione eâ totus dum sum, illapsa & clapsa mihi quædam fortasse, quæ illam magis sapiant quàm istam. Non purgo. correctionem imò polliceor. & effecturum me vt ad culmen illud veniam, à primo isto velut gradu. Ego enim seriò scio & sentio, in vno Deo & Filio eius Christo, qui nos benignè redemit, liberauit, spem omnem positam humanæ salutis. Vias ad eam perueniendi, expressas in Sacris litteris. nec hæc externa omnia, & Philologa siue Philosophia, aliud esse quàm accessiones quasdam & ornamenta: folia inquam, non fructus. Quod iudicium meû in isto ipso de Constantiâ libro in fronte apparebit: qui iam iterum sub Plantiniano prælo. At Senecam & Stoicos admiratus sum. Certè. sed non vt qui verum, me iudice, viderint: sed qui paullò magis tamen in iis tenebris oculos aperuerint, quàm ceterum vulgus. De immortalitate

litate nostrâ aut malè aut timidè senserunt, & scripserunt: esto. (etsi disputari eâ de re potest) deum tamen adspice: quæ secta aut illum magis aperuit & homini inseruit, aut ea quæ ad ipsum? maiestatem dico eius, prouidentiam, gubernationem, & curam nostri. Quem primum limitem esse ad cognitionem & amorem veri dei, nemo negat. Hæc mihi sectam illam non probam prorsus fecerunt (absit:) sed probabilem tamen supra ceteras, quæ magis humi & circa hominem repunt. Iam de moribus & animorum lustratione, quis Senecæ, Epicteto, Arriano (quamquam ille, Epictetus alter est, & loquitur ferè eius verbis) hac parte præponendus? Multa & præclara Plato, cōfiteor, multa Aristoteles: sed non robore eodem aut neruis. Spirat nescio quis calor in Senecæ aut Epicteti scriptis, qui ad lectorem quoque peruenit: nec differere illi magis de virtute videntur, quàm inferere & inculcare. Quòd si virâ eam & factis non expressère: quid miramur? Verè fidei & verè lucis fulcrum illud defuit: cui qui nō innixus, necessum est in partem aliquam ruat. Et tamen hîc quoque facile peccari sentio, si quis eos nimis apud lubricam iuuentutem hanc miretur & laudet. Abstrahat enim à veris & legitimis illis animorum medicis, alliget ad agyras istos. quod cùm aliis, tum mihi quoque deinceps censeo cauendum. Non enim satis, ne ipse errem; sed ne alteri sim erroris causâ. Itaque, vt illuc redeam, iure quædam in scripto illo meo desideras: & præsertim magis expressam pietatem. Quam ego, te hortatore & duce, non animo meo deinceps geram inclusam, sed proferam & præferam clarè in scriptis. Factum antè à me parciùs, (si veram causam vis) in hoc ancipiti statu rerum & varietate iudiciorû, metu offensionum. At ego te sequor: nec inuitus in placidum illud mare rapior ab hoc Torrente. Quod superest, & te (vir maxime) ex animo amari & coli à me scito, & canam illam veritatem. De Dousâ hoc quoque confirmo, virum modestissimû optimumq; esse, & tui amantem. Plantinus ad nos redierat: è quo speramus aliquid audituros de tuis scriptis: quæ æstimari magis à nobis scito, quàm apud te promo. Vale. Lugd. Bat. Prid. Nonas Maij. ∞. ID. LXXXIV. Dominic. Lampsonium valdè velim à me salutes. cuius litteras accepi, at non illud quod in iis promissum. Item Læuincium, sororis tuæ filium.

EPISTOLA XCIIIX.

Lutetiam.

HENRICO WILTIO S. D.

QUOD salui adueneritis, idque ex litteris tuis intellexerim, valde gratum. contra molestissimum audire, de morte Sigonij & Guilielmij. Sed ille præter ætatem nihil passus est, (canescebat enim:) & fructus vberes cepit & reliquit studiorum suorum: iste noster, extinctus in ipso æui & ingenij flore. Feramus, & vereor ut hic annus fatalis sit ingenio non vni. Me quoque carpit lentè morbus: etsi mitior nunc paullo molliorque. Lutetiæ, siue in plerâque Galliâ totâ, pestiferam lucem vigere audio: caue & fuge, quantum humaniter licet. Abstine à discursu, ab intemperie, luxu, & imprimis ab insolenti illo Baccho. Nisi caues, fatum tibi per illam viam. Melissum istic esse, gaudeo: & magis si vsus tibi cum illo. Velim te in hac peregrinatione innotescere viris, qui claritatis aliquid habent ab ingenio & scriptis. Hęc enim res ad tuam lucem. De Cuiacio quid est? Auaricîne agit? an Lutetiæ est in consilio Regis? ita nescio quis rumor ad me adfert. Tu hæc & talia scribes: quæ grata nobis scis intellectu. Eidem viro epistolam meam ostendere poteris ad Ianum Guilielmium (si tamen occasio erit) quia si memini, quædam in eâ quæ ad illum. Aperi prius, & vide: & quod videbitur face. Sed ô illius alumni nostri ignauam ignauiam! itan' eum perdidisse aut proiecisse commissas litteras? At ego de superbiâ & contemptu periclitè apud Memmium, Pincæum, Faucium, quem Leidę olim nosti. Plura vetat languor: nec manus aut mens mihi satis prompta ad scribendum. Deum rogo te seruet, & augeat cum annis modestiam & virtutem. Lug. Bat. Kal. Decemb. ∞. 10. LXXXIV. I. Aurato, viro & poetæ summo, item Passeratio à me salutem.

EPISTOLA XCIX.

Antuerpiam.

IOANNI ROTARIO S. D.

ET ipsæ litteræ tuæ, Vir prudentissime, mihi gratæ: & gratior causa, quæ te impulit ad scribendum. Amor enim & humanitas est: quem nisi mutuum amem, manantem à tam puro fonte, durus sum & inhumanus. Atque ego te, mi Rotari (verè & sine

& sine blanditijs dicam) iam antè inter iunctos habebam & inter caros: ita multa de virtute tuâ audiebâ, & studio sapientiæ & doctrinæ: quod rarum inter tui ordinis homines, quibus p^ennatus ille deus carior est quàm laureatus. Nunc autem à te literis tam amantibus prouocatus, sequar in hunc amicitia campum, nec vinci me patiar officiis, quæ ab animo quidem sunt & adfectu. Constantiam nostram à te probari gaudeo, & magis illud, quod significas te iam olim in studijs his Sapientiæ deditum: quæ sperni scio à quibusdam vt superuacua, & in quibus parum ad virtutem sit momenti. Sed errant. quoniam etsi à diuinis litteris verum omne robur, & purâ luce nos perfundi fatear pietatis: sunt tamen hæc iuxta diuinum verbû adminicula quædam, quibus dirigi & firmari possint vacillâtes isti gressus. Nam quin castè & cautè Philosophiâ vtendum sit, non abnego: eaq̃ue ad normam & velut lapidem exploranda cælestis legis, cum quâ tamen consentire pleramque eam (dico quæ de Moribus est) quis item neget? in Platone, Trismegisto, Epicteto, Arriano, altas præclarasq̃ue multas voces reperio: quid refert à quo cæ profusæ, si ab vno illo spiritu veritatis? Quem inspirasse, vbi libuit, prisca illa etiam pectora, & oracula edidisse per homines vanos & profanos, nihil ambigo. Inter vetustissimos Iobum vide. quem è gente electâ fuisse non censent, & tamen scripsisse omnia electâ, Mercurium illum ter maximum, quem dixi. mysteria in eo multa & arcana nostræ legis; etsi Ægyptium fuisse traditum sit, nec imbutum veris sacris. Idem in philosophis est, & omni illâ scholâ quæ à Socrate: quorum scripta notas non obscuras & scintillas præferunt clari illius ignis. Itaque vt in prælio, non gladijs solùm & grauioribus telis res geritur, sed etiam funditorum quædam opera & leuis armaturæ est: sic in hac nostrâ contra vitia & adfectus militiâ, non solùm illo penetrante Verbi mucrone, sed etiam philosophorum hastis & sagittis aptè interdum & vtiliter pugnabimus. Sed digrèdior. & tu fortasse aliquid de repub. item nostrâ exspectas, vt remunerer te hâc quoque parte. Sed quid scribam? lenta hîc omnia, non læta: & videntur res nostræ velut in vado quodam adhærescere. idque eo tempore, cùm velis & remis festinandum sit. Nam qui in nos pugnant, quos progressus cotidie faciant, vides. Reme-

dium hîc mutatâ reipub. formâ & ab vno capite quæritur, vti-
nam vtiliter ! Sed vix spero. ita multi palàm, plures dissident oc-
cultè. A labe eâ quæ Flandriâ corrumpit, immunis nostra Batavia
non est : & hîc quoque varia iudicia & discidia animorum. Ita
vereor ne rebus nostris fractis & labentibus *extremum malorum*
(vt Tacitus noster ait) *discordia quoque accedat*. Quod si fit, con-
clamaturn est : & exsequias Belgicæ, quibus commodum est, ite.
Sed hæc sunt illa, aduersus quæ Constantia nos munit : & in
cuius præsidio ego quidem acquiesco. De falso Cicerone illo,
gaudeo tibi probari iudicium nostrum. Illud miror, Italos fuisse
tam obefæ naris : à quibus, si deo placet, aureus ille partus. De
Boulenio & Panhuisio, faciam sedulò : & si quid aliud erit, in
quo gratum facere tibi tuique similibus possim. Salue. & per te
Iohannes Viuianus vir planè bonus & poëta. Lugd. Bat. XIV.
Kal. Ianuar. ∞. IO. LXXXIII.

EPISTOLA C.

Antuerpiam.

PETRO EGMONDO S. D.

GRATVLATIONEM exspectas ? increpabo. Tûne Româ re-
cens redieris, & tribus verbis ad Lipsiû ? id quæ post bien-
nium, & illo ipso biennio per silentium elapso ? Certè tuum. non
enim ego etiam silens, qui ad te crebrò, ad Bensium etiam, & ad
Winceliû dedi. At nunc, tamquam in oculis mihi & ore assi-
duus, ita languidè scribis & quasi inops rerum. Quin si de te
nihil & itinerum euentu : saltem de manu illâ nostrâ aliquid lit-
teratorum ? quid Fuluius, quid Muretus, quid meus Bensius acti-
tent, & illi velut Patres litterarum ac Senatores ? quid iunior alia
soboles, qui succrescunt ? Non enim effætam nunc ingeniorum
Italiam censeo, illam nutricem eorum olim & parentem. Hæc
peccasti. &, vt speim imò viam veniæ ostendam, purga. Quod
fiet vnâ re, si priores illas litterulas delebis & obrues grandi ali-
quâ epistolâ, longâ, latâ, & quò magis latâ, magis latâ. Talibus
enim alloquijs egeo nunc, ô Egmonde, in torpido hoc morbo.
qui me, annum & tres ipsos menses, iam tenet, nec notus quidem
adhuc planè medicis, adeò non remotus. Ardores viscerum sunt
& interni æstus, haud procul ab Hypochondriacâ melancholiâ :
nisi quòd mens & caput mihi sana. quæ tentari tamen & lædi per
cum

cum morbum non te, credo, fugit. Similis aliquis languor fuit, qui magnum Laurentium illum Medicē tenuit & cito abstulit, sed per imperitiam medicorum. Nam aliàs, ad mortem non ita præceps. Ego omnibus armis in eum pugno, & præcipuè auxilio Nympharum (frigida enim in potu & esu mirè iuuant:) & aliquid sanè proficio: nisi quòd ad extremum, vereor ut suppediret me tam pertinax hic luctator. Victus enim aliquoties non vincitur, diectus non cadit, fugiens non cedit. Antæus aliquis est:

— ab ipso

Sumit opes animùmque casu.

Et profectò Terræ illa progenies, ducet me ad terram. De me habes. nam de studijs, scilicet in languore hoc languent. Tu autem quid? Grudiósne cogitas, & illíc honorem? Faueo, & voueo. illud miror, in eadem togâ candidâ tecum conspici tam nigras. Etiámne ille, ab Lutetiâ huc adspirat? O frontem, frontem! Nec tamen illum nimis culpo. (perseuerat enim esse quod fuit:) magis illos, qui flectunt & inclinant se ad tales. O vrbs mihi olim amata & culta, misereor. tenebræ & infamia tibi, per tam obscuros, tam infames. Tu autē, si me audis, obdura & fortiter age: peruinces, si inter suffragatores aut arbitros, vlli erunt mediocriter boni. De migratione nostrâ: amicè tu, nescio an ex famâ meâ, aut ex vsu. Inter hirundines istas ego? ætates aliquot otij & pacis hîc egimus: vis mutem ad ingruentem primam nimborum hiemem? non decorè, fortasse nec prudenter. Perpetuum enim serenum in illâ parte quis mihi spondet? Obscura, mi Egmonde hæc talia: in quibus vetus illud Tiberianum iure nobis placeat, ut consilia, quibus impares sumus, fato permittamus. Homo hîc quid videat? desipit maximè, qui sapit maximè. & solus ille æternus æthereusque oculus est, qui hos euentus cernit, & dirigit sæpè præter omnium mentem. Illi ego hæc & me permitto, & clamo ex animo hoc vetus:

* Ἀγέδ' εἰς μὲν ὦ Ζεῦ, & οὐ γ' ἢ παραρμήν.

* Tu Impiter me dicito, & Fatalitas.

Tu mi Egmonde vale, & Clarissimū Iurisc. & Antecessorem Iohannē Wamesium, si occasio tibi, à me saluta. virum prudentem, doctū, & (quod expertus sum) in virtutem & litteras valdè pronum. Idem cupio & censeo de Antecessore Philippo Suerio.

F I N I S.